

مكارىوس عطيتو

صندوق فرعون

رواية

حقوق الملكية الفكرية

1560 قبل الميلاد ..

وسَط الحاشية , جلس على عرشه بقامته القوية
وعضلاته المفتولة , وشعره الأسود المُجد , استقبل
الرسول الغازي , كان الملك الذي عبر لتوه عقده
الرابع من العمر يرث ميراثاً ثقيلاً من الفراعنة
السابقين , ففي الشمال عدو مُتبحج , يناور ويناوش
ويرغب في الاستيلاء على ما تبقى من الدولة التي
نهشها ضِعف حكامها .

كان الفرعون العظيم مجتمعاً بقادته , يناقشهم في
الوضع المتردي للبلاد , ويرغب في دفع العدوان
حيث دخل عليه ذلك الرسول .

كان الرسول هو أحد مبعوثي حاكم الهكسوس " أبوفيس " , جاء حاملاً الرسالة من حاكمه المُغتصب

وقف الرسول أمامه وبدأ بقراءة رسالة سيده .

(**إِنْ أَصَوَاتُ أَفْرَاسِ النَّهْرِ فِي طَيِّبَةٍ تُزْعَجُ
مَنَامِي فِي الشَّمَالِ , رَبَّمَا عَلَيْكَ الْقِيَامُ
بِإِسْكَاتِهِمْ .**)

إبتسم فرعون لما سمعه وبكراً حاتمي أمر بإكرام رسول الغازي وتقديم سبل الراحة إليه , ثم طلب منه العودة إلى سيده دون رد .

- ما لدينا من خيارات ليس بكثير ! , إما الحرب او الاستسلام وتسليم البلاد .

نهض فرعون وهو يفكر في رسالة حاكم الهكسوس
التي كان بها لؤماً شديداً , بهذه الرسالة أصبح يعلم
مدى تطور الجيش المصري إلى قوة برمائية , بل
وإختار تشبيه الجيش بأفراس النهر لأن فرس النهر
هو حيوان بر مائي .

وسط تفكيره وحيرته في الإختيار بين الحرب او
تسليم البلاد , في الناحية الأخرى من القصر كانت
تُخطط له مكيدته , قد تزيجحه من العرش إلى الأبد .

(1)

شقة سيدي بشر

في شتاء 2010 م كنت قد وصلت للسنة
الدراسية الرابعة والأخيرة بكلية أداب بجامعة
الإسكندرية , بدأت في البحث كالمعتاد انا
وصديقي عمر عن سَكَن للطلاب المغتربين , فبعد
خوض تجربة السكن الجامعي في الشهر الأول من
السنة الدراسية الأولى بالجامعة قررت عدم طرح
الموضوع للنقاش مرة أخرى , كما نبحت في جميع
الأماكن في الإسكندرية , حتي انا قد كلفنا
بعض السماسرة للبحث عن شقة سكنية , بالطبع
يوجد الكثير منها , ولكن الأهم أن يكون السعر
مناسب لنا خصوصاً وأنا مغتربون .

تذكرت والدي ونصائحه لي , فقد توفاه الله منذ
مدة ليست ببعيدة , كان والدي من أشهر
الشخصيات في الأقصر وعمل بمجال السياحة
لسنوات طويلة , أريد أن أرسل إليه نجاحي
كهدية له عن تعب في تربيتي . أعطاني انا وإخوتي
قسماً وفيراً من الحنان والحب , ربما سيكفيني
لنهاية عمري , رغم ذلك كنت أفقده بشده
وكنت أفقد حديثنا سوياً على الهاتف , كلما
ضللت طريقي كان هو مرشدي الأول . يجب
أن ينال التقدير الذي يستحقه عن طريق نجاحي .

بداخلي كنت لا أعلم , هل بالفعل تقبلت فقدانه
؟ ام أنني ألعب مع مشاعري التي لا بد أن
أختبرها يوماً ما .

توتت توتت .. تووتت توتت

نعم استيقظت على صوت صفارة القطار الذي
أعلن وصولنا إلى محطتنا الأخيرة أخيراً ..
الاسكندرية ، متيماً بها نعم ، ياليتني أعيش هنا
للأبد ، نزلنا من القطار بينما نظرت يميني
ويساري حتى أتبين بوابة الخروج من المحطة واذا
بي يصطدم رجل عجوز وهو يمسك بعربة نقل
الحقائب وهو يعتذر لي .

- لا مؤاخذة يا بيه ، حمد لله ع السلامة

ونورتوا اسكندرية بلد العجايب .

ابتسمت له ووضعنا أنا وعمر حقائبنا على العربة

واتجهنا لبوابة الخروج .

قررنا ان نبدأ في البحث من يومنا الأول هنا ،

وبعد أن أنهكنا التعب أنا وصديقي عمر في البحث

، مررنا علي أحد السوبر ماركت المنتشر في

الطرقات ولكنه كان أقرب إلي دُكان صغير .

وقفنا لنشتري فطوراً ، فالجوع والعطش كانا قد

تملكا منا وبالأخص عمر فقال :

- خالد تعالي نشوف أى حاجه ناكلها الأول,
انا هموت من الجوع , بعدين ندور علي
الشقة انا تعبت خلاص .

لكننا لاحظنا خلو الدُكان من أي بضاعة , فوقفنا
أمامه وأجبتة في يأس :

- أنا تعبت فعلاً , بقالنا كتير اوي بندور علي
شقة , مش معقول مفيش واحدة مناسبة !

قوت هذه العبارة ويبدو أن بائع الدُكان سمع
حديثنا نفرج منه وهو يتجه لنا , رجل متوسط
القامة , نحيف حد الهزال , نظراته حادة ,
إبتسامة غير حاضرة , جاء إلينا مستفسراً.

- إنتم بتدوروا علي سكن يا رجالة ؟ , انا

غصب عني سامعكم , صوتكم عالي شوية .

لم يهتم عمر بسؤاله وكان قد غلبه العطش .

- مفيش عندك حتي أي حاجة تتشرب ؟

- أصلي قافل من فترة طويلة معلش .

- لا أعرف لماذا كان بداخلي شعور أن هذا

الرجل سيساعدنا فقصصت عليه بإيجاز ,

وعرفنا أنه علي معرفة بفتاة تمتلك شقة

ويريد أن يؤجرها لمن يؤتمن , وإنه يحدیثنا

بعرضه توصيلنا للفتاة .

- تعالي معايا أوصلك بس مش هتقدر أسيب

المحل لوحده .

- تقدر توصف لنا المكان يا حاج ؟
- الطريق يتوه , ممكن صاحبك يقف هنا 10 دقائق بس اوصلك وأرجعك تاني ؟ المكان مش بعيد .
- معلىش يا عمر استني هنا وأنا مش هتأخر .
- ماشي بس خد بالك من نفسك .
- حاضر .

اصطحبني البائع إلى مكان الفتاة دون أن يثرثر كثيراً في الطريق , عرفته بإسمي وسألته عن اسمه فأجاب مبتسماً للمرة الأولى " فايز دانيال " .

كان المكان الذي تقبع به الفتاة قريباً من دكان عم فايز , رأيت فتاة تخرج من إحدى الشقق

الموجودة بالدور الأرضي , كان واضحاً أنها تغادر
فوقف عم فايز علي السلم وقدمني إليها .

- صباح الخير يا أنسة ليلي , الأستاذ خالد
كان عايز الشقة هو وأصحابه .

علي ما يبدو أنني كنت من ضمن قائمة طويلة
كانت تريد هذه الشقة , هزت رأسها في إشارة
لتحيتي بإبتسامة هادئة أكاد أجزم أنني ظلت
بضع ثواني سارحاً بجمالها , إصطحبتنا ليلي إلي
مكان الشقة , لا أعلم لماذا أحسست براحة شديدة
فور رؤيتها , فتاة عشرينية عمرها يقترب من
عمري , عيناها بهما حزن او شيئاً مثل ذلك ,
شعرها أسود قاتم جميل خالي من أي ألوان ,

ترتدي قيص وبنطال بسيطان , يبدو أنها لا تحب
التكلف أو البهرجة في مظهرها بل تحب ان تخرج
بطبيعتها الملائكية , مشيت معهما حتي أصبحنا في
منطقة سيدي بشر المشهورة , كنت قد سمعت أنها
سميت بهذا الإسم نسبةً إلى الشيخ بشر بن حسين
الذي عاش ودُفن بهذه المنطقة , الشيخ بشر من
ضمن الشيوخ الذين أتوا من المغرب والأندلس في
أواخر القرن الخامس او القرن السادس الهجري
للإسكندرية , كان حي من الأحياء النظيفة جداً
, أغلب سكانه من الطبقة المتوسطة التي اوشكت
علي الانقراض , كان كل شئ متاح حولنا من
سِلع وخدمات , توقفت ليلي وأشارت إلي المبنى ,
كان المبنى ثلاثة طوابق , عتيق وقديم بلا حارس

، البوابة الحديدية طُليت باللون الأسود ، إلتفت
إلى ليلى وقالت .

- هو ده المكان يا أستاذ خالد ، الشقة
هتعجبك جداً انا واثقة من كدة ، للأسف
مش معايا المفتاح حالياً ، أكيد مع والدي
، تقدر تطلع تخبط وتقوله أنك شوفت
اليافطة اللي على أول الشارع بتاعة الشقة
وهو هيفرجك عليها ، على فكرة الشقة الشقة
أربع أوض عشان أنا فهمت أنك مش
لوحذك .

- إنتي مش هتطلي معايا ؟

- للأسف أنا على خلاف الفترة دي مع والدي , الأفضل تقوله انك شوفت الياطة على أول الشارع .
- وأنت يا عم فايز؟
- سامحني يا بني انا علاقتي بيه ضعيفة , أنا بساعد بنته بس .

أومات برأسي متفهماً ثم دخلت المبني إلي الدور الأول حيث يسكن رجل على أعتاب عقده السادس من عمره , كان يظهر علي وجهه الحزن , كان ينظر لي نظرات غريبة وكأن عينيه ماسحة الكترونية , من رأسي وحتى آخر قدمي . استأذنته ليُحضر مفتاح الشقة المذكورة بعد أن عرفته

بنفسي وطلبت منه إيجار الشقة , غاب للحظات ثم عاد لنصعد سوياً إلي الدور الثالث حيث موضع الشقة , فتح الباب ودعاني لأرى المكان .

غرفة الاستقبال طُليت باللون الأزرق وتكون من جزئين , الجزء الأول وهو الأقرب إلي الباب به كنبه كبيرة واخري صغيرة , صالون قديم جهة اليمين , تصحبهم مرآة كبيرة , أما الجزء الثاني فهو الأقرب للطريقة يتكون من منضدة متوسطة الحجم تحمل تليفزيوناً متوسط العمر , رأيت أن هذه المنضدة ستصلح للذاكرة كذلك , يقع المطبخ على الجانب الأيمن من غرفة الاستقبال , به ثلاجة متوسطة على الجانب الأيسر وبجانبها الحوض , في

الجهة اليمنى مطبخ خشبي كامل به جميع أجهزة المطبخ لا ينقصه سوى إحضار الطعام فقط , تقع الطرقة تقريباً بجانبه بحيث يسهل على من في الغرف أن يسمع من في المطبخ إذا تحدث بصوت عالٍ , الطرقة بها ثلاث غرف علي اليمين متوسطة الحجم أما الغرفة الرابعة والأخيرة مُغلقة , تقابلك في آخر الطرقة , يقع الحمام على يسار الغرفة الرابعة . جميع الغرف مطلية باللون الأبيض , أرضية الشقة موحدة بسيراميك متوسط الذوق لا بأس به , الحمام والمطبخ لا علاقة لهما بذوق الشقة العام , مع ذلك كان لدي شعور غريب مختلط بإنجذاب إلي هذا المكان . فصدقت

شعوري , ويا ليتني ما فعلت , نظر إلي الرجل في
ثقة وقال :

- ها , إيه رأيك في الشقة ؟
- كويسة , أربع أوض كويسة علينا .
- العفش كله محدش لسة إستعمله , يعني
تقدر تعتبره جديد , هو موضته قدمت ,
لكن يمشي معاكوا وكان نضيف ,, المطبخ
كان أدواته موجودة فيه يعني مش محتاجين
بس غير الأكل اللي هتجيبوه معاكم . الأهم
تحافظوا عليها بس .

- لا من ناحية نضيفة فهي فعلاً نضيفة يا عمي ومن ناحية نحافظ عليها فمتقلقش خالص .

- أنتم كام واحد يابني ؟

- اتنين دلوقتي وفي اتنين هيبجوا بعدنا إنشاءالله .

- يبقى معلش في اتنين هيشتركوا في أوضة لأنني مش بفتح الأوضة الرابعة , فيها حاجات غالية وكراكيب , قدامكم ثلاث أوض وزعوها بمعرفتكم , فيه مشكلة ؟

رأيت المكان يستحق وبالأخص سعره مناسب لنا جميعاً وفي منطقة جيدة , لا أعتقد أن

ثلاث غرف ستكون مشكلة مع باقي الشباب

.

- خلاص مفيش مشكلة يا عمي , دي فلوس

عربون لحد ما نيحي .

- تمام , انا هسافر عُمرَة وبعدين راجع علي

قرايبي في القاهرة , لما أرجع هاخذ الباقي ,

وخليك فاكر إني أمنتك أمانه , انت

المسئول قدامي عن الحاجات اللي في الشقة

كلها والعفش والأجهزة الكهربائية .

- متخافش يا عمي , هنعافظ عليها خليك

متطمئن .

إتفقنا وودعت الحاج كمال وغادرت , عند
مدخل العمارة كان لا يزال عم فايز ينتظرنى ,
أبلغنى ان ليلى اضطرت للذهاب لقضاء بعض
أمرها .

- متشكر جداً يا عم فايز , تعبتك معايا .

- على إيه يا بنى ده إنت زى ولادى .

أردت أن أعطيه نقوداً كما تعودت مع أى سمسار
, لكنه إبتسم ورفض وقال أن ما فعله معى لأنه
كان يريد أن يساعد شاباً فى سن أبناؤه ,
اصطحبني لأقرب مكان يتواجد به عمر ليغلق
دُكانه ويذهب لقضاء بعض أمره . ما إن وصلت
حتى بشرت عمر , إتفقنا على ميعاد الإنتقال

للأسكندرية أخيراً لمتابعة المحاضرات في بداية
العام الدراسي.

إنتقلنا ومرت الأشهر الاولي من دراسة السنة
الأخيرة بالجامعة سريعة جداً وهادئة , وها أنا في
اواخر مدة إقامتي في هذا البيت الذي يملكه العم
كمال لأننا أول من استأجرنا الشقة وأول من
يكسر القاعدة على حسب كلامه فنحن فقط من
نشاركه السكن بينما الشقة الموجودة بالدور الثاني
لا زالت غير جاهزة أبداً ولم تنتهي الأعمال البنائية
بها .

رأيت ليلى بعدها مرتين او ثلاث مرات علي سلم
العمارة فحيتني , بات واضحاً ان خلافها مع والدها

إنّهي ، ذات مرة رأيتها مسرعةً باتجاه مدخل
العمارة فسألّني عن احوالي .

- إزيك يا خالد ؟ الشقة عجبتكم ؟

- اه الحمد لله .

- احسن من باقي السكّات ، كل واحد في
أوضة أكيد حلو .

- دلوقتي لسة احنا لسة اتنين بس ، كل
واحد في أوضة ، لكن في اتنين جاينين
وهيشتركوا في اوضة واحده ، مفيش
مشكلة عادي .

- لو الشقة ضاقت عليكم إفتحوا الأوضة
الرابعة ، هي فيها شوية كراكيب حطوها علي

جنب واخلو بالكم عليها لأن بابا يخاف علي
حاجته جداً .

- حاضر , لو اضطررنا هنفتحها أكيد .
- طيب , أشوفك علي خير , سلام يا خالد .
- سلام .

كان العم كمال طيباً وودوداً للغاية معنا قبل أن
يسافر للعمرة , كان يرسل لنا طعاماً عندما يرانا
متعبين من المذاكرة ليلاً , أعطي لكل واحد منا
مفتاحاً لغلق البوابة الحديدية ليلاً لزيادة الامان .
أول غرفة علي يمين الطرقة يسكنها عمر , شاب
صعيدي من محافظة سوهاج , يدرس بالسنة الثالثة
لكلية حقوق , متوسط القامة , ممتلئ القوام , مرح

ومتفائل , ويضيف البهجة في كثير من المواقف ,
هذه الغرفة تُعد أوسع غرفة بالشقة , تتكون من
سريرين كبيرين ودولاب كبير الحجم موضوع بين
السريرين بعناية , بها شباك صغير يطل على الشارع

الغرفة الثانية كانت لي لانها ثاني أوسع غرفة ,
قررت منذ البداية ان أسكن بغرفة خاصة بي
وحدتي , أحب الإحتفاظ بخصوصيتي , لا أحب
ان يعلم أحد شيئاً عن حياتي الخاصة مهما بلغت
درجة تقاربنا . كثير من الأمور الخاصة جداً وان
كنت أعلن عن بعضها كيفما أريد , لكنني
أفضل أن احتفظ بتفاصيل حياتي وكأنها سر

غامض . هذه هي راحتي . تتكون غرفتي من سرير متوسط الحجم وبجانبه دولاب صغير الحجم , الغرفة بها شباك يطل مباشرة على الشارع , ان يطل شباك غرفتك على الشارع الرئيسي ومن الدور الثالث فأنت ترى بحر الاسكندرية الجميل بوضوح . أصوات السيارات تجلب الونس والدفئ ولكنها مزعجة عندما تريد القليل من الهدوء خاصة اثناء الإمتحانات .

أتذكر اول يوم لي انا وعمر في السكن ذهبنا إلي محل وصلات الدش لعمل وصلة لنا , لكن عندما علم أين نسكن رفض بشدة .

- إنتوا ساكنين عند حنفي الجحش ؟ , معلش
مفيش وصلات .

- ليه يا عمنا ؟ هو مين الجحش ده ؟ إحنا
ساكنين عند الحاج كمال مختار .

- إنتوا منين يا بشوات ؟

- إحنا من الصعيد بس ساكنين هنا عشان
الجامعة .

- طيب هعملكم الوصلة بس مش عاوز وجع
دماغ , بعيد عنك يا أستاذ حنفي الجحش
ده راجل بنخيل , مش عايز وجع دماغ في
الفلوس الله يخليكم .

- هنديك اللي انت عايزو ياعم بس اعملنا
الوصلة .

- حاضريا رجالة .

أحضرنا بعض الطعام وذهبنا إلي البيت وفي
إغفاءة قصيرة من تعب السفر , سمعنا صوتاً مدوياً
لامرأة تهين زوجها بأقبح الألفاظ , من هي؟ إنها
زوجة شقيق " المحمش " أكبر بلطجي وتاجر
مخدرات في هذه المنطقة , متوسط القامة الذي
لن تتخيل أنه المعلم الذي يفعل كل هذه الأفعال ,
إنه حقاً حي محترم كما رشحه صاحب الدُكان ,
لكنني تجاهلت هذا الاحترام , لسعادتي بما رأيته
من حب ورعاية أصدقائي المشاركين لي في
السكن وحياتهم معي , عندما نتقاسم الحياة في
الغربة بعيداً عن بيتك وأهلك , فلا بد أن تمنح

نفسك شيئاً من الأمان وبعض الثقة فيمن حولك, لا يأتي هذا الاحساس عبثاً وإنما من تجارب ومواقف مختلفة لتثبت معدن الأشخاص كما كان يقول أبي رحمه الله .

إستقبلنا الصديقان قُرب فترة الامتحانات فقد انضمنا اليها " مؤمن " و " نور " في الغرفة الثالثة متشاركين إياها .

" نور " من المنيا , متوسط القامة , أسمر البشرة , مزدوج الشخصية مع أمور لا تحتمل الازدواجية . لهجته الصعيدية الجميلة التي يتحدث بها معظم الوقت , إلا في وجود أى كائن مؤنث , يتلوي لسانه في ثوانٍ معدودة بلهجة اخرى مصطنعة .

أما " مؤمن " فهو من إسنا , أسمر البشرة , طويل
 , عيناه واسعتان تنظران لك في حذر , يدرس
بكلية طب الأسنان , يتميز بخفة الدم ورجاحة
العقل , بعيد كل البعد عن التهور في تصرفاته ,
تظنه بخيل ولكنه يُقدر قيمة النقود ويحرص على
صرفها في المكان الصحيح .

ظلت الغرفة الرابعة مغلقة ولم نهتم بذلك لأننا لم
نحتاجها . يسود أغلب اوقاتنا المرح والسلام والود
كالأخوات بالفعل .

مرت الأيام حتي بدأ مؤمن يشكو من نور في أيام
متلاحقة متقاربة , وبات التوتر زائراً دائماً , يظل
نور مستيقظ طوال الليل يقرأ او يتحدث في

الهاتف وهو ما يضايق مؤمن أثناء نومه , كان يشكو فقدان السكينة والنوم العميق .

أراد مؤمن الانتقال إلى غرفة عمر لكن الأخير اعتذر بلطف , حيث أنه هو أيضاً يستقبل العديد من المكالمات الخاصة وأنه من الصعب ان يجيب عليها خارج غرفته .

بعدها جاء لي مؤمن آملاً أن اوافق علي طلبه ولكنني اعتذرت انا أيضاً بلطف , ثم خطرت لي فكرة تتيح حل مشكلة مؤمن , تذكرت ما قالته لي " ليلي " على الغرفة الرابعة .

كما قد تجمعنا على الغداء فبدأت حديثي .

- بصوا يا شباب , كل واحد فينا ليه طقوسه
الخاصة , لازم نفض أى خلاف مهما كان
صغير عشان ميكبرش عشان نحافظ علي
الود اللي بيننا , مؤمن متضايق من نور
عشان المواضيع اللي كلنا عارفينا .

نظر نور في عدم اكتراث .

- انا مش شايف انها خلافات كبيرة يعني ,
المفروض نقدر نحلها يا مؤمن !

كان مؤمن ينظر له بغضب بعد أن استفزه رد
نور .

- لا يا نور , انت مستفز , أنا ياما قولتلك اني
عاوز أنام وانت مبتحترمش كلامي ,
بصراحة ده عدم احترام ليا .

قاطع عمر كلام مؤمن محاولاً تهدئته .

- بلاش نكبر المواضيع يا جماعة , ده شيطان
ودخل ما بنا .

فور انتهاء هذه العبارة انقطعت الكهرباء بالكامل
عن الشقة وساد الهدوء تماماً , كنت أجلس
وبجانبي عمر الذي امسك بذراعي لخوفه الشديد
من الظلام , بينما كان يجلس مؤمن وهو يتمم
بكلام غير مفهوم ثم قطع الصمت صوت نور وهو
يقول .

- وقتها كان دلوقتي نتقطع الكهرباء , حد يقوم يولع شمعة بدل الضلعة ديه .

لم يتحرك أحد منا ولا نعلم لماذا , ليتمم مؤمن بكلمات أخرى ويبدو أنه يسب في شيئاً ما , نهض وهو يتجه للمطبخ لإحضار الشمع , ولكن سرعان ما مرت دقيقة وإثنان بل عشر دقائق كاملة ولم يظهر صوت مؤمن ونحن ننادي عليه , بدأ التوتر يزداد بداخلنا , بدأت أنادي عليه مرة أخرى ولكن بداخلي كان هناك شعور بالخوف لا أعلم لماذا ولكنني تشجعت ونهضت , ليأتي صور عمر بجاني .

- أنا بدأت أقلق يا خالد , هو مش بيرد ليه!.

كنت في طريقي للرد ولكن قاطعني صوت
إنكسار شيئاً زجاجياً نحمت أنها المزهريّة
الموجودة بجانب الصالون , تحركت بحذر شديد
وانا لا أزال أنادي علي مؤمن ولكن لا زال
الرد غير موجود , اقتربت من المطبخ ولكني
سرعان ما لاحظت شيئاً غريباً , كنت قد
تركت نافذة غرفتي مفتوحة مما يسمح لي
برؤية الشارع , اقتربت بهدوء من النافذة ثم
ظهر علي وجهي التعجب , الكهرباء منقطعة
فقط عن الشقة التي نساكن بها بينما الكهرباء
تعمل في جميع أنحاء المنطقة ! .

عدت للخلف ولكن سرعان ما اصطدمت
بجسد شخص خلفي , استدرت لأراه , كان
مؤمن وهو يوجه رأسه لأسفل , قوت له
بإطمئنان .

- الحمد لله , مبردش ليه كنت يا عم ؟ ,
اتخضينا عليك ! .

ولكنه كان لا يجيب , بدأ القلق يساورني ثم
عدت لأسأله .

- مؤمن انت كويس ؟

لم يجيب ولكنه رفع رأسه ونظر لي , عيناه
كانت بيضاء تماماً , الأضواء الخارجية منعكسة

علي وجهه , تجعله ظاهراً بوضوح , بدأ يقترب
مني وانا اعود للخلف بينما اصبح الشباك خلفي
مباشرةً فقلت له .

- أعوذ بالله , سلاماً قولاً من ربّ رحيم , يا
عمر! , الحقني يا عمر! .

في هذه الأثناء خرج صوت متحشرج من مؤمن ,
ليس بصوته ولكن بصوت شخصاً آخر .

- اكتشف السر يا خالد , او مش هتعرفوا
تخرجوا من الشقة ديه لآخر حياتكم .

- سرايه ! , يا مؤمن فوق .

- السر ! , السر يا خالد .

- انبي مؤمن هذه العبارة ثم صرخ في
وجهي وسقط مغشياً عليه وعادت بعدها
الكهرباء للشقة .

بدأت أعود لوعيي مرة أخرى , يبدو أنني
اصطدمت بشدة في الحائط بعد صرخة مؤمن
الخرقة , بدأ سمعي يعود للعمل عندما سمعت نور
يتحدث لي .

- خالد ؟ , خالد انت كويس ؟

أومأت رأسي مؤكداً له بأنني بخير , اعتدلت ثم
قولت في خوف .

- مؤمنن ! , مؤمن كانت عينيه كلها بيضاء ,
هو .. هو فين ؟

في هذه الأثناء دخل مؤمن وكان لا شيء حدث
وهو يأكل تفاحة ثم قال .

- قوم يعم إنت بتسينا وبتدخل تمام , بس
نومة الحيطه دي جديدة , السرير فاضي
كان يا عم .

لم أصدق ما كان يقوله وكان بالفعل لم يحدث
شيء ! , وقفت بصعوبة وأنا امسك رأسي من
شدة الألم .

- انت وقعت قدامي , أنا فاكر , عينيك كانت
بيضاء , ازاي !

نظري وكأنه يقول لي أنني جُنت .

- مكانش طالعي قرون شيطان بالمرّة يا خالد؟
, روح اغسل وشك يا خالد باين عليك
خَرفت ! .

قال هذه العبارة ثم انصرف , نظرت لنور وعمر
وانا اقول .

- متقلقوش متجنيتش لسة , وسعوا عشان
ادخل اغسل وشي , باين عليا اتخبطت في
الحيطّة جامد .

- خرجت من الحمام بعدما أخيراً استعدت
وعمي بنسبة مئة بالمئة , خرجت متجهاً
للصلاة لأجدهم يجلسون ويبدو أنهم
ينتظروني . نظرت لعمر وسألته .

- هو الكهرباء جات من امتي ؟

- من حوالي ساعتين كده .

نظرت لمؤمن بطرف عيني , كنت لا اصدق ما
قيل لي , لازالت متأكدًا بأن مؤمن كان يقف
أمامي بعينه البيضاء , نعم تذكرت , قال لي "
اكتشف السر يا خالد " , نظرت لمؤمن وانا
اسأله .

- طالما شايطني خرفت يا عم مؤمن ،

مكونتش ليه بترد علينا لما كنا بننده ؟

• عاد يرمقني بنفس النظرات التي كانت منذ قليل .

- خالد انت متأكد انك كويس ! كنت

بتنده عليا وانا جنبك ليه ؟

وقعت هذه العبارة علي كالصاعقة ، هل جنت ؟

، لا ! ، من الممكن ان أكون قد تخيلت المسخ

الذي كان يقف أمامي في الغرفة ولكني متأكد

بأن مؤمن ذهب ليحضر الشمع ، تذكرت سريعاً

بأن عمر كان ينادي معي ، نظرت لعمر وأنا

هاجمه بسؤالي .

- عمر , انت كنت جنبي , مش مؤمن قام

يجيب الشمع وقعدنا ننادي عليه ؟

نظري بغرابة ثم نظر لنور ومؤمن وهو يقول .

- الظاهر انه اتخبط في الحيطه جامد , خالد ,

اهدي كدة وفوق ! , مؤمن متحركش

اساساً من جنبنا , انت قوت انك قايم

تجيب حاجه من أوضتك ولما اتأخرت قلقنا

ودخلنا عليك لقيناك واقع وساند ضهرك

علي الحيطه .

لم أعد أتحمل ما يقولونه , نهضت وأنا أصبح

• ٣٢

- انتوا مجانيين أكيد , انا مش مجنون ! ,
سامعين ولا لا ؟

أنهيت كلامي ودخلت غرفتي وأغلقت الباب
ورائي , كنت لازالت لا أتحمّل ما سمعته ,
جلست على السرير أفكر , من المسخ الذي ظهر
لي في الغرفة ؟ من الذي نهض ليحضر الشمع
؟ و ما هو السر الذي كرره لي مسخ مؤمن
هذا ؟ , لا بد أن هناك سرّ مدفون هنا , سر
أسود ملعون ولا أعلم لماذا اشعر أن مصدره هو
الغرفة الرابعة ! في الصباح كل شيء سيكون
واضحاً .

(2)

في الصباح كل شيء
سيكون واضحًا

إستيقظت باكراً علي صوت صياح إحدَي الديوك
الموجود بإحدَي العمائر السكنية الموجودة بالقرب
منا , نظرت في شاشة الهاتف وجدتها تقترب من
الرابعة فجراً , توضأت ثم خرجت من الحمام متجهاً
لغرفتي لكن فجأة أغلق الباب بشدة في وجهي ,
اعتقدت أن صوت اغلاق هذا الباب سيوقظ
باقي الشباب ولكن حمدت الله علي عدم استيقاظ
أحد منهم , خاصة مؤمن الذي كان سيسب علي
ايقاظه بهذه الطريقة , حاولت فتح الباب مرة
أخري ولكنه لا يفتح , بدأت استخدم العنف

وأدفعه لكن محاولاتي بائت بالفشل , كنت قد
يأست من محاولاتي المتكررة التي كانت نتيجتها
الفشل , فوجئت بعدها بصوت باب آخر يُفتح , لم
يكن باب غرفتي , ولكن باب الغرفة الرابعة ! ,
بدأ يُفتح رويداً رويداً ويُخرج صوت صرير شديد
, اتجهت بخطوات حذرة ناحيته , لطالما كان لدي
فضول شديد في معرفة ما الأشياء التي تختفي وراء
هذا الباب , دلفت داخل الغرفة ورغم أن ضوء
الحمام ينير الطريقة الا أنني لم أرى أى شيء , وما
إن تخطيت عتبة الباب حتي أغلق الباب بشدة
ورائي, عدت لأستغيث بأى شخص من أصدقائي
وانا أطرق علي الباب لأنه لم يستجيب حينما
حاولت أن أفتحه , سمعت صوت خطوات خلفي

, لا شيء أراه سوي الظلام , ظلام أسود دامس
, بدأت أتحرك وأتحسس الحائط لكي أجد
مقبض الضوء , كنت لازلت أسمع صوت
الخطوات يقترب مني , تشجعت وانا اتحسس
بيدي أمامي لأعرف من صاحب صوت
الخطوات .

- مؤمن ؟ , مؤمن بلاش هزار سخيف , فين
زرار النور ؟ , مؤمن ؟

جاء لي الرد من احدي زوايا الغرفة ولكنه لم
يكن صوت مؤمن بل كان صوتاً ناعماً لفتاة .

- عمرك فكرت يعني ايه تبقي مظلوم يا خالد؟

- انتي تعرفي اسمي منين ؟

- أنا اعرف حاجات كثير عنك , بس مش هو ده موضوعنا , مردتش علي سؤالي ؟
- لل .. لا , مجربتش الاحساس ده بس اعرف انه احساس وحش , انتي مين ؟
- مش دلوقتي هتعرفني , اكتشف السر و هتعرف أنا مين , السريا خالد متنساش .

أنهت هذه العبارة ثم فُتح الباب ورأيتها ويا ليتني ما رأيتها , وجهه مغطي بالدماء وبشع للغاية , فتاة متوسطة القامة عيناها بيضاء تماماً تنظر لي وهي تبسم , كنت أراها , أكاد أقسم بأنني لم أشعر بقدمي ثم اصبحت لا أرى إلا السواد مرة أخرى , و لا أعرف بعدها ما حدث

لأنني وجدت نفسي ملقي خارج الغرفة في
الطريقة تحديداً نائماً علي ظهري ومؤمن وعمر
ونور ينظرون لي في حيرة وتعجب .

إستيقظت مرة أخرى لمواجهة كوايسي اللعينة ,
بالطبع لم يتفوه أياً من أصدقائي بكلمة واحدة بعد ما
رأوه ليلة أمس وتركوني اذهب لغرفتي وأنا م ,
كانت العاشرة والنصف صباحاً , كان لا بد أن
أذهب اليوم للجامعة , أود أن أعطي لنفسي قسطاً
من السلام من هذا البيت بعد أحداثه الأخيرة هذه .

- صباح الخير يا خالد .

كان الصوت آتياً من نور , رددت له الصباح ثم أخبرته أن يوقظ البقية لأخبرهم بشيء مهم , ثم أغلقت باب الحمام ورأيت تجنباً لأي محادثة من الممكن أن تعكر مزاجي .

مع خروجي من الحمام كان بقية الشباب قد إستيقظوا , دخلت غرفتي لأري ماذا سأرتدي بدون أخذ الأراء كالعادة , انتهيت ثم خرجت لأجدهم في إنتظاري ويبدو علي وجههم النعاس الشديد .

- خير يا خالد , ايه الحاجه المهم اللي عايز

تقولها لنا ؟

كان السؤال السابق من مؤمن .

جلست أمامهم وأنا صامت لوهلة ثم بدأت في الحديث .

- الأحداث الأخيرة مش عاوز أتكلم فيها ,
هنرجع لحياتنا الطبيعية العادية , أنا عندي
فكرة تحل مشكلتنا .

جذبت إنتباههم بكلامي وهذا ما كنت أريده
ثم أكملت .

- هو احنا ليه حابسين نفسنا في ثلاث أوض
بس ؟ مش هما أربعة ؟

لوهلة لمعت عين مؤمن ثم إنطفأت من جديد
وقال .

- قصدك نفتح الأوضة الرابعة ؟ , هي فكرة ,
بس لو عم كمال عرف ؟ بعد كدة إزاي
هتقعد في أوضة كبيرة لوحدي وهدفعه
نص أجرة ؟

- لآ , الأوضة دي بس تحل المشكلة مؤقتاً بس
لحد ما نلاقي حل أحسن , يعني اللي عاوز يعمل
تليفون او أي حاجه بليل يروح فيها عشان الثاني
ينام , بعد كدة عم كمال مش هيقول حاجه
أكيد , حتي ليلي بنته قالتلي الشقة أربع أوض
وقالتلي عادي ممكن نفتحها , إحنا هننظبطها
ونستخدمها بدل ما هي مقفولة كدة وكلها تراب ,
ده عم كمال هيفرح جداً . بعد كدة هي اول
مرة نفتح أوض يا عمر ؟ , مش فاكر لما عملنا

كدة السنة اللي فاتت وأصحاب البيت إنبسطوا
قوي منا .

- أيوة صح , وممكن يكون عم كمال مكسوف
منا عشان الأوضة مركبة ومش نظيفة ,
إحنا هنتضفها ولما يرجع من عند قرايبه
هنقوله .

قال نور في رفض واضح .

- طب إفرض الحاجات اللي قال عليها لقيها
ناقصة ؟ يقول إحنا اللي أخذناهم ؟ الأحسن
هو اللي يفتحها .

دافعت عن فكري قائلًا .

- إحنا هنقوله إننا فتحناها , وبعدين يا نور هو
إحنا حرامية ؟ هشيل الحاجات دي في
كرتونة على جنب ونحافظ عليها , ولما يبجي
بالسلامة هنديله الحاجات دي .

- خلاص يبقى إنت المسئول .

- تمام , في حد عنده مانع ؟

بموافقة نور جاءت الموافقة بالإجماع من الشباب .

- طيب أنا هنزل الجامعة , ممكن تريحوا شوية
وتصحوا تفتحوها ؟

- إحنا خلاص صحصحننا ولا إيه يا شباب ؟

قال عمر هذه العبارة في حماس .

- أيوة , إحنا هنفطر وهنقوم نفتحها على طول

.

كان هذا الرد من مؤمن الذي نهض وذهب
للمطبخ سريعاً ممتلئاً بالنشاط لتجهيز الفطور .

كنت قد تأخرت ولا بد أن أتركهم الآن للذهاب
للجامعة , نهضت وأنا ألقى السلام ثم تركتهم
ورحلت .

إتجهت للجامعة ونسيت الغرفة والباب إلي أن
انتهيت من جميع المحاضرات وكنت في طريقي
للرحيل حتي رأيت ليلي أمامي متجهة لمبنى كلية
طب المجاور لنا , لا أعلم لما بدت ضربات قلبي
وكانها في سباق سرعة , كانت سريعة للغاية , هل

هذا هو الحب أم ماذا ! , لقد رأيت من قبل
إحدي المعلومات علي شبكة الإنترنت مكتوباً بها
أنه عندما نرى من نحب تبدأ ضربات القلب في
الإسراع بشدة وهناك من يضح لديهم الأدرينالين
في جميع أجزاء اجسامهم , رحلت وأنا مبتسم
لرؤيتي لها اليوم ثم عدت إلي المنزل .

وجدت الشباب في إستقبالي , واقفون امامي في
زهو مبتسمون , كان يظهر علي وجهم الإجهاد .

- الحمد لله , فتحنا الباب .

بدأ مؤمن يقص لي ما حدث بإيجاز , ما إستنتجته
أن الباب كان لا يريد أن يفتح ولكنه فُتح في
النهاية , هل من بداخله يرفضون ؟ , بالتأكيد لا ,
لأ أعلم لماذا عدت للتفكير لهذه الأحداث الغريبة ,
لكنني دخلت وألقيت التحية علي الجميع .

- الله ينور يا رجالة . فتحته إزاي ؟

- الأول حاولنا نطفش القفل بس مكانش راضي
يفتح , حاولنا شوية بمسمار كبير وشاكوش
وفضلنا ندقق شوية , وبالسكينة شوييتين .

هكذا شرح عمر وأكل بعده مؤمن .

- إحنا عايزين عزومة كبيرة ومُغذية عشان
التعب اللي تعبناه ده , باب صعب جداً , ده
زي ما يكون حد قاري عليه !

إبتسمت ثم غلبنى الفضول لأرى الغرفة المغلقة .

سرت نحو الغرفة كي أستطلع ما بها ؟ لا شيء يبدو
مختلفاً بها , الجدران بيضاء , شباك متوسط الحجم
مغلق , كنبه مشابهة تماماً للكنبة التي في غرفة
الإستقبال . كرتونة أحذية نسائية متهالكة , غسالة
ملابس تحتضر منذ سنوات , كرتونة قديمة محكمة
الإغلاق , عليها بعض الكتب الخاصة بمواد كلية
الطب , يبدو أنها تخص ليلى , وأخيراً صندوق
خشبي مطلي باللون الأسود متوسط الحجم قديم ,

أشبهه بقطعة آثار مهمة ، يحكم إغلاقه قفل فضي كبير ، يحتاج مجهوداً يُعاد لصيغته الأولى ، نُقشت عليه جُمْل بخط قديم مُتداخِل يصعب قراءته ، من المؤكّد أن هذا هو الشيء الثمين الخاص بعم كمال .
أردفت مبتسماً .

- طيب يا رجالة ، شكلكم كنتوا في حرب ،
يلا نحتفل .

شارك الشباب في نضافة الغرفة بمساحيق النظافة ، بالتأكيد نحن كشباب ورجال هذه الأشياء دائماً ما تكون أمهاتنا هي المسئول الأول عنها لكن كحال كل شاب مُغترب ، لا بد أن نتعلم كيف تكون مسئولاً ، أزلنا الكثير من الأتربة ،

نظفت الصندوق الخشبي قدر الإستطاعة ,
وأعطيته ركنًا يصعب المرور به , ثم نهت
الشباب بعدم التعرض له , فبالإضافة أنه من
ممتلكات عم كمال إلا أنه يبدو أثرياً وأنا أعرف
قيمة كل ما هو قديم كما كان يُعلمني أبي , بلا
أدنى شك قطعة ثمينة جداً , أحضرنا الكنبه
التوأم من غرفة الاستقبال , حتى تأنس بأختها
هنا . فهذه الغرفة أدفاً كثيراً من باقي البيت ,
عندما نخبر عم كمال بما فعلناه يستطيع
الاستفادة منها مثل باقي الغرف , سوف تكون
مفاجأة رائعة , وسوف يسعد بلا أدنى شك ,
لكني أتمني ألا يزيد الايجار على مؤمن أو نور .

مرت الأيام هادئة ولطيفة مرة أخرى , جعلنا
من الغرفة الرابعة " السنترال " الخاص بنا ,
أصبح مؤمن ونور وعمر يستقبلون فيها جميع
مكالمتهم , ثم أصبحنا نستقبل فيها أصدقاءنا من
الجامعة للذاكرة او الثثرة احياناً , هذه الغرفة
لها روح مُختلفة عن باقي الغرف , تدخلها
فتستريح نفسك وتستجم , أم أنها لذة الممنوع
من المرغوب !

إختفت المشاكل و كَفَ مؤمن عن الشكوى ,
وعاد الهدوء من جديد لنا جميعاً مُستمتعين بأيام
جميلة لن تُنسى أبداً . حتي رحلت عنا سنة

2010 م وبدأت 2011 م ومعها بدأت
الأحداث تتصاعد .. مرة أخرى .

(3)

لست وحدك

مرت 2010 بسلام , وإن لم يكن بسلام بالمعنى الحرفي
ففي آخر يوم من هذه السنة وبعد أن دقت الساعة الثانية
عشر منتصف الليل معلنةً قدوم يوماً جديد وعماماً جديد
, صوت الدماء صرخ وبشدة في هذه الليلة , صوت
الحزن كذلك خرج عن صمته , دوي انفجار بالقرب من
السكن الخاص بنا وبالأخص بالقرب من كنيسة
القديسين "مارمقس الرسول والبابا بطرس" , إستيقظنا
علي صوت الانفجار وصراخ الموجودين بالقرب من
الكنيسة , الكل سواء مسيحياً او مسلماً يحاول دخول
الكنيسة لانقاذ والده او قريبه او اخته او أى شخص
من الممكن أن يكون يعاني بالداخل , استيقظنا علي
صوت الانفجار ثم تبعها صرخات الموجودون بالقرب
من الكنيسة, كان يوماً حزيناً علي مصر بأكملها , تأثرنا

عندما رأينا في التلفاز أن أكثر من عشرون شخصاً بريئاً
راحوا ضحية هذا الحادث , بدأت 2011 بحزن شديد
علي الكل .

كنت اتحدث إلى شقيقي "فارس" مساء أحد الأيام
في الغرفة الرابعة التي نستقبل بها مكالماتنا , وعندما
انتهيت من المكالمة لاحظت أن الصندوق الأثري
بالغرفة مفتوح , القفل كذلك كان مفقود , اقتربت
في وجل وفتحت الصندوق , بداخله شيئاً يشبه
الخنجر ولونه ذهبي ورغم أن الأتربة تغطيه من جميع
الاتجاهات الا أنه لازال يحتفظ ببريقه , عليه آيات
غير واضحة , قطعة قماش مهترئة , شموع مُستخدمة ,

كتاب وأوراق قديمة بها رسوم هندسية , منديل من قماش ملفوف . ملابس تشبه الملابس الفرعونية ولكنها غريبة الشكل , ساعة قديمة جميلة تكسوها الأتربة وعلى ما أعتقد أنها تخص عم كمال , سوف أقص عليه ما مررنا به بكل تأكيد , لكن في كل الأحوال لن أجرؤ أن أقول له فتحنا الغرفة , وبعثرنا ممتلكاته الخاصة !

وضعت كل شيء مكانه لكن يظل القفل مفقود !
من الذي استطاع أن يفتح هذا القفل القديم العتيق ! , من فتحه يستطيع فعل أي شيء , رغم أن محتوياته لا تُحْت على السرقة لعدم نفعها , إلا أنني

قررت أن أنقل ما تبقى من الأمانة , التي اضطررتي
الظروف أن أحملها إلي غرفتي كي تكون بمأمن .

بعدها بأيام وأثناء مروري بأحد المحلات , وقع
نظري على إحدى الساعات المعروضة من وراء
الفاترينة , عقدت العزم على الادخار حتى أستطيع
شراء هذه الساعة , فقد كانت باهظة الثمن , بعدها
بأيام اقتنيتها , كنت أدخرها لأقرب نزهة قادمة ,
كنت أرى الغيرة في عين نور , والتي نتجاهلها جميعاً ,
فأنا أعلم الاختيار بين التغاضي عن عيوب الأصدقاء
والتعاش معها , أو نبقي منعزلين .

وفي يوم من الأيام التي كنت أنوي بها أن أخرج في
نزهة مع أصدقاء الكلية , تأنقت كعادتي وارتديت

الساعة الجديدة التي إشتريتها , ثم ذهبت للمرأة بغرفة
الاستقبال , كان الشباب يتنقلون بين الغرف
والمطبخ , حتى استقروا في المطبخ ليلتهموا ما فيه من
بقايا طعام , تأملت الساعة ثم سألتهم عن رأيهم في
الساعة الجديدة ومظهري .

- ايه رأيكم يا شباب ؟

- حلو جداً يا خالد .

كان هذا رأي عمر .

- طب حلوة الساعة على الطقم ده ؟

- لا يا خالد مش لايقة , غيرها .

كان هذا رد نور والذي جاء في غيرة واضحة .

في سداجة غريبة خلعت الساعة ووضعها على
الكومود الموجود بجانب المرآة ثم ذهبت لغرفتي
لأنتقي ساعة أخرى من الساعات الموجودة معي ,
ثم عدت مرة أخرى بعد مدة لا تتجاوز الثلاث
دقائق , وقفت مكاني متجمداً مما رأيته ثم بصوتٍ
عالٍ .

- مين اللي عمل كده !

اسرع الشباب على صوتي العالي , بينما ألسنتهم
مازالت تلتوى بباقي الطعام , ثم أرستم الدهشة
على وجوههم محققين في الساعة , ساد الصمت بيننا
, لا أحد يتكلم , يحدقون في بعضهم البعض في
اندهاش , كانت الساعة على الأرض , محطة

لأجزاء كثيرة , يكاد يكون كل جزء في ناحية ,
نظري مؤمن في ذهول .

- إيه ده ! , مين اللي كسر الساعة كدة ؟

- بتسألوني أنا ؟

استدرك عمر وكأنه ينفي التهم عنهم .

- والله ما نعرف يا خالد ! , ما إحنا قدامك في

المطبخ , وبعدين انت كنت لابسها في إيدك

حالا !

- أديك قولتها , مين بقي اللي عمل كدة ورمها

, وواضح إنه رمها وهو مغلول !

- تقصد مين يا خالد ؟ , انت اتجنت ؟ ,

هنعمل كده ليه يعني !

- على سبيل الهزار التقييل مثلاً يا مؤمن !
- إنت مكملتش دقيقتين ورجعت يا خالد ,
هنلحق نعمل كده إزاي ؟
- معرفش يا نور ,عموماً اللي عمل كده منا
وحسبي الله ونعم الوكيل في اللي عمل كده .

كنت أدرك بأن الأقرب لفعل مثل هذا كان نور , لم أنس أنه اشترى عدة مرات نفس الأشياء التي اشتريتها أنا من قبل , الغيره هي من تحركه , وهو من اعترض على ارتدائي للساعة الجديدة , ولكن بما أن الساعة باهظة الثمن , فلن يستطيع شرائها , فكان الحل هو تحطيمها في غفلة عن باقي الشباب , ببساطة لا يريد رؤية أي منا أفضل منه , في علم

النفس هناك الكثير من حالته , مسكين , ولكن
ما ذنبي أنا ؟

في هذا اليوم كما تتبادل النظرات الغير مريحة , لن
أستطيع العيش هكذا , بالتأكيد لا بد أن أعفو
وأسامح , مع توخي الحذر منهم جميعاً , لا أعلم
كيف سأتمتعهم بعد ذلك على نفسي ؟ , لم نتحدث
كثيراً كعادتنا , كان خليط الحزن والشك والخوف
والحيرة يدور حول عقل كل واحدٍ منا , من فعل
هذا ؟ , كنت الاجظ نظرات الشك في عيون كل
واحد منهم للأخر , ولكن الأهم من ذلك كله ,
هل يوجد بينهم من يكرهني إلي ذلك الحد ! , لا ..
لا , لن أكل في التفكير , لقد أخذت قسطاً وفيراً

اليوم من الكتابة والتفكير العميق , لا بد أن أرتاح
كي لأ أهلك مخي وأعصابي أكثر من هذا .

بعد أن أنهينا عشائنا , لم نعلق علي شيء , لم أجرؤ
علي لمس حطام الساعة , وكأنني أرسل رسالة
للفاعل ليرى مدى بشاعة فعله , ترك كل منا الآخر
استعداداً للنوم , عندما أغلقت باب غرفتي جلست
أفكر , كاد عقلي ينفجر دون الوصول لنتيجة
حقيقية , لماذا نور؟ هل يكرهني إلي ذلك الحد , لم
ادرك كيف ومتي رُحت في ثبات عميق حتي
ظهيرة اليوم التالي .

استيقظت على صوت صياح من احد الشباب
ويبدو أنه مؤمن , نهضت سريعاً وخرجت لأرى
ماذا حدث .

- مين اللي عمل كده فيكم ؟

- في ايه صوتك ليه عالي ؟

دخل مؤمن لغرفته ثم خرج بإحدى قمصانه الثمينة
ولكنه مُقَطَّع لأجزاء , ألقى بالقميص في وجه نور
, وسط ذهولي وذهول عمر نور , لحظات الذهول
الآتية من تخبط الأفكار تظهر مرة أخرى على
أعيننا , ما الذي يحدث , من منا الذي يجرؤ على
فعل تلك الأفعال , هل يمكن لسخافات صغيرة

تصدر بين الحين والآخر من إحدانا أن تكون
مصدر انتقام بكل هذا الغل !

نظرت إلى نور أحمل علامة استفهام ؟ و يقين أننا
سوف نعرفه , وعندها لن ندعه يعيش معنا لحظة ,
لا شيء يدوم , سوف ينكشف قريباً , إلا أن
عيون مؤمن ظلت تنتقل بيننا في شك .

- مبلين يعني ؟ , مين فيكم اللي بيعمل كده ؟

- إيه كل الغل ده ؟

أسرع نور في رده .

- تقصدوا إيه يعني ؟ , هقطع حاجتكم ليه بقي

؟

- أنا موجهتكش الكلام , بترد ليه ؟

- متكل.....

- إيه يا شباب ! , أنا فعلاً مش مصدقكم ,

إزاي بتفكروا كده ؟ بس مين بس اللي يعمل

كده ؟ , مش قادر أصدق !

عاد مؤمن ليتكلم بغضب .

- بصوا بقي , القميص ده كان غالي عندي

جداً عشان أبويا جايهولي , كنت دائماً

بحافظ عليه , اللي عمل كده فيكم مش

هسيبه !

دخل مؤمن غرفته , ووراءه نور وعمر في نتابع على

مهل , وكأنهم يجرون أرجلهم من الصدمة , أغلقت

الباب ,على نفسي للمرة الثانية ولم أدر ماذا أفعل ؟
كيف أفكر هذه المرة ؟ بالأمس كنت أتهمهم
واليوم أنا في عداد المتهمين ؟

على الأقل أعرف الآن أنه عمر أو نور , وبالطبع
أرشح نور بقوة , الوحيد الذي يغار من أى شيء
ليس بحوزته , أو حتي لا يستطيع شراءه , الوقت
سوف يثبت للجميع صحة تفكيري .

وضعت رأسي على المخدة ولم أدر بنفسي بعدها .

الثالثة فجراً ..

إستيقظت وكأني كنت فاقداً للوعي , لكن مهلاً
لماذا أشعر وكأني أختنق ! , كان هدوءاً قاتلاً , لا

أسمع أى أصوات بجانبى ، رفعت يدي كي
أتحسس الكومود الموجود بجانب سريري ولكني
وجدت شيئاً خشبياً مثل غطاء تصطدم به يدي ،
ماذا ! هل هذا قبر ؟ ، هذا صندوق خشبي الذي
يوضع به الموتى ! ، لا لا أنا اكره الأماكن الضيقة ،
بدأت أختنق ، كنت أسمع صوتاً بالخارج ، صوت
أحد الشيوخ يبكي ويدعو .

- اللهم إن كان محسناً فزد من حسناته ، وإن
كان مسيئاً فتجاوز عن سيئاته . اللهم أدخله
الجنة من غير مناقشة حساب ، ولا سابقة
عذاب ، اللهم آسسه في وحدته ، وفي
وحشته ، وفي غربته .

- خرجوني ! , أنا عايش ! , أنا عايش ! ,
طلعونى من هنا !

كنت لازلت أسمع صوت الشيخ وبكاء الموجودون
, لا! , لازلت أستحق فرصة أخرى , أخرجوني !

سكت فجأة كل شيء , ثم سمعت أصوات خطوات
تقترب من الصندوق , بدت صوت الخطوات قريباً
جداً ثم توقفت , ثم جاء الصوت من الخارج وكان
أسوء صوت سمعته في حياتي .

- اللعنة بدأت يا خالد , فتحتوا باب جهنم اللي
مبيتقفلش , مصيرك بقى معروف وخلص
نهايتك بتقرب .

- انت مين ! , ارجوك خرجني ! , خرجني !

- انت هترجع تاني للدنيا عشان أنا لسة مخلصتش
معاك , فرعون جهنم رجع تاني والمرة ديه هيفتح
باب بحيمه على الكل .

- فرعون جهنم ! ما هذا الإسم الغريب ! , بدأت
أعود للإختناق ولكني كنت أسمع صوت مؤمن
وعمر من بعيد .

- خالد ! , فوق يا خالد ! , خالد ؟

عدت لوعيي , استيقظت على سريري , مؤمن ونور
وعمر يجلسون بجانبني وعلى وجههم يظهر الرعب !

- هو حصل إيه ؟

- إنت مش لوحذك يا خالد , فرعون مش
هيسيبك .

كان هذا رد عمر قبل أن تنقلب عينه بيضاء تماماً
ثم سقط أرضاً مغشياً عليه.

كان مؤمن ونور متجمدون لا يتحركون ! , نهضت
لكي أساعد عمر على النهوض ولكن سرعان ما
رأيت شخصاً غريباً واقفاً أمام باب الغرفة , رجل
قوي البنية مفتول العضلات , طويل القامة , مجعد
الشعر , لونه أسود قاتم , يرتدي ملابس تقترب من
الملابس الفرعونية ولكنها ليست بملابس فرعونية
تماماً , ابتسم لي بطريقة مرعبة ثم انقطعت
الكهرباء بعدها .

لا أرى إلا السواد والظلام , ولكن مهلاً ! ,
صوت عمر ومؤمن يأتي من بعيد مرة أخرى !

- يا خالد ! , يا خالد فوق بقي ! , خالد؟

عادت الأضواء مرة أخرى ولكن مهلاً مرة أخرى !
كيف عدت لسريري مرة أخرى عمر ومؤمن أمامي
يترقبون أو ينتظرون شيئاً ما .

- انت كويس يا بني ؟

- هو في إيه , ايه اللي حصل ؟

- صحينا علي صوتك وإنت بتصرخ وبتقول خرجوني
وطلعونني من هنا , كنا بنحاول نهديك بس عينيك
بقيت لونها أبيض فجأه , لدرجة إننا اترعبنا
وبعدنا عنك , قعدت بعدها متقولش غير حاجه
واحدة , "فرعون جهنم راجع" , "فرعون جهنم
راجع" .

ظهر على وجهي التعجب , لا أعرف من هو فرعون
جهنم هذا ! , طلبت منهم الخروج ليتركوني وحيداً
لبعض الوقت , كانت الساعة تقترب من السادسة
والنصف فجراً , يا إلهي لم أنل قسطاً كافياً من النوم ,
كان لا بد أن أذهب للجامعة , نهضت لكي أذهب
للحمام لأغسل وجهي , ثم خرجت لكي أعود للغرفة
ثم سمعت صوت جرس المنزل يرن , بدا على وجهي
التساؤل , مَنْ مِنْ الشباب خرج الآن وعاد ؟ ,
اتجهت وقد زاد الاصرار مِنْ الذي يرن جرس المنزل
, فتحت الباب ولكن لم يكن أحداً موجود ! ,
أغلقت الباب ثم عدت لأتجه للغرفة ولكن مرة
اخرى عاد جرس المنزل يرن , عدت مرة أخرى
لأفتح الباب ولكن مرة اخرى لا أحد موجود ! ,

أعفيت عقلي من التفكير وعدت لغرفتي لأرتدي
ملابسي للاستعداد للجامعة .

انتهيت ثم خرجت لأرى ساعتي التي تحطمت ليلة
أمس موجودة على الكومود وبقايا حطامها بجانبها ,
يبدو أن الفاعل لم يتحمل رؤية بشاعة فعله .

لم أعطي اهتماماً لما رأيته وخرجت متجهاً للجامعة .

مرت الأيام مرة اخرى , تغيرت أحوالنا , أصبح
الجميع يتجنبونني بعد الأحداث الأخيرة , بل أصبح
كل واحدٍ منا يتجنب الثلاثة الآخرين , دخل الشك
قلوبنا ولم يعد الامان صديقاً كما كنا من قبل , مجرد

سُكَّانُ نَتَشَارِكُ فِي الْأَجْزَاءِ الْمَتَّبِقِيَّةِ مِنَ الشَّقَّةِ
كَالْمَطْبَخِ وَالْحَمَامِ ، فِي تِلْكَ الْأَيَّامِ كَانَ عَقْلِي لَا
يَتَوَقَّفُ عَنِ التَّفَكِيرِ ، لِمَاذَا تَحْدُثُ هَذِهِ الْأَحْدَاثُ
مَعِي أَنَا فَقَطْ! ، هَلْ تَحْدُثُ مَعَ الْبَاقِينَ وَيَرْفُضُوا
الْحَدِيثَ ! ، مَرَّتِ الْأَيَّامُ كَالْبَرْقِ حَتَّى حَدَثَ مَا
حَدَثَ فِي تِلْكَ اللَّيْلَةِ .

لَيْلَةٌ أَحَدِ الْأَيَّامِ وَبَعْدَ أَنْ أَنْهَيْتُ عَشَائِي ، كُنْتُ
الْأَحْظَ غِيَابَ مُؤْمِنٍ ، تَسَاءَلْتُ عَنْ سَبَبِ غِيَابِهِ ،
أَجَابَنِي عَمْرٌ بِأَنَّهُ طَلَبَ أَنْ يَكُونَ وَحْدَهُ لِبَعْضِ
الْوَقْتِ ، قَرَّرْتُ أَنْ أَنْتَهِيَ مِنَ الْعِشَاءِ ثُمَّ أَذْهَبَ لَهُ
لِلْإِطْمِئْنَانِ عَلَيْهِ .

أنهت العشاء وطلبت من نور غسيل الأطباق , أما
عمر فأحضر كتبه ووضعها على المنضدة ليُذاكر ,
اتجهت لغرفة مؤمن وطرقت الباب قبل أن أدخل
, لم يرد , فتحت باب الغرفة ولكن ظهر على
وجهي التساؤل والتعجب , مؤمن يعطيني ظهره
وينظر لشيئاً ما أمامه أنا لا أراه .

- مؤمن ؟ , انت كويس ؟

نظرت لي نظرة كلها ألم وحزن , ثم عاد لينظر أمامه
مرة أخرى .

أغلقت الباب ورائي ثم جلست أمامه .

- في حاجه مضايقات ؟

صامت ، لا يريد التحدث ، ربت على كتفه
بجنان .

- لو في حاجة مضايقتك ، احكي لي ، انا هحاول
أساعدك !

ابتسم ابتسامة مرعبة .

- مش هسييكم يا خالد !

ثم نهض ودفعتي ناحية الحائط مصطدماً به وبعدها
فقدت الوعي ولم أرى إلا رجلاً يرتدي ملابس
غريبة يقف خلف مؤمن وهو يبتسم ثم أصبحت لا
أرى شيئاً إلا ظلام دامس فقط .

• عدت لوعبي مرة أخرى وأنا على سرير مؤمن .

- يا جماعة أكيد فيه حاجة غلط , اللي يحصل

ده مش طبيعي !

• كان هذا صوت نور الذي ميزته عن البقية .

- فعلاً يا جماعة , فيه حاجة غلط بتحصل واحنا

مش فاهمينها !

• رد مؤمن بالنفي .

- هيكون فيه ايه يا جماعة ؟ , اكيد هو تعبان

شوية بس مش أكثر !

كنت أستمع لهم وأنا أنظر دون رد , كنت

منهكاً , رجل طويل القامة , أصلع , يرتدي

ملابس فرعونية قديمة , فرعون , فرعون , نعم
إسمه فرعون !

قاطعت حديثهم بصوت منك .

- فرعون اللي بيعمل كدة .

- فرعون مين يا خالد ؟ , انت الخبطة لسة
مأثرة عليك !

- هحكيلكم اللي شوفته بس لازم تصدقوني ,
لازم ! , لإني مش هكذب في ولا حرف
هقوله .

قصصت لهم ما حدث وما رأيت , بدايةً من موقف
مؤمن وانقطاع الكهرباء مروراً بموقف فتح الغرفة
الرابعة وظهور الفتاة الغارقة في الدماء , ثم قصصت

لهم ما سمعته عندما حُبست في الصندوق حتى
وصلت لما رأيته خلف مؤمن وبعدها فقدت الوعي

لم يصدقوا أي كلمة , بالفعل كل من يسمع هذه
المواقف لن يصدق بل سيرى أن من أمامه هو
شخص مجنون أو مختل عقلياً .

- المشكلة ان كل ده من بدري بدأ , بس
فرعون ده مظهرش ليا غير بعد ما الأوضة
الرابعة اتفتحت !

- لا يا جماعة ده أكيد جنان أو بتتخيل يا
خالد , انا مبصدقش الكلام ده !

كان هذا رد نور الذي وافق عليه مؤمن كذلك
بينما عمر لم يتحدث بكلمة وظل يُفكر .

- انا مش بآمن بالحاجات ديه يا خالد!

- الجن مذكور في القرآن يا نور!

- ده الجن يا خالد , انما انت بتتكلم على

فرعون! , فرعون ايه اللي يظهر وفي شقتنا

كمان وحابب ينتقم !

استسلمت لتفكيرهم وعدت لغرفتي لكي استسلم

للنوم هو الآخر , كنت أرغب في النوم للأبد , كنت

أتمنى نسيان كل ما حدث , تمنيت لو كان والدي

موجوداً لينصحني ويرشدني للطريق الصحيح ,

استسلمت للأفكار ورحت في سبات عميق .

في صباح اليوم التالي غادرت المنزل متجهًا للكلية ,
تخطيت بضعة شوارع حتى أصل للشارع الرئيسي ,
مررت بدكان عم فايز ولكنه كان مغلقًا , رأيت
ليلي بالقرب منه , لا أعرف لماذا أشعر بشعور
مختلف تجاهها , أرغب في التحدث معها بشدة ,
ربما هو الفضول الذي أعاني منه يريد أن يعرف
أكثر عن هذه الشخصية الغامضة , أو ربما مجرد
فراغ عاطفي .

تجاهلت إحساسي واستقلت تاكسي , أفكر كثيرًا
دون جدوى , تقترب المسافة من الجامعة , لازلت
أتذكر هديتي لأبي , نجاحي , يعلن السائق عن

الوصول , وضعت يدي في جيبي لأخرج المحفظة
التي لا تفارقني ليلاً أو نهاراً .

- معاك فكة 200 جنيه ؟

أقولها بثقة قبل ان أفتح السوستة الخفية التي تأوي
الفئات الكبيرة من النقود , فما أملك من فكة لن
يكفي أجره التاكسي .

- حاضر يا أستاذ .

لم أجد النقود , فقط بعض الفكة المنثورة .

- يا نهار أسود ومنيل !

- في حاجة يا أستاذ ولا إيه ؟

- الفلوس مش لاقمها ! , ازاي بس !

لم يعلق ونظر لي بريية , وأنا أنفض المحفظة بلا
جدوى , ملمت كل ما أملك من فكة لأعطي
السائق أجرته , نزلت في شرود مع ما تبقي من
أعصاب إلي مبنى الكلية , لا أستطيع التركيز ,
ذهبت النقود كما تذهب الأشياء , أين تذهب ! , لم
تمس أيد غريبة هذه المحفظة , كنت متأكداً من
هذا , منذ الأحداث الأخيرة كنت أشدد من
حرصى , حتى في نومي المتقطع ! , تذكرت .. ,
كان أحدهم في غرفتي ليلاً , نعم أنا متأكد ,
لكني لم أقو على فتح عيني , فقد كنت في نُعاس
جاهدت لأحصل عليه , ونسيت أن أسألهم عندما
أفتت , أم تراني كنت أحلم , هل أصاب عقلي
شيئاً , هل اصابنا جميعاً مرض عقلي ؟

دخلت مبنى الكلية لكني لم أذهب لحضور أية محاضرات ، ذهبت إلى مكان هادئ في الكلية يكاد يمرُّ به الطلبة ، عند شجرة عجوز تنزوي بنفسها بعيداً عن الزحام ، أردت ان ألتقط انفاسي مستندة برأسي إليها ، حاولت أن أتذكر ، ربما انفقت النقود ولا أتذكر ، ووسط كل هذا رأيت ليلي تمر أمامي ، وبدون وعي ناديتها برغبتى الداخلية التي لا تقاوم .

- ليلي ، ليلي ؟

تنبت وأخذت تنظر حولها فرفعت من صوتي .

- أنا هنا يا ليلي ، على يمينك !

قمت وعبرت بضع خطوات حتى أكون قريباً منها ,
وكأنني نسيت ما بي من تشتت , لا أرى سوا
عينها , نظرت لي في حياء , وابتسامة مخفية .

- ازيك يا خالد , عامل ايه ؟

- الحمد لله , انتي عاملة ايه ؟

- كويسة الحمد لله .

ابتسمت ونظرت للأرض وبدونا كحبيين لمن يرى
, أو هكذا تمنيت , عندها لمحت بعض زملائي في
الكلية يحدقون بنا فلم أبال , وأكملت حديثي .

- أنا شوفتك انهاردة كنتي معدية الشارع
وباصة في الأرض وكان باين عليكي
مستعجلة فقولت بلاش أنه .

- لا أوعى تعمل كده , انت عارف المجتمع هنا وممكن نتفهم غلط .
- عندك حق .
- كان في حاجة عاوز تقولها ؟
- لا خلاص , متشغليش بالك .
- تعالى يا خالد نقعد ممكن نقعد مكان ما كنت قاعد , أنا مش هقعد كثير , احكي مين مضايقك ؟
- عرفتي مين اني متضايق !
- شكلك باين عليه .
- بصراحة في حاجات كثير بتحصل معنا كلنا .
- إزاي ؟

- في واحد من الشباب حرامي , بس مش عارفين هو مين , ومش عارفين اشمعنا على آخر السنة , ما كانت بانث من زمان !

- طيب إهدى واحدة واحدة إحكي .

سردت لها ما حدث , بدا عليها الاهتمام والقلق لكنها لم تعطني اجابة واضحة .

- ها , ايه رأيك بقى ؟

- مش من الشباب يا خالد .

- عفريت يعني ؟

- ممكن , ليه لا , انت بتقول ان فيه شخص

بيظهرلك كتير الفترة اللي فاتت تحت اسم

فرعون .

- يعني فرعون اللي يبسرقتنا وبيكسر ويقطع
حاجاتنا!

- أنا مش هقدر أقول ده من ايه بالضبط ! ,
كل اللي أقدر أقولهولك خلي بالك من نفسك
كويس يا خالد .

- حاضر .

لم أقتنع بما قالته ليلي , شعرت بشيء غامض
خصوصاً أنها لم تبدي أي رد فعل لما سمعته لكننا
اكتفينا بهذه الكلمة المريحة لجميع الأطراف
"حاضر".

- انتي بتعملي ايه هنا صحيح ؟

- خطيبي بيدررس هنا في أَداب وساعات بجيله هنا
عشان نقعد شوية مع بعض .
- أنا آسف جداً عطلتك .
- لا مفيش حاجة خالص , أنا مش متأخرة عليه ,
أنا بجيله بدري .
- يا بخته .

لا يمكنني السيطرة على عقلي الباطن , لا يحق لي
قول شيء كهذا ! , ابتسمت في نجل وهمت بالقيام

- انا همشي دلوقتي وهبقي أتطمئن عليك .
- صحیح أنا مش معايا رقم تليفونك!
- متقلقش , انا هعرف أوصلك .

تفهمت خوفها على مشاعر خطيها .

- طيب تمام .

- سلام , وخلي بالك من نفسك , ومنتقش في

حد , أي حد !

- حاضر .

ودعتها بابتسامة خافتة ترسم احباط لا أعلم ماهيته ,
هل أحببتها ؟ , ليس حد الحب بالتأكيد , كنت
أريد التقرب فحسب , على الأقل الآن , كنت أريد
من أجلس أمامها وأخرج ما في جعبتي من كلام .
على الأرجح تمنيت مثلها , ربما فقدان أبي اهم
الأسباب , أو كيمياء القلوب اللعينة , الآن لم يعد
لدي اختيارات . فقط الماضي قدماً ونسيان هذا

الشعور السخيف , كانت رؤيتها كفيلة بتهدئة عقلي
مما يحدث في البيت , على الأقل لساعتين من الزمن

•

في أحد الأيام نهضت مشوشاً غير مستقراً , وبعد ان
اغتسلت ذهبت للمطبخ أصنع القهوة الخاصة بي ,
حملت القهوة وخرجت بها خارج المطبخ لأجد عمر
امامي يضع يده على رقبته وينظر في ذهول .

- السلسلة الفضة اللي بحبها , اللي فيها صورة

أبوي الله يرحمه , فاكرها؟

- اه

- ضاعت !

- تلاقيا هنا ولا هناك يا عمر , دور كويس .

- دورت , قلبت الدنيا , افهم يا خالد ,
السلسلة بسببها في الدرج لحد امبارح بليل ,
وانت عارف انا بحبها قد ايه , وانا بتفرج
عليها امبارح وبشيل الخاتم بتاعي رحت
لبستها ونمت , انا متأكد , لما صحيت
ملقيتهاش في رقبتي !

- دور في هدومك يمكن القفل فلت ووقعت .
- دورت يا خالد , قلعت هدومي ولبستها تاني !
- طيب تعالى ندور في الأوضة تاني يمكن
واقعة ومش واخذ بالك .

دخلت الغرفة على أمل أن نجدها ولكن لم يكن لها
أثر , تبخر أملي بعد لم أحسبه وارتسمت علامات

الحيرة والتساؤل على وجوهنا , كما قد قطعنا أياماً
بغير كلام , فقط تحيات عابرة , في طريق ذهابه
للمطبخ وأنا مؤمن داخل غرفة عمر , فنظر إلينا
وقرر أن يتحدث .

- صباح الخير

- سلسلة عمر الفضة , عارفها ؟

- انهي ؟ , آه افكرتها , اللي فيها صورة أبوه ,

مالها ؟

- ضاعت .

جاوبه عمر .

- لبستها بالليل , صحيت ملقتهاش في رقبتى !

لم يجهننا مؤمن مما أثار شكوكي وحيرتي للمرة المليون
، فقط نظر نظرة ذات مغذى ونظر للأرض محققاً
بها . ثم رحل .

فقط ارتدى ملبسه وبعد دقائق كان بالخارج ، لم
نفهم تصرفه ، لم يتكلم ، أتراه يعرف شيئاً ! ، أم
تذكر شيئاً ما ! ، مر نور علينا وكأنه لا يراني ، فقط
ألقي تحية الصباح على عمر فقط وذهب للبخ ثم
لغرفته .

لا أستطيع أن أفهم او أستوعب ما يحدث ! ،
تبدلت أحوالنا ، ليس عمر إذن ، هل هو نور ! ام
أصابتنا هلوسة وأصبحنا نسرقة بعضنا البعض ! من
منهم الممثل البارع ! ، وأين ذهب مؤمن !

ذهبت انا الآخر لغرفتي , أعد ما تبقي من نقود , ما
بال الأشياء تختفي فجأة ولا تعود ! أين تذهب ومن
الذي يأخذها ولماذا ؟ هل نفحص الملابس
والحقائب إذن ؟ , سأفحص ملابسي أنا أولاً , لعلي
مصاب بمرض عقلي يجعلني أسرق ولا أتذكر , لا بد
أن أعرف الحقيقة !

تمنيت لو أسمع صوت ليلى الآن , ففي وجودها
ترتاح نفسي وتستقر , وكأنه قد خدر كل ما بعقلي
وقلبي من قلق , حتى لو فترة قصيرة من الوقت .

(4)

الشيخ صابر

قضينا أغلب اليوم نبحث عن سلسلة عمر الضائفة
التي باتت سبب في ضياع صداقتنا والتخوين
المستمر والقلق .

جاء عمر إلى غرفتي عاقداً يدها يفكر دون أن
نتحدث , ظل واقفاً على باب الغرفة , لم نتناول
الإفطار , لم تعد لدينا شهية , نور مازال مكتئباً على
الأرجح , ينام فترات طويلة ولا يرد على أي سؤال
أو أية تحية .

مع أذان العصر عاد مؤمن من الخارج , هتف
بحماس إفتقدناه منذ بداية الأحداث المؤسفة .

- يا شباب ؟

مر كثير من الوقت نفتقد هذه الروح التي تميزنا ,
أصبحنا نتجنب بعضنا البعض , لم نعد كسابق عهدنا
, نظرت إلى عمر في اندهاش وأردفت .

- تعالى يا مؤمن .

جاء مؤمن وعلى وجهه علامات أمل وتفاؤل , نظر
إليه عمر في فضول , سأل مؤمن .

- فين نور؟

- أكيد نايم كالعادة .

- لأ , صحوه ضروري , أنا عاوزكم كلكم , الموضوع
اللي يحصل معانا عرفت حاجة عنه , وفي قرار
لازم يتاخذ مننا كلنا وحالاً .

أعرف مؤمن ومخه الصعيدي المتحجر , لن يقول شيئاً الا بوجودنا جميعاً , أسرعت إلى غرفة نور وفتحتها , وجدته نائماً كما ظننت , فتحت إضاءة الغرفة بأكملها .

- نور , اصحى بسرعة , مؤمن عاوزنا كلنا عشان اللي يحصلنا .

استيقظ نور وهو يقاوم النور المباغت , ويحاول استيعاب الكلمات دون رد فعل , أخذت بيديه كالطفل فهض دون تفكير , ذهبنا إلى غرفتي حيث يجلس عمر ومؤمن في صمت وانتظار , تكلم مؤمن وكأنه يخطب فينا .

- بصوا يا شباب , من الآخر كده مفيش تفسير
لكل الحاجات اللي بتحصلنا إلا ان في جن لابس
حد فينا , أو عايش معانا في الشقة , أنا بصراحة
مشكتش في الموضوع ده على طول عشان احنا
عايشين بقالنا شهرور في الشقة , لو كان فيه حاجة
كانت ظهرت من بدري , لكن يظهر كده ان
العيب في واحد فينا , أنا شوفت المواضيع دي
كثير قدامي , يمكن حد متغاض من واحد فينا
عمل حاجة , عموماً هنعرف كل حاجة .

لم نتحرك حركة واحدة من أماكنا ونحن نستمع
بإنصات شديد له , ظللنا هكذا لفترة , ثم بدأنا
التلفت حولنا والنظر لبعضنا . تجردنا من شكوكنا

تجاه بعضنا لدقائق ، لنقع في شك أكبر وأعمق
وأخطر ، لم يبد عمر أنه مقتنع بكلام مؤمن .

- جديد الكلام ده يا مؤمن .

ولم تلق الفكرة قبولاً عند نور كذلك .

- ازاي هنعرف بقي ؟ هنجيب دجال البيت ؟

- لأ دجال ايه يا عم ، هنروح لشيخ كويس

جداً ، أنا كلمته لما سلسلة عمر ضاعت ،

حكيتله على كل حاجة ، قالي يا اما واحد

فيكم ملبوس يا إما البيت مسكون .

- يعني من دماغك كده يا مؤمن بتروح ، روح

انت وشوف مين هيروح ، أنا مش رايح للناس

ديه .

- يا نور مفيش حل قدامنا غير كده , مين أخذ
سلسلة عمر ؟ مين كسر سلسلة خالد ؟ , مين
قطع قيصي ؟ مين سرق فلوس خالد , والمواقف
كان اللي بتحصل مع خالد ؟

صمت نور أمام كلام مؤمن فنظر له في شك وتابع .

- قولي مين يا نور لو عارف ؟

- قصدك أنا يعني ؟

حينها لم أقصد الاتهام المباشر , لكنني أردت أن
أفرغ ما بداخل رأسي .

- معلش يا نور يعني , ما هو انت الوحيد اللي

محصلكش حاجة فينا , حط نفسك مكانا

احنا , كنت هتفكر إزاي ؟

- يعني انت موافق يا خالد نروح لدجال ؟

انطلق صوت مؤمن مدافعاً .

- شيخ مش دجال يا نور !

نظرت إلى عمر بتردد .

- إيه رأيك يا عمر ؟

- والله أنا تعبت , انا مبحبش الناس دي ,

بس لو هيقولنا في ايه وانتوا هتروحوا هضطر

أروح .

بدأ مؤمن يضغط على نقطة ضعفنا الآن وهي " معرفة الحقيقة "

- خالد , مفيش وقت , هو هيستنانا بعد

المغرب , لازم نقوم نلبس دلوقتي .

- أمري لله , قوموا يا شباب يلا .

رفض نور رفضاً قاطعاً .

- أنا مش رايج , فكوني من الحوار ده .

- ليه يا نور ؟ , اصلاً كل الشكوك رايحة

ناحيتك , خايف ليه بقي ؟

- تمام أنا هقوم وخليني وراكم للآخر .

في أقل من نصف ساعة كنا جميعاً مستعدين للخروج ,
نرتدي ملابس ثقيلة , يعلوها الجاكت لما له من
دور فعال في مواجهة برد الشتاء القارس خاصةً في
الاسكندرية , ارتدي مؤمن جلباب أسود اللون
ممسكاً بسبحة وصندل أسود جلدي مما جعلني أضحك
على هيئته , أغلقنا البوابة الحديدية , قبيل موعد أذان
المغرب , مارين على الشوارع الضيقة النظيفة , وما
إن وصلنا إلى الشارع الرئيسي حتى استقلنا سيارة
أجرة قاصدين خارج الاسكندرية , طغى علينا
احساس المغامرة , إلا مؤمن كان في مهمة رسمية
وخطيرة , لاحظت أنني ارتديت الجاكت الأسود
المفضل لي فوق إحدي البلوفرات الصفراء التي
أمتلكها الذي لا يجعلني أشعر ببرودة الجو القاتلة .

اقتربنا من المكان المنشود , وصلنا عند قهوة , كان
لابد أن ينتظرنا الشيخ هناك ليأخذنا لداره , نزلنا
من السيارة فوجدناه ينتظرنا , يرتدي جلباب أسود
, تلف رقبته كوفية سوداء مثل لون الجلباب ,
وصندل أسود جلدي , طويل , أسمر , رشيق , بني
العينين , يتسم ابتسامة مخيفة بعض الشيء , مد يده
مصافحاً .

- اهلاً وسهلاً يا شباب , ازيكم ؟

اتسعت ابتسامة مؤمن في تفاخر .

- الشيخ " صابر " يا شباب .

رددنا جميعاً .

- أهلاً وسهلاً .

سار هو ومؤمن في المقدمة بينما أنا وعمر ونور في الخلف , لم نتوقف عن الضحك لأنفه الأسباب , لا أدري ماذا حل بنا , أغلب الظن أننا سوف نضحك كثيراً الليلة , لم نلاحظ معالم الطريق من الظلام , كل ما تذكرته أن البيت يسبقه ممر طويل علي يساره زرع طويل, ولا أدري ما يحده من جهة اليمين , عبرنا ممر طيني ودخلنا فناءً واسعاً , أمامه منزل طيني صغير مطلي باللون الأزرق , ميزت اللون على ضوء اضاءة ضعيفة , معلقة خارج المنزل .

- اتفضلوا يا شباب .

تركنا البيت الطيني الصغير واتجهنا ناحية اليسار , نزلنا
بضع درجات لغرفة تحت الأرض , تملك الخوف
مننا دفعة واحدة , الغرفة صغيرة , لون جدرانها
أزرق اللون , باب دخول الغرفة يقع في منتصفها ,
في مواجهة الباب مقعد خشبي , فوقه مباشرةً علقت
سجادة صلاة زرقاء اللون , علي يمينها صورة السيدة
العدراء تحمل السيد المسيح في وداعة , وعلى اليسار
صورة لفرعون مهيب مألوف الشكل , على يمين
الغرفة كنية قديمة الصنع ملتصقة بالحائط , وعلى
يسارها مكتب صغير فوقه بعض الكتب , عليه
أباجورة ذات اضاءة حمراء , على جانبي المكتب
يوجد كرسي جلس عليه مؤمن , وحلست أنا في
منتصف الكنية وعمر علي يميني ونور علي يساري.

كان الرجل على درجة كبيرة من الأدب واللفظ
ورغم ذلك كان هناك شعور غير مريح تجاهه , أخذ
يسألنا عن دراستنا وأحوالنا في الجامعة , خُضنا في
هذا الحديث لدقائق , وبعدها قال .

- " ان العلم نور حقيقي للإنسان وأن للعلم
درجات كثيرة منها المميّزة والتي خص الله
بها بعض عباده الصالحين . "

وبعدها أعطى لكل منا ورقة بيضاء ليكتب اسمه
واسم والدته ويقوله بصوت عالٍ ففعلنا وعندما جاء
دور نور .

- نور ابن حورية .

ابتسم الشيخ في ثقة غريبة .

- لا يا نور , انت اسمك بدران بس مغيره

عشان مش عاجبك .

- قولت اسمي نور !

- لأ , اسمك بدران , أنا اسف بس دي حاجة

متزعلش , ده اسمك .

لم يعجب مؤمن ما يدور فقرر أن ينهيه .

- يعم انت بدران واحنا عارفين !

- وانت مالك انت ؟

هنا شعرت أنه أبله فبدأت أستخف به , نظر له

الشيخ وسأله في تحدٍ عن ملكية بيته وكأنه يعرف

ما يخفيه ويسخر من كذبه , الغريب في ذلك أن
نور بدا كاذباً فضحك بمكر وقاطعه .

- خلاص يا ابني , ساكن ملك ولا مأجر , ما
علينا .

ثم التفت إلى .

- ازيك يا خالد ؟

- كويس الحمد لله .

- مالك ليه عيونك حزينة كدة ؟

- والدي متوفي من فترة .

- الحزن في القلب يا ابني مش في المظاهر .

- عندك حق .

نظرت له في شك وأردت أن اعيد تقييمي ,
فكرت أن مؤمن بالتأكيد زوده بالمعلومات ولكنه
متضرر مثله مثلنا أم هي خدعة كبيرة منهما ! قاطع
تفكيري قائلاً .

- شوفوا يا شباب انا هقرا على كل واحد فيكم
, لو واحد فيه حاجة هيبان , لو كنتم
كويسين هنشوف الشقة .

- يعني هتيجي معنا الشقة ؟

- لا , هعرف من هنا متقلقش .

بدأ طقوسه لمعرفة المصاب مننا , بدأ مؤمن وكأنه
معتاد على هذه الطقوس , قام من مكانه ووضع يده
اليمنى على رأسه ويده اليسرى مسح بها جبين مؤمن

, ثم أخذ في ترديد عبارات بلغة غير مفهومة بصوت خفيض , ثم ردد (وجعلنا من الشجر الأخضر ناراً) كانت هذه الآية القرآنية من سورة ياسين , بعدها ظل يردد عبارة يا هفاف يا هفاف ثم يتم بكلام غير واضح ثم يا هفاف , بصوت مفرع , عندها تشنج جسمه ثم عاد لطبيعته , ثم عاد للتشنج مرة أخرى وعاد طبيعياً في نفس ذات اللحظة , لا بد وانه يتصنع .

لكننا رأينا مؤمن وقد اختفى سواد حدقة عينه , وانقلب إلى الأعلى , وتحولت عينيه إلى اللون الأبيض فقط , كما نتابعه في ترقب وفضول , أما نور ظل يمعن النظر في صورة الفرعون الموجود على الحائط , ثم طلب منه ورقته البيضاء ليكتب بها شيئاً

لم نراه ، نهض بعدها عمر وحدثت معه نفس الطقوس والتشجعات والعبارات مع عمر لا يوجد أي فرق ، ثم الكتابة على الورقة البيضاء وضمها إلى ورقة مؤمن . جاء دوري ، نهضت بشجاعة ولم أجعل الخوف يتسلل لي بعد ما رأيته خصوصاً وأن الشباب على ما يرام مثلما أرى ، ولكن ما إن بدأ في ترديد كلمة (يا هفاف..يا هفاف) حتى أحسست برجفة سرت في جسدي كله وتوقف عقلي عن التحليل .

كان نور معنا بالجسد فقط ، عينيه وعقله سارحان في صورة الفرعون المعلقة أمامه ، كل هذا الوقت مر وكأنه يتحدث مع فرعون بالنظرات فقط .

نهض نور وأدى طقوسه مثلنا , ولكن من الواضح
أنه أنك صابر بشدة , آثار الجهد والتعب تظهر على
وجهه بدت واضحة , جلس منهكاً خلف مكتبه
يجاهد كي يرسم ابتسامة , نظر في اوراقنا البيضاء بعد
أن ملاءها بكلمات غريبة ورسوم ودوائر ونجوم ,
لكن فضول مؤمن لم يهدأ.

- ها يا سيدنا , مين فينا فيه حاجة ؟

اشار الشيخ أن كل منا به مشاكل صغيرة كالحسد
لمؤمن وريح جن لعمر , وكلها أمور تحل بوسائل
بسيطة , لبس الفضة , شرب الكركديه , الاستحمام
بورق نبق , رد عمر في حدة .

- لو عندي ريح جن صحيح , طيب ما اقرا
سورة البقرة !

- وماله اقرا سورة البقرة طبعاً .

- بس انت مقولتش كدة الأول , تقول نبق
وكركديه وفضة ومتجيش سيرة القرآن , ازاي
شيخ ومتعالجش بالقرآن؟

تبسم الشيخ ابتسامة صفراء ثم التفت إلى سريعاً .

- خليك انت بعيدن يا خالد , هرجعلك .

ثم التفت إلى نور في حيرة بينما لايزال يحدق في
صورة الفرعون .

- نور ، الشيوخ اللي بتروحهم عاملين أحلى شغل ،
التحويطة اللي عاملها قوية جداً مش مخلياني
شايف أي حاجة عندك .

ابتسم نور في صمت واستمر في النظر لصورة فرعون .

كنت أعلم ان التحويطة شيء معتاد ومهم لدى
أغلب أهل الصعيد ، لتحويطهم من أي شر لهم
وأهل بيتهم ، فلا يستطيع أحد إيذاءهم عن طريق
السحر ولا الحسد ولا يمس الجن .

شعرت أنه بدأ في استفزاز نور بعد أن بدأ يتكلم عن
حبيبته السابقة التي تزوجت حديثاً ، ولامه لتركها
حيث أنها مازالت تحبه وكانت مستعدة لفعل أي
شيء من أجله . ثم ابتسم في خبث وقال .

- بس انتوا في حاجة مزعلاكم مش صح ؟
- قرر أخيراً عمر أن يشاركه شيئاً لعله يجدي نفعاً .
- وماله نقولك زعلانين ليه , مفيش بنت بتبصلنا يا شيخ , كل الشباب اللي حوالينا بتتخطب وتتجوز إلا احنا .
- نعملكم حاجة طيب . عاوز تتجوز مين يا خالد ؟
- ايه اللي انت بتقوله ده !
- ايوة , لو عاوز تتجوز بنت معينة , هاتي اسم امها بعد كده وتعالى , طيب نعمل دور شاي وبعدها نكل .

قام وأتى بالشاي في دقيقتين فقط كأنه جاهز تماماً ,
لم نأخذ أي فرصة للتعليق على أي شيء , رأى عمر
الشاي ولم يستطع المقاومة , مؤمن لا يشرب الشاي
فاعتذر , بينما ساورني الشك أنا ونور , وأحس بنا
فلم يلح على غير عاداته. تركنا نفعل ما تستريح اليه
انفسنا , بعد أن رأيت مؤمن سليماً لم يصبه مكروه ,
أخذت كوباً على مهل , نظر الى صابر وكأنه عرف
ما دار بعقلي , أخذت رشفة صغيرة , تشجع بعدها
نور وشرب من نفس الكوب الذي شربت منه .
كان شاياً أصيلاً بالقرنفل حلو المذاق , بعد أ,
شربت الشاي أصابني هلوسة ضحك هيستيرية لا
أعرف لماذا , بدأت سخافاتي تظهر معه .

- انت بتشتغل ايه يا شيخ ؟
- دكتور وعالم روحاني
- بالعربي ولا الفرنسي اوي ؟
- انا اتعلمت العلم ده في جنوب افريقيا .
- وايه اللي رجعتك ؟
- بلدي أولى بيا , ولادي لازم يعرفوا بلدهم
خصوصاً ان امهم من جنوب افريقيا .
- بدأت أضحك بطريقة هستيرية مرة أخرى .
- يعني زي الدكتور زويل لما رجع بلده عشان
يفيدها ؟
- تغيرت ملامح وجهه ونظري في تحدي .

- على راحتك يا خالد .

عادت ابتسامته الصفراء , مؤمن ينظر إلى في غضب ,
عمر يبتسم بينما لازال نور يحلق مع الفرعون ,
المريب على الجدار , قمت فجأه وبدأت أعدل من
مظهري وملابسي .

- يلا يا شباب عشان اتأخرنا .

- لا يعني ازاي تمشوا ؟ , اتم زي ولادي ,
باتوا معنا والله , قولهم يا مؤمن والله .

- الله يخليك يا سيدنا .

أردت أن أوقفه وأعود بذاكرته أنه أداة فقط
لتسهيل أمر ما وأننا لسنا أقرباءه .

- حسابك كام بقى ؟
- لا لا هتديني فلوس على ايه ؟
- مش عارف بس مجهودك برضو .
- قولهم خلاص يا مؤمن .
- دنيت من أذن مؤمن .

- هو هيبقشش علينا ولا ايه ؟

كان نور أول المغادرين بينما ظل عمر صامتاً ,
وقف نور على عتبة الباب بينما لازال ينظر لصورة
الفرعون , عندما وصلت بالقرب من نور سمعت
صوته .

- خد رقي وعنواني يا خالد ظو عشان هتيجي
تاني .

كان واثقاً مما يقوله باستفزاز , أخذت الورقة
ودسستها في المحفظة , بينما انتظرنا مؤمن الذي
كان يتكلم بصوت خفيض مع الشيخ صابر .

قبل أن نخرج من الغرفة همس عمر في أذني .

- هو هيعمل ايه بالورقة اللي فيها أسامينا ؟

تنبت وبدا على صوتي القلق .

- صحيح يا شيخ انت هتعمل ايه بالورقة اللي

فيها اسامينا ؟

- آآه الورق , ماتلقوش .

مزق الورق قطعاً صغيرة عدة مرات حتى أصبح لا شيء ، عرضت أخذ قمامته معنا بالخارج ، لكن واجهتني ابتسامة تحذيرية منه بسبب استهزائي واستخفائي به ، الآن يجب أن نرحل ، أسرع الشباب أمامي وأنا خلفهم الأخير على مقربة منه فناداني .

- خالد ، إلا صحيح ، مفيش حاجة عندكم في البيت أثرية ؟
- زي ايه ؟
- صندوق مثلاً .
- وانت عرفت ازاي ؟

- أنا أعرف وأنا قاعد هنا , الصندوق ده هو السبب في اللي انتوا فيه , انا ممكن أخده أكشف عليه وأريحكم .
- الصندوق ده مش ملكنا , ده ملك الحاج صاحب البيت , لازم نسأله الأول .
- على راحتك بس أكيد هو مش هيرضى .
- أكيد ليه ؟
- لأنه أثري والله وأعلم جايبه منين , انت عارف بقي تجارة الأثار . عموماً فكر ورد عليا .
- مش هديهولك غير لما صاحب البيت هو اللي يديهولك , وده اللي عندي .

- عموماً معاك رقمي وعنواني وشاور عقلك يا
ابن الناس .

هل يراني أبله هذا المشعوذ المختل ! , بالتأيد مؤمن
من زوده بهذه المعلومة أو عرف من شياطينه ,
لكني لن أإرط في هذا الصندوق خاصة أنه
أثري , لن أخون الأمانة ليبيعه هو بأعلى الأسعار ,
كانت حجتة المسكينة هي الصندوق هو السبب , اذا
كان هو السبب فلماذا لم يوضح ذلك أمام باقي
الشباب , حيلة ساذجة من مُحْتال .

خرجنا من الغرفة او المغارة إن صح التعبير في الساعة
الحادية عشر ونصف مساء , مشيت أنا وعمر ونور
أولاً ووراءنا الشيخ ومؤمن , عبرنا الفناء الكبير

وكان كل شيء ساكناً , يبدو أن هذه البلدة كل شيء
يسكن بها بعد صلاة العشاء في فصل الشتاء , خرجنا
في حالة عكسية لما أتينا عليه , بدأنا نتلفت حولنا
لنرى معالم الطريق , الجو شديد البرودة وظلام الليل
فاحم لا ترى منه شيئاً , لا تسمع صوت أي من
المخلوقات , وكأننا في مدينة الأشباح , فقط حفيف
الزعر وتخبطه ببعضه في الهواء , الإنارة موضوعة
على إستحياء كل عدة أمتار للإرشاد إضاءة خفيفة
جداً ترهق العينين عند تبين الطريق , مشينا في الممر
الطويل للمرة الثانية , عرفنا أن جهة اليمين بها بركة .

أدركنا أنه البيت الوحيد بين الزرع والترعة , لا يوجد
حوله بيوت أخرى , لا شيء على الاطلاق , مشينا

وكاننا مغيبين لبعض الوقت , وقد صفعنا الهواء
البارد صفعة قوية , نظرنا لبعضنا نفس النظرة المحملة
بالغضب واللوم والندم , ساد الصمت بيننا لفترة ثم
أخيراً كسر عمر الصمت .

- احنا ازاي عملنا كدة ؟ لو كان حصلنا
حاجة محدش كان هيعرف احنا فين !

وكانني نصف واعي تسائلت .

- عندك حق , لاحظتوا ان بيته هو الوحيد

اللي في المنطقة دي ؟

خرج نور عن صمته منذ أن رأى صورة فرعون
المعلقة .

- لاحظتوا صورة فرعون ؟
- ايوه صحيح يا نور , انت قعدت باصص
للصورة طول القاعدة ومنطقتش كلمتين على
بعض !

- عاوز أقولكم على حاجة بس متخضوش ,
كلكم كانت عينيكم بتقلب ل فوق وبتبقى كلها
أبيض لما كان يقول (يا هفاف) !

تذكرت ما رأيته .

- آه شوفتكم كلكم وانت كان يا نور برضو !
- وانا كان شوفتكم كلكم بس مرضيتش
أخضكم , يا نهار أسود !

أكل نور .

- الفرعون اللي على الحيطه , كانت عينه بتقلب
بالتوازي مع كل واحد فيكو عينه بتقلب ,
حركة عينه كانت نفس حركة عينكم كلكم
والله العظيم .

استكملت ملاحظاتي .

- على فكرة هو ويقول الكلمة دي حسيت
صوابع إيدي بتعمل حركات غريبة في الهوا ,
الغريب اني مكنتش عارف أسيطر عليها ,
كأنها كانت بت رسم كلام ؟ دده غير اني
اترعثت جامد .

عادت فترة الصمت إلى أن قطعها عمر مرة أخرى

- ارجع ورا يا خالد متسيبش مؤمن لوحده .

قال نور في لؤم .

- وهو مؤمن يتخاف عليه !

رجعت لمؤمن والشيخ صابر , سرت بجانب مؤمن

فوجدته يحدثه عن نور .

- أهو كده من زمان يا شيخ نور ده , طول

عمره واعي ويتخاف على القرش , عايش

كده سفلة علينا .

وجدت الشيخ ينظر إلى متساءلاً .

- انت ايه رأيك يا خالد ؟

- ايه ده هو طلع نور ؟

- مش عارف يا خالد , بس هو شاكك في البيت .

- وليه مقالش الكلام ده واحنا قاعدين هناك ؟

لم يجب مؤمن على سؤالي , تعجبت من موقف مؤمن ونور وهما تجمعهما صداقة سنوات الجامعة والمتشاركين في نفس الغرفة ! .

وصلنا للقهوة التي انتظرنا عندها الدجال صابر , كانت القهوة خالية تماماً إلا من صاحبها الذي كان بصحبة صبيان يحسبان الإيراد وأشياء أخرى , نظر لنا المعلم نظرة احتقار وصاح بصوت عالٍ .

- استغفر الله العظيم , اللهم انا نعوذ بك من
الكُفر , خلص يا بني خلينا نروح في اليوم ده

تجاهل مؤمن نظرات صاحب القهوة ونظر للشيخ .

- طيب يا شيخ لو عرفت حاجة ابقي كلمني
واحنا لو حصلت حاجة هكلمك .

- أنا هقف معاكم لحد ما اتطمئن انكم ركبتو ,
والله كنتوا قعدتوا !

لحنا ميكروباص قادم لعينين سائقه نظرة غير مريحة
, أوقفته وسألته .

- اسكندرية يا أسطي ؟

- اسكندرية ؟ دلوقتي !

ثم رحل دون بدون كلمة أخرى , بعدها بدقائق
جاء ميكروباص آخر , وعلى الفور وقف مؤمن
أمامه .

- اسكندرية ؟

• اجابه السائق وقد عزم الاستغلال .

- أجرة ولا مخصوص يا أستاذ ؟

- أي حاجة , يلا يا شباب , سلام يا شيخ .

• نظر إلى صابر في سخرية مسترة ولوح بيده .

- سلام يا خالد .

ألحق سلامه بضحكة عالية غير مفهومة , لم أفهم ما
الداعي للضحك ولم أرد السلام , فتح مؤمن باب
الميكروباص الجرار وأشار إلينا أن ندخل , ثم
أردف قائلاً .

- طمنوني عليكم أول ما توصلوا يا مؤمن .

- حاضر يا سيدنا .

دخلت الميكروباص وجلست على آخر كنبه على
اليسار ناحية الشباك وورائي دخل عمر وجلس في
الناحية الأخرى من نفس الكنبه , في حين جلس
مؤمن ونور على الكنبه الصغيرة في المنتصف أمامنا ,
كما جميعاً نتابع الطريق من نوافذ الميكروباص وكأننا
نبحث عن شيئاً ما .

بدأ السائق في استجاوبنا دون أن ينظر لنا.

- إلا صحيح يا رجالة , انتوا كنتوا فين؟

- وانت مالك يا عم؟

- انتوا متعصبين ليه؟ لا صحيح كنتوا فين؟

بدأ وجه عمر يتحول وأقسم أن يلحق السائق درساً في الأدب اذا سمع كلمة اضافية , أردت أن أوفر طاقتنا جميعاً لإاجبته لعله يهدأ قليلاً .

- كما عند ناس قرايينا .

لم ينته السائق من فضوله وتدخله فيما لا يعنيه .

- اه قرايكم , كنتوا بيتوا هناك , الدنيا شتا

والساعة داخله على 12 بليل !

- يا عم انت شايفنا عيال صغيرة ولا إيه ! ما
تخليك في حالك !

كان هذا رد عمر الذي فقد أعصابه .

نظرت للسائق في المرأة نظرة فهمها جيداً فأغلق فمه
, كانت أعصابي تغلي ولن أتحمل سخافات .

وصلني شعور كل من حولي في تلك اللحظات , الندم
والندم ثم الندم , فيما عدا مؤمن فهو معتاد على هذه
الأمور , يصدقها ويخوض فيها للنهاية .

تأملت ما حدث منذ أن جاء مؤمن وقت العصر
ليقنعنا وعدم تقديري للأمور , نور الذي وقفنا ضده
, تأملت ما حدث وكأنه شريط سينمائي , مغامرة

غير محمودة العواقب لأربع شباب جامعيين , يذهبون إلى دجال مشعوز , في قرية خارج الاسكندرية غير معروفة الاسم , في شتاء يناير القارس ليلاً , لا يعرف أحد من أهلهم ولا حتى أصدقائهم شيئاً , ماذا لو دس صابر شيئاً لنا في الشاي , وما الفائدة من تقطيع أوراقنا ؟ , إنه يملك الآن أسمائنا واسماء أمهاتنا , يستطيع ان يفعل ما يحلو له ولن ألومه , القانون لا يحمي المغفلين , نظرت إلى الشباب ووجدتهم في مثل حالي صامتين متأملين , فندمت عليهم مداعباً , أو هكذا كنت أحاول .

- يا هفاف .

ابتسموا بينما عمر لم يبالي , ظل رأسه مائلاً إلى
الشباك , في حين نظر إلى نور ومؤمن , نظر لنا
مؤمن الذي كان يجلس امامي مستفسراً .

- الله! , بدلتوا بلوفراتكم ليه ؟

اجبته بسؤال .

- بدلنا البلوفرات ؟

- أيوة انت وعمر بدلتوا البلوفرات , إنت بقيت

لابس الأسود وهو لابس الأصفر .

أخذت أتفحص ما الذي أرتديه , ثم تبادلت أنا

وعمر النظرات وإلى ما نرتديه , لقد بدلت

ملابسنا فعلاً ولا ندري كيف ؟ صرخ عمر .

- أعوذ بالله , ايه ده ؟ , والله ما بدلت اللبس
 , امتي بدلناه ؟

- ولا انا كان بدلت اللبس ! أنا مش مجنون
 المرة دي بجد !

أخفض السائق صوت الكاسيت أكثر ليستمع
 لنا في وضوح .

- في حاجة يا بشوات ؟

في سرعة ونخبطة اجاب نور .

- مفيش حاجة , عاوزين نوصل بس عشان
 متأخرين .

حاول مؤمن تفسير ما حدث في برود وكأنه يذكرني
بشيء نسيتهُ .

- مش انت يا خالد البلوفر الأصفر مكانش
عاجبك الصبح , تلاقيك بدلته ونسيت .

اجابه عمر في عصبية .

- هو نسي وانا كان نسيت يا مؤمن؟

بقيت أنا وعمر صامتين بينما نظر نور لمؤمن بحنق
وقال .

- احنا ايه اللي خلانا نمشي وراك !

لم يُعلق مؤمن , بينما ظللت أفكر في أهلي , كنت
أفتقدهم وأفتقد احساس الأمان بجانبهم , نظرت

إلى الأرض , كان عمر امامي وأرجله في الممر الضيق الذي تخرج منه او تدخل الميكروباص , فإذا بي أصبح وأنا أنظر إلى نور في دهشة .

- وده ايه ده كان ؟

- في ايه ؟

- انت بدلت الكوتشي بتاعك مع مؤمن ؟

نظر كل منهما لأرجله , رفع مؤمن رأسه سريعاً بينما ظل نور ينظر إلى الصندل الجلدي الأسود الذي يرتديه , رد مؤمن سريعاً .

- أيوة بدلناهم .

جاء رد نور نافياً .

- لا مبدلناهمش يا مؤمن !

فاض الكيل بعمر فانفجر .

- بطل كذب بقى ومدافعة عن الراجل

الذجال ده ! , حرام عليك ياخي !

- انا مش بدافع بس نور ناسي , ثم انت يا

خالد قعدت تتريق عليه وغمزتك بلاش , ثم

أيوه احنا بدلناهم يا نور .

تذكرت شيئاً هاماً لتأكيد نفي نور .

- وهو من امتي مقاساتكم واحدة يا مؤمن ؟

صمت مؤمن ولم يرد حتى وصلنا , الآن تغير

تفكيري تماماً من ناحية نور , هل يكون مؤمن

وراء كل هذا ؟ , واذا كان هذا صحيحاً فلماذا
ذهبنا للدجال ؟ قطع تفكيري صوت السائق .

- حمد لله على السلامة يا بشوات .

خرجنا من الميكروباص وتركنا مؤمن يدفع الأجرة
بينما فتحت البوابة الحديدية ودخلت المنزل وورائي
باقي الشباب .

كما نشعر بالتعب والارهاق الشديد , دخلت إلى
غرفتي وأغلقتها ورائي استعداداً لأخذ قسطاً وافراً
من النوم , بدلت ملابسي ومددت ظهري علي
السريير بينما لازال عقلي لم يرتاح بعد من ارهاق
التفكير , تذكرت ما حدث اليوم بجميع أحداثه , قطع

تفكيري صوت دق على بابي بينما خرج صوت عمر
من الخارج .

- ممكن أدخل يا خالد ؟

- تعالى يا عمر .

- مالك ؟

- مش عارف أنام , قولى أجي احكي معاك

شوية .

- تعالى تعالى .

أغلق باب الغرفة وأفسحت له ليأتي بجانبى على
السريير .

- مش عارف تمام انت كان ؟

- كنت قاعد بفكر شوية , اه صحيح انا نسيت
أقولكم , مش صابر قالي على صندوق الحاج
كمال عشان عاوزو .

- صندوق ايه ؟

- الصندوق الأثري اللي كان في أوضة
السنترال قال هو ده السبب !

- طيب ما نديهوله ؟

- تاني يا عمر دجالين وكُفر ؟

تذكرت فتح القفل .

- صحيح يا عمر , الصندوق كان عليه قفل ,
متعرفش راح فين ؟

- لا , يمكن واقع هنا ولا هنا , خلاص نديه
لصاحبه ولا حتى نرميه لو كان هو السبب ,
ده انت حاطه هنا في أوضتك .

- لا يا عمر مش هرميه , دي أمانة , أنا لا
هرميه ولا هديهوله , ده بيقول كده عشان
يبيعه بسعر غالي , لما يبقي يرجع صاحبه بقى

•
بعد لحظات صمت أكملت ما يدور في عقلي .

- احنا فعلاً غلطنا يا عمر , ربنا يسترها , ربنا
يجيب العواقب سليمة , أنا خايف جداً .

- ربنا غفور رحيم , بس تفكر راجل زي ده
هيرحمنا ؟

- هو كان كويس معانا بصراحة .
 - واللي حصلنا يا خالد ؟
 - بصراحة يا عمر احنا اكثر اتنين اتريقنا عليه ,
يمكن اللي حصل ده كان قرصة ودن ,
خاصةً هو مكانش بيرد , كان بيتسم بس .
 - طيب ومؤمن ونور واللي حصل معاهم ؟
- لم أرد وظللت أفكر حتى رحنا في سبات عميق دون
ان ندري من الإرهاق .
- في هذه الليلة جاءني ليلي في أحلامي تقف كما كان
في الكلية في نفس المكان الذي قابلتها فيه , كان
يظهر على وجهها الغضب .

((أنا قولتك خد بالك يا خالد وانت حر ,
وقولتك متثقش في حد , مسمعتش كلامي برضو
, مش عارفة أعملك ايه دلوقتي !))

بعدها تحول المشهد تماماً بعد أن كنت في الكلية
أصبحت بداخل قصر ملكي , كنت أرتدي ملابس
غربية أمامي ملك مفتول العضلات يرتدي ملابس
فرعونية وشعره أسود مجعد يجلس علي كرسي العرش
ويقف أمامه شخص يتلوه رسالة ما .

**((إن أصوات أفراس النهر في طيبة
تزعج منامي في الشمال ، ربما عليك
القيام بإسكاتهم .))**

لم أفهم مغزى الرسالة ووقفت متسائلاً عن مكاني ،
ولماذا كنت في الكلية وظهرت لي ليلي وبعدها
أتواجد هنا في هذا القصر الملكي ، بدأت أدرك أنني
لست في العصر الحالي وأنني في إحدى عصور مصر
الفرعونية القديمة ، قطع تفكيري والمشهد يتحول مرة
أخرى في نفس القصر ولكن في منطقة أخرى ،
يقف أمامي ثلاثة أشخاص يبدو أنهم يتناقشون في
شيئاً ما . اقتربت خلسة منهم حتي لا اجعلهم يرونني

- لا بد أن نُنهي ما أمرنا به الحاكم "أبو فيس"
قريباً , لقد عَرَض علينا خمسة أضعاف ما
نتقاضاه من سقن رع , لقد زدنا كذلك
بالأسلحة .

كان هذا كلام أحدهم .

لا أعلم ماذا حدث أو كيف ولكنني اصطدمت
بشيئاً ما كان على الأرض موجود فأحدثت صوتاً
عالياً أثار انتباه ثلاثتهم , بدأ واحداً منهم يتحرك
ناحيتي وكان على وجهه الغضب الشديد بينما
حاولت أن أعود للخلف وأهرب لكنه أخرج خنجر
من جيبه الخلفي وطعنني به في صدري , بعدها لم

أرى إلا السواد فقط وصوت عمر يأتي من بعيد ,
كان مرساة نجاتي على ما يبدو .

- خالد ! فوق يا خالد ! يا مؤمن ! يا نور !
الحقوني هنا !

استعدت وعيي بصعوبة ولكن هذه المرة مختلفة فقد
كنت ملقي على الأرض غارقاً في دمائي ويوجد
خنجر بجاني ممتلئ بالدماء , بدأ الظلام يظهر مرة
أخرى , لم أدرك ماذا حدث لأنني فقدت وعيي
مرة أخرى .

(5)

فرعون

- مرحباً بك في أرض الكنانة , مرحباً بك يا خالد .

صوتاً فرعونياً قوياً , يعطيني ظهره وانا خلفه ,
فرعون أصبح مألوفاً مفتول العضلات , قوي البنية ,
شعره أسود مجعد , يرتدي ملابسه الفرعونية
المعروفة , التفت إلي وهو يتسم .

- تفضل بالجلوس , امامك ما لذ وطاب
فتفضل .

للحظة ما لم الاحظ أن امامي مائدة طويلة تكاد
من طولها تكفي قرية بأكلها , وقفت اتأمل ما
امامي من مأكولات وشراب , يبدو أنه كريم
للغاية .

لاحظ أنني سارح في عالم آخر فربت على كتفي
وهو يغير تماماً من لغته الفصحى .

- مكانش لازم نثق حد يا خالد , اللعنة بتكبر
وهاخد روحك انت واصحابك .

توت .. توتوت .. توتوتوتوت

استيقظت مرتعباً لأجد نفسي على سرير بداخل
غرفة في إحدى المستشفيات وهناك ألم أشعر به
ناحية صدري , يجلس أمامي نور ومؤمن وعمر
نائمين غير مدركين بما حولهم .

عدت لأضع رأسي على الوسادة وأنا أفكر في هذا
الحلم اللعين .

استيقظ عمر ليجدني قد أفقت وعدت لوعي , نهض
واقترب مني .

- حمد لله على سلامتك , خوفنا عليك , انت
كويس ؟

- هو حصل ايه ؟

- ارتاح دلوقتي ونام وبكرة الصبح هحكك كل
حاجة .

تركني وعاد للمقعد الذي كان يستند عليه وعاد
لينام بينما لم يتركني عقلي عن تحليل ما حدث منذ
البداية , كنت مرتعباً أن أعود للنوم فيظهر لي
فرعون مرة أخرى , دخلت إحدى الممرضات
للغرفة , ابتسمت لي وهي تقول .

- حمد لله على سلامتک .

- الله يسلمک .

لاحظت أنها تمسك بمحقن في يديها .

- هو انتي هتخطيلي ايه ؟

- مخدر , لازم ترجع للنوم .

- بس انا مش عاوز كدة .

- فرعون عاوز كدة , يقولك لسة فيه كلام

كثير مخلصش بينكم .

لا أعلم لماذا بعد هذه العبارة وجدت نفسي أستسلم

بسهولة , بدأت تضع المخدر ووجدت نفسي أفقد

الوعي مرة أخرى .

وجدت نفسي مرة أخرى في القصر الملكي , أتى صوتاً من خلفي .

- مرحباً , مرة أخرى .

- انت عاوز مني ايه ؟ فهمت ان فيه سر

مكتوم , قولي ايه هو ؟

رد ولكن باللهجة المصرية العامية .

- مقدرش أقولك , لازم تكتشف لوحداك ,

انت قربت جداً .

- قربت من ايه ؟ , انا كنت هقتل نفسي

بخنجر غريب !

ابتسم وهو يرد نافياً .

- متقلّش , مكنتش هسيبك تموت .
- مكنتش هتسيبني ؟ هو انت اللي عملت كدة ؟

أدار ظهره وهو يرد مدافعاً .

- كنت مُضطر , انت مكنتش بتدور لا انت ولا أصحابك على السر , قرصت ودنك انك كان لازم تدور .

عدت بالذاكرة للخلف حيث الموقف عندما كذبوني
أصدقائي أنني رأيت مؤمن يتحول أمامي , وعندما

ظهرت لي الفتاة ذو الوجه الدموي . نظر لي
وابتسم وكأنه يعلم ما كنت أفكر به .

- بالظبط , أنا , أيوة أنا , ده جزء من السر اللي
انت متعرفهوش , انت لسة متعرفش فرعون
بوشه الحقيقي , انا اديتك جزء صغير من
غضبي بس لما حبستك في الصندوق وخليتك
تعرف شعورك وانت ميت .

بدأ يقترب مني وهو لازال يوجه تحذيره ووعيده
بأنه ينتظر بفارغ الصبر أن يفصل رأسي عن
جسمي في حال لم أبحث عن السر المكتوم .

- قدامك فرصة أخيرة تكتشف السر اللي
هيخليني أرتاح , الصندوق يا خالد .

أمسكني من رقبتى وبدأت أختنق وبدأت أشعر
بنقص الأكسجين تماماً , تحول وجهه لهيئة مرعبة
وغاضبة جداً .

- الصندوق ! سامع !

توووت .. تووووت .. تووووووووت

كان ذلك صوت صغير الجهاز الذي بجانبى وقد بدأ
يعطي تحذيرات باقتراب توقف قلبي عن العمل .

هرولت الممرضة بسرعة وورائها الطبيب واستيقظ
عمر ومؤمن ونور على صوت الجهاز , بدأ الطبيب في
إنعاش قلبي عن طريق الصدمات الكهربائية , يصيح
في الممرضة بسبب شيئاً ما , كان جسدي يهتز كلما

لمسه جهاز انعاش القلب , رغم ذلك كان عقلي
يعمل ولا أعلم كيف , قلبي توقف تماماً ولكن عقلي
واعٍ لما يحدث حولي , بعد محاولات كثيرة عاد قلبي
للحياة مرة أخرى , يبدو أنني لن أغادر هذه الحياة
حتى أكتشف هذا السر الملعون .

مرت بضعة ساعات عدت بعدها لوعي مرة أخرى
تدريبياً , وجدت مؤمن يجلس بجانبى نائماً .
اعتدت وانا اربت على كتفه .

- مؤمن ؟

استيقظ تدريبياً مقاوماً للنعاس , ناظراً إلي
متكلماً .

- انت كويس ؟ حاسس بحاجة انا دي
للمرضة ؟

ربت على كتفه تكأيد مني على أنني بصحة جيدة ,
استيقظ بعدها عمر .

- انت في مرة هتخلينا نموت من الخضة عليك
على فكرة ! , كدة كثير .
رددت بصوتٍ مُتَعَبٍ .

- في حاجات كثير طلعا منعرفهاش , البيت ,
الأوضة الرابعة , الصندوق , فرعون , صابر
الذجال , في حاجات كثير مختفية لازم
نعرفها .

نظر كل منهما للآخر متسائلاً على ما أقوله ولكنهم
أوماً رأسهم لي متفهمين لما قولته .

مرت الأيام وأخيراً كُتِب لي الخروج من
المستشفى والعودة بعدما كذبنا جميعاً عدة كذبات
حتى لا يعلم أحد من اهلنا عن ما حدث , حتى
أصدقائنا في الجامعة كذبنا عليهم بحجة المرض ,
عُدنا لنواجه المحتوم الذي ينتظرنا في هذا المنزل .

كُتِب خروجي رسمياً , سأغادر الآن نحو هذا المنزل
لمعرفة أسراره الخفية , ووقفت أتأمله من الخارج ,
يبدو عادياً , يبدو كأبي منزل تراه عينك , هنا لا
تُكمن المشكلة , بل ما في داخل هذا المنزل هو

المشكلة الحقيقية , نظري الشباب عاقدين العزم على أن نكتشف ما بداخل هذا البيت , دخلنا المنزل وسرعان ما أتى الرد سريعاً , إحدى المزهريات تُرحب بنا عن طريق وقوعها وانكسارها لأجزاء كثيرة دون لمسها , وجدنا مؤمن من تلقاء نفسه يمسك هاتفه ويحدث أحداً ما .

- ألو ؟ , السلام عليكم يا شيخنا .

وقفنا متعجبين مما فعله مؤمن مرة أخرى من نفسه , تذكرت الحلم وليلي عندما ظهرت لي وهي غاضبة , وجدنا مؤمن يفتح مكبر الصوت .

- ازيكم يا شباب ؟

لم يرد أحدٌ منا عليه فبدأ بالضحك مرة

أخرى وهذه المرة كانت ضحكة سخيقة .

- طيب يا شباب , أنا هبدأ أقرا وانشاءالله

هتكتشفوا المستحي في البيت ده .

بدأ في ترديد عبارات غريبة وذكر مرة أخرى

نفس الاسم الذي ذكره ونحن معه, بالتأكيد تذكرتوه

, (هفاف) , بدأنا نرتعش مرة أخرى من وقع

هذا الإسم , ثم قام بترديد عبارات غريبة مرة

أخرى وأني كلامه وهو يقول .

- كده أنا خلصت خلاص ، الأرواح في
البيت باين إنها غضبانه جداً عليكم ، وباين
عليكم في حاجة عملتوها زعلتهم .

رد عمر في غضب شديد .

- انت دجال واحنا مش مصدقينك ، احنا
غلطانين اننا بنصدق مؤمن .
- كدة انت غلطت يا عمر ، متستعجلش على
الحكم .

ثم بدأ يضحك مرة أخرى وأغلق المكالمة .
نظرنا جميعاً لمؤمن بغضب ، نظر لنا وكأنه يبرر
فعلته .

- نُكَّا محتاجينه , خلاص خلاص , هو مش
قال انه خلص خلاص ؟

رد نور .

- يا سلام ! , وبالنسبة للعفاريت اللي غضبانه
علينا دي ايه ؟ , نتظمن لكل حاجة بيقولها ؟

لم يرد وبدأوا في التفرق نحو غرفهم , تركوني لكي
أستريح , مددت ظهري على السرير وانا اعود
بذكرياتي للخلف , لم تغفل عيناى , نهضت لأتوضى
وأصلي لكي يسامحنا الله على ما فعلناه , وجدت
جسدي متجمد , لا أستطيع الحركة , وكأن قدماى
لا تساعدني أو تلتقى الأوامر لكي تتحرك , ظلت
أردد القول (يارب .. يارب .. يارب) , أمسكت

بهاتفني لأجدها الساعة الثالثة فجراً , كيف مر الوقت
بهذه السرعة ! فتحت قائمة المكالمات لأوقظ أي
أحدٍ منهم , هاتفت عمر أولاً لأجد الهاتف يعطيني
(خارج نطاق الخدمة) , مرحباً مرحباً , ماذا
يحدث , حاولت أن اهاتف بعدها نور ولكن هاتفه
كان مغلقاً , ما الذي يحدث ؟ , هاتفت بعدها
مؤمن ولكنه لا يُرد , لماذا لا أحد يجيب ! وجدت
بعدها هاتفني يرِن من رقم غريب , ترددت في الرد
ولكن في النهاية رددت .

- ألو ؟

صوت أنفاس مرعب وغريب يأتي من الناحية الأخرى , شعرت بالخوف الشديد فأغلقت الهاتف , لكنه عاد ليبرن مرة أخرى , رددت مرة أخرى .

- انت مين ؟ , ألو ؟

أتاني الرد من الناحية الأخرى بصوت فتاة .

- انت زعلت فرعون , وفرعون قرر إنه ينزل
البحيم عليك .

ثم أغلقت المكالمة , عدت لأتصل مرة أخرى ولكنه كان يعطيني (خارج نطاق الخدمة) , ماذا فعلت ؟ لقد وعدته باكتشاف السر فماذا فعلت كي يغضب؟ , لم أنتظر كثيراً لأجد باب غرفتي يفتح

بطريقة مرعبة على مصرعيه , وبالخارج يقف شخصاً
طويل القامة يمسك بصولجان وعيناه تلمع في وسط
الظلام , ضوء القمر يُظهر وجهه المخيف وعيناه التي
تومض رعباً , اقترُب بخطى ثابتة نحوِي , لا أستطيع
تحريك قدماي , لا أستطيع الهرب .

- انا وعدتك اني هكتشف السر .

أتى الرد غاضباً .

- وانا صدقتك , لكن انت خونت العهد ,

وانا قررت أنتقم .

بدأ يقترُب للغاية مني وأمسك برقبتي وبدأ يخنقني .

تتن .. تتن .. تتن .. تتن

كان صوت المنبه الذي أنقذني , هل كان هذا حلم
آخر ؟ لماذا أصبحت أحلامي هكذا ؟

استيقظت ونهضت لأصلي ركعتين لله , فتحت
بعدها الدولاب الخاص بي , أمسكت بالصندوق
لأفتحه , ماذا تخبي بداخلك من أسرار ؟ ماذا
بداخلك يجعل حياتنا من جحيم هكذا , أمسكت
بالخنجر الذي طعنت به نفسي , تأملته جيداً وهو
غارق في الدماء التي تجلطت وتحول لونها للأسود ,
ثم بعدها أمسكت باقي المقتنيات , جميعها أشياء
ليس لها قيمة , أو هذا ما كنت أعتقده , أمسكت
بإحدى الأوراق , كانت طلاس , رأيتها من قبل ,
نجوم ودوائر وكلام غريب يشبه اللغة السيريلية ,

عدت لأضعهم بداخل الصندوق ثم أعدته للدولاب
مرة أخرى .

لا أعلم لماذا بداخلي قررت أن أنظر لمستقبلي أولاً
وقررت أن اكتشف هذا السر فيما بعد , خرجت
من غرفتي متجهاً للمطبخ لأجد نور وعمر ومؤمن
يحضرون الطعام , يبدو أنهم كانوا قيد تنفيذ احدى
المفاجآت لي ولكني أحرقتها .

- صباح الخير يا شباب ؟

رد مؤمن متفاجئاً .

- ايه ده ؟ انت صحيت امتي ؟ كدة حرقت
المفاجأة ؟

- لا ، لا ، خلاص هخرج وهعمل نفسي
متفاجئ أهو .

خرجت لأجلس على المنضدة ، أنتظرهم ، كنا وصلنا
لمرحلة اليأس أن تعود الفرحة لنا ، خرجوا بالطعام
الشهي وكأنا كنا ننتظر مثل الذي حدث كي تعود
لنا أجواء البهجة والفرحة .

جلسنا حول الطعام نأكل ونتكلم ونضحك سويًا ،
متناسين ما مررنا به ، أكد نور مرة أخرى .

- بصوا بقي ، انهاردة أخريوم في الصياغة ، من
بكرة هنذاكر بجد ، نأكل ونلحق نخرج شوية
عشان نبقي براحتنا ونلحق نرجع بدري .

لم نمانع ، كما نحتاج إلى الترفيه وبشدة ، قننا لستعد
للخروج ، وفي هذه الأثناء هممت بالخروج من
غرفتي لاحضار شيء ما نسيتته بغرفة الاستقبال ،
رأيت نور يحمل الصندوق الخشبي الأسود فوق
رأسه ويمشي بثبات نحو الحمام وينظر إلى في غل
رهيب ، نظرت له في ذهول وناديته بصوت عالٍ
فلم يلتفت إلي ولم ترد ندائي ، ولكن ما ان دخل
نور الحمام أمام عيني ، حتى رأيته يخرج من غرفته
يُمسك بقميص خاص به ، ثم قال .

- عاوز ايه يا خالد ؟

عندها أحسست ببلل لم أسيطر عليه بنصفي
الأسفل ، حاولت أن أسيطر على ما تبقي مني

من أعصاب , لكن بقيت واقف مذهول
ولكن لم أريد أن يرى نور ما حدث لي .

- مالك مبلم كده ليه ؟

- كنت عاوز حاجة مش فاكرها .

تركها مُسرعة ودخلت غرفتي و أغلقت الباب ,
فتحت الدولاب ورأيت الصندوق في مكانه , انتابني
الفرع لكن لم أرد أن أعكر مزاجهم الذي يبدو أنه
سوف مؤقتاً , هل صابر دجال على حق ؟ أم أنه
أرسل من يخيفني ورائي عقاباً لرفضى تلبية طلبه ؟
أم هذا فرعون يمارس الأعبيه معي ؟ .

خرجنا في الساعة مساءً ، ضحكنا كثيراً حتي أنني
تناسيت ما حدث مؤقتاً ، ثم عدنا مرة أخرى للمنزل
، عقب نور .

- اول مرة أتبسط من بدري كده ، انا عاوز
أسهر للصبح .

رددت سريعاً .

- لا ، انتوا باين عليكم رايقين وانا تعبان وعاوز
أرتاح .

دخلت إلى غرفتي وفي صوت اغلاق الباب والنور
حاولت أن أسترخي مستلقياً على السرير ، شاخصاً
بعيناي تجاه الحائط ، أنظر في الاشياء ، في المجهول

, فاجأني صوت من ورائي مباشرة ناحية اليمين ,
شديد القرب بعطسة شديدة , فزعت واقفاً في مكاني
ذهبت حيث أضيء نور الغرفة من جديد , فتحت
الباب ناظراً من جديد وإلى جميع أركان الغرفة , لا
أحد ! .

ظلت أردد ((الله أكبر .. الله أكبر .. أعوذ بالله
من الشيطان الرجيم .))

حاولت إقناع نفسي بأنه وهم بلا شك , الشك الذي
لا يفارقني طوال الفترة السابقة , لكنني لمست يدي
اليمنى وخدي الأيمن أثار عطسة فأقنعت نفسي بأنه
شيء آخر , ربما عرق , لم أغرق باب الغرفة وتركته
موارباً ليدخل نور غرفة الإستقبال , أغلقت النور

مرة أخرى وأنا أحاول النوم وقرأ القرآن , حاولت أن أتذكر راحة البال , دقائق وخرجت من الغرفة لأرى ماذا يفعل الشباب , فوجدت نور ومؤمن في غرفة (السترال) , وجدتهم يتحدثون عن إحدى الفتيات التي قابلها نور وأنه معجب بها .

عدت لأستلقي على السرير مرة أخرى , أنظر لسقف الغرفة , لم أستطع النوم وقتها , إلى أن رأيت هالة بيضاء صغيرة تخترق الظلام , ظل حجمها يكبر ويكبر , إلا ان ابتلعتني بداخلها , كان بداخلها راحة بال شديدة ومريحة , رحت في سبات عميق لم أحسب بعده المدة التي نمت بها .

استيقظت في صباح اليوم التالي مبكراً على صوت مؤمن وهو يقول بصوت عالٍ (يا هفاف.. يا هفاف..) , يشد ستائر البيت حيث وصول الشمس الدافئة للداخل , استيقظ قبلنا وذهب لشراء الفطور وأعدده وظل يوقظنا من راحتنا حتى ذهب النوم وابتعد , شعرت بالحياة مرة أخرى أخيراً , تناولنا الإفطار وذهبنا للجامعة كي نأخذ جداول الامتحانات وأرقام الجلوس , في ذلك اليوم وعند رحيلنا جميعاً رأيت ليلي مرة أخرى , كان قد مر بضعة أيام عن آخر لقاء بيننا , كانت تقف مع شاب أسمر متوسط القامة , جيد المظهر , كانت مبتسمة بينما كان يتكلم معها , شعرت بالحزن والسعادة معاً مختلطين , السعادة لأنني رأيتها اليوم وهي سعيدة ,

وحزين لأنني كنت أتمنى لو كنت مكان هذا الشاب
، لا بد أن أمضي في حياتي الآن ، نظرت لها نظرة
أخيرة ثم رحلت وراء أصدقائي ، لاحظت أن
أصدقائي في الجامعة ينظرون لي نظرة مريبة أخرى ،
لم أهتم ورحلت .

أنهينا يومنا الدراسي ورجعنا سوياً للمنزل ، أتينا
بالمنضدة التي تحمل التلفاز حتى نذاكر عليها جميعاً في
غرفة الاستقبال ، وبدأنا نذاكر ، ولكن كعادة
أغلب الطلاب المغتربين ، تأتي المذاكرة أولاً في قائمة
اولوياتهم عندما يتحدثون لأهلهم ، لكن في حقيقة
الأمر آخر شيء يشغل بالهم ، او قد لا يشغله من
الأساس ، ظللنا نتحدث من السادسة مساء وحتى

الساعة العاشرة ولم نشعر بذلك , بدأ نور ينظر لمؤمن
في استفزاز .

- بس الله ينور يا مؤمن , الدجال بتاع من آخر
مرة واحنا مفيش حاجة تاني حصلت ,
شغل عالي .

- بطل استفزاز يا نور وخليك في حالك .
- لا يا مؤمن , بتكلم بجذ .

حاولت أن أضع حدًا ونهاية لهذا النقاش .

- بلاش السيرة دي دلوقتي , ممكن نذاكر يلا
يا حلوانت وهو ؟

بعد وقت قليل دقت الساعة الحادية عشر , لم نكن
تناولنا الغداء , في برد الشتاء لم يُعد أحد منا وجبة
خفيفة , الجميع تملص وفضلنا الجوع والإعياء على
مجهود يتبعه شبع , قلت بيأس .

- انا هنام .

أكل عمر وكأنه يستعد لشيء ما .

- أنا كان يعمل تليفون .

القي الجميع الاقلام التي تصاحبنا والتي تحمل كثيراً
من الاحلام معها , وذهب كل منا لغرفته , هممت
بالنوم من الارهاق والتعب , لكن لم أغلق الباب ,
واربته كما فعلت بالأمس بعد سماع صوت العطسة ,

العطسة التي لا أريد أن اتوقف عندها إلى الآن تماماً
كالرجل الذي كان يحمل الصندوق أمامي وكان
متمثل في هيئة نور .

بعد دقائق سمعت صوت الخلاط وهو يصدر ضجيجاً ,
لم أنو القيام من شدة التعب والارهاق وأحتاج للنوم
, لكن لم أنجح في النوم وانا اشعر بالجوع والعطش
الشديد , نهضت وفتحت الباب الموارب , مصدر
الضجيج هو مطبخنا العزيز , تسلفت إليه , عندما
وصلت إلى المطبخ وجدته خاوياً ! الخلاط فارغ وبه
بعض أثار البرتقال المعصور وبجانبه كوب فارغ او
شبه ذلك , لا بد أنه أحد الشباب , ذهبت إلى
غرفة نور ومؤمن وفتحت الباب فجأة وصحت .

- إنتويا كلاب .

وقفت مكاني للحظات , كان نور يتصفح الانترنت
بينما مؤمن يتحدث في هاتفه تحت الغطاء !

سألني نور وهو لا يزال يتصفح مواقع التواصل
الاجتماعية ولا ينظر إلي .

- صوت الخلاط صدعني , انت عملت أكل
ولا ايه ؟

- اكل ايه ؟ , الخلاط جواه برتقال معصور
وفي كوباية جنبه فاضية , مش لما تشربو
حاجة تغسلو الحاجة اللي شربتو فيها ؟

- برتقال ايه ؟ انا معملتش برتقال !

- ازاي , واخلط اللي جواد ده مين اللي عصر
فيه برتقال ؟

ذهب ثلاثتنا إلى المطبخ من جديد نتفحص المنظر ,
كان الخلاط موجود , وبداخله آثار برتقال معصور
منذ لحظات. بدون أن نتحدث أجمعت عقولنا أنه
عمر , اتجهنا لغرفته وفتحنا الباب دون استئذان
لنجده في شجار عنيف مع إحدى صديقاته . فسألته .

- عمر .. انت شربت عصير ؟

اشار بيده بالنفي فكررت سؤالي مرة أخرى .

- يعني معملتش عصير .

بدا في حالة عصبية وقال في حدة .

- ثانية واحدة , والله ما عملت حاجة خالص
! والنبي خدوا الباب معاكم.

أغلقت الباب ثم نظرت إليهم في إصرار وتساؤل .

- أمال مين اللي عمل البرتقال ؟

- حاجة غريبة فعلاً .

فتحنا الثلاجة وأخذنا نتفحص كل شيء , فوجئنا
بنقص عدد البرتقالات الموجودة , نعم فكيس
البرتقال لم يقترب أحداً منه منذ الأمس عندما
اشتريناه .

كررت سؤال لهم .

- يا جماعة حد أكل برتقال منكم ؟

جميعهم أجابوا .

- والله لا !

أمسكنا بالكيس لنعد المتبقي , الكيس كان به عشر برتقالات والموجود به ثمانية فقط , نظرنا إلى بعضنا في ذهول . الجميع يؤكد (والله ما أكلتس حاجة)!

دخلت غرفتي واغلقت بابي , بدأت في البكاء للمرة الأولى منذ فترة ! شريط أسوأ فيلم في حياتي يمر أمامي للمرة المليون , مؤمن والشمعة , الساعة , القميص , صابر الدجال , المزهريات , تبديل الملابس , فرعون ومطارداته , الخنجر , الكوايبس ,

الرجل والصندوق , العطسة والآن المطبخ والخلاط
! متى سينتهي هذا الفيلم السخيف ؟

بعد مرور حوالي ساعة من الزمن , لم أدر وقتها كمية
الدموع التي سألت مني , جاءني عمر يطرق الباب
فتحت له ودخلت , لم أستطع النظر إليه لتورم
عيناى , دخل الغرفة ثم جلس بعيداً عني في هدوء .

- ليه يا خالد بتبكي بس ؟ , أنا شاكك ان نور
ومؤمن هما اللي عملوا كده وبيكدبوا علينا .
- لا لا يا عمر , انت ناسي البلوفرات بتاعتنا ,
بعدين ايه عرفك اني ببيكي ؟
- سمعت صوتك .

أخبرته عن الرجل والصندوق والعطسة , لم يُعلق ,
لمحته ينظر لي في زهو غريب , ثم ضحك ضحكات
على صوتها تدريجياً فكانت مفاجأة لي , نظرت إليه
فوجدت ملامحه أقرب لشيطان , توقف عن
الضحك , وفي لحظات كان وجهه مُلتصق بوجهي
, نظر إلي في حدة فارتعبت , وسرت في جسدي
قشعريرة غريبة , ركز في عيني للحظات وجاء صوته
كالفحيح يتوعدني .

- أنا مش همشي , الدجال بتاعك ضايقني ,
المرّة دي هيسمعوك , المرّة الجاية مش
هيطلع صوتك يا خالد .

أغمضت عيني وصرخت بأعلى صوت لي منذ أن
جئت إلى هذه الأرض , فتحت عيني فلم أراه ,
جاء الشباب مهولين واوهم عمر الذي سأل في
فزع .

- ليه بتصرخ يا خالد !

كان يردد كلام الرجل مرة أخرى وللحظات لم
أفهم شيئاً , كيف يردد نفس الجمل ؟ نظرت إليه
في ذهول وصرخت أكثر حتى فقدت الوعي وفت
غير معلوم .

أفتت على سريري مُستلقي عليه فوجدت الشباب
حولي قلقين , أردت أن أقاوم نفسي وأنظر لعمر فلا
ذنب له لما يحدث , فلم يكن هو أو نور في كل

الأحوال , وهذا ما يريده فرعون ومن معه , التفرقة
 , قال عمر في خوف وقلق .

- الحمد لله على سلامتك يا خالد , مالك بس ؟

استفسر مؤمن في جدية .

- هو في ايه يا خالد ؟

في حين انتاب نور الفضول .

- انت شكك كان مفزوع , ايه اللي حصل

تاني ؟

رويت لهم كل ما حدث , تشبه هذا الرجل بنور
وعمر , ظهر الرعب على وجهم للمرة الأولى , قام

نور ومرمن إلى غرفهم بعد مواساة شاردة , وبقي
عمر .

- والله يا عمر ما عارف أقولك ايه ؟

- تعالى تتقوم نتوضى ونصلي يا عمر .

كنت أقاوم خوفي كلما رأيت نور و عمر واقراً القرآن
سراً , فأنا لا أدري من منهم الحقيقي , أشارت
الساعة إلى الثانية بعد منتصف الليل , حينما ذهبنا
إلى الحمام وقابلنا مؤمن يرد أن يتوضأ هو الآخر .

شعرت بشيئاً ما يُمكنني من رقبتى وانا اسجد ,
أخبرت عمر فأكد أنه مجرد وهم وحالة نفسية .

- خالد .. بلاش تركز كدة في كل حاجة
عشان عقلك الباطن هيصورلك حاجات
مرعبة اكثر .

بعد الصلاة تركني عمر مع أفكاري , هذا هو العقاب
الإلهي للجوئنا لدحال مشعوذ , الشيخ صابر كما يسميه
مؤمن , هو من وراء كل هذا العبث الذي نعيش به
, صليت الفجر ورددت (لا إله إلا أنت سبحانك
إني كنت من الظالمين) عدداً كبيراً من المرات ,
حتى أعلنت ساعة الوقت أننا في التاسعة صباحاً ,
أرهُق ذهني وضلت جميع حواسي طريقها للنوم أو
الراحة المؤقتة , طالما لن أنام سأذهب للجامعة ,
عقدت العزم على الذهاب للجامعة مرتدياً نظارتي

السوداء , حتى لا يرى أحد احمرار عيني وتورمها ,
والذي سيؤكد لكل من سيراها أنني قد بكيت
لساعات متواصلة , تمنيت بشدة رؤية ليلي وتعمدت
أن أذهب إلى نفس المكان الذي قابلتها فيه من قبل
, لم أستطع كتم إعلان فرحتي عندما رأيتها مرة ثانية
, بالرغم من كل ما أمر به من أحداث , ناديتها
وكأني أستنجد بها في صرخة صادقة .

- ليلي .

كانت ابتسامتها مختلفة هذه المرة خالية شبه خالية
من الخجل ولكن ألاحظ فرحة بعينها تريد أن تخفيها

- خالد .. عامل ايه ؟

أجبتها بنبرة حزينة رغم فرحتي لرؤيتها .

- الحمد لله على كل شيء .

- يارب تكون بخير , في حاجة تاني حصلت ؟

مالك ؟ اتفضل اقعد .

- سيبك من الكلام ده دلوقتي , انتِ مستنية

مروان ؟

- أنا بحب المكان ده تحديداً مش عارف ليه ,

يمكن بحب الشجرة دي عشان كبيرة وقديمة

, مش عارفة , بس مش مستنية مروان هو

معند هوش محاضرات انهاردة .

- يعني انتِ جاية تقعدني مع نفسك هنا ؟

- يعني ... ممكن جاية أشوفك وأتطمئن عليك
برضه .

رغم علمي أنها لم ولن تكون لي , لم أرتبك يوماً في
حياتي مثلما ارتبكت هذه اللحظة وتساءلت , هل
تشعر تجاهي بالراحة التي أشعر بها تجاهها ؟ أدرك انه
ليس حباً بالتأكيد ولكنه انجذاب وفضول .

- تشوفيني أنا ؟ بس مكانش فيه معاد !

- الأرواح بتتقابل , لو مضايقتك بلاش , بس
أنا بصراحة كنت عايز اتطمئن عليك .

ابتسمت لإيماني بتلاقي الأرواح وتنافرها , ثم
تذكرت ما أمر به .

- ليلى .. في أحداث كثير حصلت وحلمت بيكي !

- بإيه بقى , إحكي .

- والله يا ليلى مش عارف أقول ايه ! بس في

الحلم كنتي بتقوليلي انا قتلتك خد بالك من

نفسك , ومش عارفة هقدر أعملك ايه !

كإناك حاسة بيا .

- حصل ايه يا خالد ؟

- بلاوي .. الموضوع بقى علني , بيعملوا عصير

ويظهروا وانا مش عارف أناام ولا آكل ولا

أعيش أصلاً .

- هما مين اللي بيعملوا عصير يا خالد ؟

- العفاريت يا ليلي والله , عملوا عصير برتقال
وفي واحد ظهر .

سرحت ليلي بتفكيرها وكأنها كانت تحادث نفسها .

- هو يجبه .

- هو مين اللي يجبه ؟

- أبويا يجبه . ما يمكن هو اللي عمل كدة .

- ازاي يعني يا ليلي وهي مسافرة , وهيدخل

ليه الشقة ويمشي من غير ما يقولنا !

- آه صحيح , واللي ظهر ده شكله ايه؟

- على شكل عمر .. ونور كان .

- ممممم

- بصراحة الموضوع زاد بعد ما رُحنا للدجال
صابر , ربنا يسامحنا .

تغير وجه ليلى وملاحظها تماماً لغضب لم أره عليها من
قبل ونظرت للأرض ثم نظرت لي نظرة قاسية لم
أجد لها مبرراً .

- خالد .. بلاش يا خالد .. أوعدني لا تكلمه
ولا تروح ليه تاني يا خالد , مش هيبجي من
وراه إلا شر .

- لا والله من غير وعود , انا بستغفر ربنا ليل
نهار , وده درس عمري .

بدأت ملاحظها تهدأ وحاولت أن تبتم .

- طيب انا هسيبك دلوقتي لازم أمشي .
- ليه ؟ خليكي معايا شوية !
- معلش هشوفك تاني .. خلي بالك على نفسك .
- حاضر .

تمنيت أن أكون معها أينما ذهبت , نوع نادر من النساء , تحتمل الحياة في وجودها .

غادرت الجامعة مُتجهًا للسوبر ماركت , اشترت بعض الأغذية الجاهزة وذهبت للمنزل , بعد ان فتحت الباب وأغلقتة من الداخل وجدت الشباب جالسين أمام التلفاز , صامتون على غير العادة , ما بالهم يعيشون في عالم آخر هكذا ؟ هل حدث شيء

آخر في غيابي ؟ لا لن آبالي , ذهبت إلى غرفتي مباشرة ولم ألقى التحية , دخل ورأى مؤمن بخطوات سريعة ومن ورائه عمر ونور , وقفا على عتبة الباب وانا بالداخل أمسك بمقبض الباب لأغلقه .

قال مؤمن بحزم .

- ايه ؟ داخل على أصنام ؟

اجبت بغضب .

- بص يا مؤمن .. بصوا كلكم , فاضل على

الامتحانات اقل من شهر , ومش فاضي

لشغل العفاريث ده , أنا هنام وهصحى
أذاكر ومش عاوز أسمع صوت حد فيكم .

انهيت التهديد المباشر وأغلقت الباب بوجههم
بشراسة , كان عقلي الباطن يدافعى عن مستقبلي ,
وهديتي لأبي , لم أسمع أي تعليق من أحد منهم ,
انصرفوا في صمت , بعد قليل دخلت الحمام لأتوضأ
وأصلي , بعد أن انهيت صلاتي تاركة باب الغرفة
مفتوحاً وجدت عمر يقف أمامي مُنتظراً , اعتدت
بعد أن رأيت عمر ونور على غير هَيْئتهما أن أسمى
كلما رأيتهم , فإن كانا هما فسوف يُكملان
حديثهما , وإن كانوا غير ذلك سوف يتلاشيان كما
فعلا من قبل .

- أعوذ بالله من الشيطان الرجيم , بسم الله

الرحمن الرحيم .

- مالك يا خالد ؟

- بص يا عمر أنا مخنوق جداً من الحوارات اللي

بتحصل , وامتحاناتي فاضل عليها شهر , لو

شلت مادة هتفضل وصمة عار , لكن أنتم

تشيروها للسنة الجاية عادي مش فارقة

معاكوا , لو سمحت يا تدخل وتقفل الباب يا

نتفضل عايز أذاكر .

أجابني ضاحكاً .

- طب أنا هتفضل يا خالد .

أغلقت الباب وجلست على السرير المقابل لي بعد أن أحضرت جهازاً لسماع الموسيقى ، رتبت أوراقى وكتبي لأبدأ المذاكرة ثم رن الهاتف ، لم يظهر الرقم الذي يرن ، ترددت في الرد ولكني أجبت في النهاية .

- السلام عليكم ورحمة الله وبركاته ، مين ؟

لم يكن هناك رد في الناحية الأخرى ، ما هي إلا صوت أنفاس يبدو من سماعها أن المتحدث غاضب من إلقاء السلام عليه ، لم اخاف هذه المرة بل تشجعت وبدأت أقرأ قرآن بصوتٍ أعلى وصوت الأنفاس يتصاعد ثم أغلق المكالمة ، شعرت بنشوة الإنتصار ، ولكن ما هي إلا لحظات حتى

جائني الرد سريعاً , انقطاع كامل للكهرباء تبعه
أصوات صراخ شديدة لم تتحملها أذني , بدأت
الأصوات تعلو وتعلو حتي كادت رأسي تنفجر
ففقدت الوعي , مرة أخرى .

ظلام دامس , لا أرى شيئاً أمامي , لكن بعيداً
رأيت ضوء , انها نيران , شعلة نيران , تحركت
ببطيء ناحية مصدر النيران , أمسكت بالشعلة كي
تضيء لي الطريق , بدأت أرى تدريجياً المكان
الذي بداخله , غرفة ملكية بدرجة امتياز ,
جدرانها ذهبية وعليها بعضاً من النقوش الفرعونية
, لم أستطيع وصف ما أراه لأنه كان لا يُوصف ,

قطع هذه اللحظة وجمالها صوت فتح باب الغرفة
ببطيء فهرولت ناحية إحدى الزوايا مختبئاً تاركا
شعلة النار , لم أرى جيداً ولكني لم اكن أعمى
تماماً , ثلاثة من الخدم يتسللون بهدوء داخل
الغرفة , للحظات لم أفهم لماذا أنا موجود هنا
بداخل هذه الغرفة , ولكن قطع تفكيري إحدى
الخدم يُخرج خنجر وقد ميزته وسط الظلام
لإمساك احدهم بشعلة نار جعلت رؤية ما يمسكه
الخدم سهلاً للغاية , وفي لحظة واحدة طعن
الخدم أحداً ما ينام على سرير , سرت القشعريرة
بداخلي للحظات وكان يملكني الرعب الشديد ,
صرخ الرجل الذي ينام على السرير من الألم ,
والذي استطعت تمييز صوته بعد ذلك , مفتول

العضلات العظيمة ، القوي ، فرعون ، كان يتألم
والخنجر يطعنه خلف أذنه ، نهض وحاول أن
يشتبك مع أحدهم ولكن ردود فعلهم كانت
سريعة للغاية ، اشتباك فرعون مع أحدهم سمح
للآخر بتوجيه ضربة قوية في ظهر فرعون بعصا
قوى للغاية يدعى (بلطة) جعل فرعون يسقط
أرضاً ، كنت أتعجب من قوة تحمل فرعون ،
انهالوا عليه بالضرب الشديد ولكنه كان يقاوم
والدماء تسيل من تحت أذنه ، نهض فرعون و
استطاع أن يسقط أحدهم أرضاً أخيراً ولكن
أتت له طعنة قاضية من أحدهم مستخدماً نفس
الخنجر الأول ، كانت الطعنة قاتلة ولكنه أبقى
الاستسلام وحاول أن يصيب الذي يمسك

بالشعلة ولكن في هذه اللحظة ضُرب بشدة على رأسه بالبلطة من أحدهم , هَشمَت رأسه تماماً , سقط شجاعاً رافضاً الاستسلام , وجهوا له بعض الضربات القوية واللكمات الأخيرة قبل هروبهم وتركهم اياه خلفهم مقتولاً ساقطاً ولكن بشجاعة .

تأكدت من هروب الخدم ونهضت واتجهت بحذر ناحية فرعون , شعرت بالخيانة كما شعر هو بكل تأكيد قبل موته , نظرت له وقد كان مُغمض العينين مصاباً بشدة في الجهة الأمامية من رأسه , نظرت له مُشفقاً وكأن مشاعري الإنسانية استيقظت الآن في هذا التوقيت الخاطيء ,

سرحت بشدة ولا أعلم لماذا , فجأة فتح عينيه
غاضباً ممسكاً رقبتى قاصداً أن يخنقني , كانت
ملاح وجهه تبدو مرعبة للغاية , قال في غضب .

- انت ميت خلاص يا خالد , وقتك انتهى
معايا والفرصة خلصت , هتقتل بس مش
أنا اللي هعمل كدة.

بدأ يضغط بشدة وعلامات الغضب مُستمرة على
وجهه وأنا أحاول المقاومة , أشعر بقلبي يتوقف ,
الأكسجين مرة أخرى بدأ يتوقف عن الوصول
لجسمي , بدأ فرعون يصرخ في وجهي , نهضت
بعدها مفزوعاً صارخاً في حالة عصبية مشدودة
بينما يحاول عمر ومؤمن ونور تهدئي , كنت أردد

كلمة فرعون فقط , وأنظر يميني ويساري خوفاً من
أن يكون لازال موجوداً , بدأ عمر يفيقني من
حالة الصدمة التي كنت بها .

- خالد ! إهدى يا خالد مفيش حد غيرنا هنا
!

بدأت نوعاً ما أهدأ , شربت كوب ماء وبعدها
ظلت أردد .

- هيقتلني خلاص , فرعون قرر يقتلني .

رد نور في تساؤل .

- فرعون ايه اللي هيقتلك ؟

أكل بعدها عمر بعدها .

- أيوة صح , فرعون مين اللي هيقتلك ؟ خليك
مؤمن بربنا يا راجل .

لم أجيبهم من التعب المستمر لي وفضلت الصمت
والسكوت , أدركت أنني من الممكن أن تكون
أفكاري تخبطت بمجر وقوع أي شيء , أصبحت
هشاً مشوشاً , أدعو الله قدر استطاعتي أن يقويني
ويريني الحقيقة , أخرجوني من الغرفة وبدأوا
المحاولة في تشتيتي عن ما حدث , أخذت أنفاسي
من جديد وبدأت أعود لحالي الطبيعية , بينما
قرروا جميعاً أن يجلبوا روح الدراسة الآن , قال
مؤمن في حماس .

- يا جماعة , عشان ننسى اللي حصل ده ,
هنقعد كلنا نذاكر دلوقتي عشان خلاص
الامتحانات على الأبواب .

وافقه عمر ونور الرأي بينما أومأت رأسي لهم
موافقاً .

بدأنا بنصف ساعة من الاستراحة في الحديث عن
أمور عامة واحتساء الشاي إلى أن انتهى الوقت ,
لنبدأ الساعة الأولى من ساعات المذاكرة التي
تسبق الامتحانات مباشرة , لعنا نحصل قدرًا كافيًا
من العلم يؤهلنا لتجاوز السنة الدراسية بسلام .

(6)

تحذيرات ليلية

بعد دقائق معدودة سمعنا صوت الثلاجة يفتح ويغلق
عدة مرات في عنف , كائن ما يبحث عن شيء ما ,
صوت فتح إحدى أدراج المطبخ بعنف , صوت
الخللاط يعمل , الصوت يعلو ويعلو , سكت قليلاً ثم عاد
الخللاط يعمل .

مررنا بلحظات عصبية للغاية , كان الصوت مُستمرّاً ,
إذا ليس عمر او مؤمن او حتى نور , كلنا سوياً الآن ,
نظرنا إلى أى بعضنا لتؤدي نفس المشهد , تؤدي نفس
الحركة دون مساعد مخرج يوجهنا , صوت عمر مستعيذا
بالله بينما من يستخدم الخللاط ما زال مستمرّاً مستمتعاً
كما يبدو , تمالك عمر نفسه .

- أعوذ بالله من الشيطان الرجيم , بسم الله الرحمن الرحيم .

وبدأ في ترديد آية الكرسي , وأصوات المطبخ ترتفع وتعلو , ظل نبرة صوته تعلو بقوة وحزم , أشياء تتكسر , كلما يرفع عمر صوته يرتفع صوت المطبخ صخباً .

صوت عمر .. صوت المطبخ .. صوت عمر .. صوت المطبخ .. صوت عمر ..

هنا تدخل مؤمن بقوة وحزم .

- الله أكبر .. الله أكبر .. الله أكبر .. الله أكبر ..

توقف عمر وظل هند يقترب شيئاً فشيئاً وكأنه يتجسس على من فيه , نادى عمر محذراً .

- تعالى هنا يا مؤمن !

ما إن دخل مؤمن حتى سكتت جميع الأصوات !
وسكت مؤمن ! نظرنا إلى بعضنا في ذهول , ماذا فعل
مؤمن ! هل مازال هناك ؟

صاح منفعلًا .

- مفيش حد يا شباب , تعالوا بصوا .

مشينا ثلاثتنا في خوف ناحية المطبخ , بالقرب منه , لن
أدخله قطعًا , أريد فقط أن أرى ما حدث , الخلاط
اللعين موجود وبداخله أثار يرتقال معصور وبجانبه كوب
فارغ , جاء صوتي مرتعشًا .

- افتح كدة يا مؤمن نعد البرتقال ؟

فتح مؤمن الثلاجة ومد يده نحو الأكياس في جراءة ثم
أردف .

- البرتقال ناقص اثنين , يعني كدة باقي ست قطع
.

أغلق مؤمن باب الثلاجة وعلامات القلق تسود وجهه ,
أخيراً أظهر قلقه ,

- ايه ده يا جماعة ؟

لم يكن لدينا أية إجابة , بعدها بدأ مؤمن في ترتيب
المطبخ , في نفس اليوم وفي نفس الوقت ونفس
اللحظات , كيف يفعل هذا؟ , لم ولن أفكر في جراءة
مؤمن في هذه الأمور , هل يستطيع إنسان طبيعي مهما

بلغت قوة أعصابه أن يفعل ما يفعله مؤمن؟ لعل أباغ
بعض الشيء .

كنت أعجز عن فهم ما يحدث , ولماذا تحديداً في شهر
الامتحانات ؟ لا أريد الرسوب وسوف أحارب من
اجل هذا الهدف , ولكن ماذا أفعل الآن ؟ أراني أقف
هزياً وحيداً متعباً رغم تواجد الشباب حولي , أفقد
أهلي بشدة ولا أريد إخبار احد منهم , لا أريدهم ان
يعيشوا لحظات قلق ولو حتى من أجلي , يمر الشريط
السينمائي الكريه مرة أخرى امامي , لا أريد أن أراه ,
بجأة تحولت مشاعري المتوترة إلى نمر او أسد يريد أن
يفترس ما أمامه , حتى لو كان غير مرئي , تجمعنا في
غرفة عمر ولا يزال مؤمن ينظف المطبخ , فسألتهم .

- ها ؟ حاسين بياه ؟ كنتوا مش مصدقين , حتى في
المستشفى مكتوش مصدقين , اشمعنا انا الوحيد اللي
شايل الهم ؟ قولتلكم على موضوع فرعون , العطسة ,
والراجل اللي ظهرلي ومحدش إهتم .

نفى نور .

- والله ما أعرف موضوع العطسة ده !

سردت له ما حدث , أبدى اندهاشاً غير مصطنع وقال

- كل ده حصل من ساعة ما روحنا للراجل ده .

رد عمر .

- حسبي الله ونعم الوكيل في كل اللي زيه .

جاء مؤمن سامعاً سيرته معترضاً.

- على فكرة الشيخ قالي لو حصلت حاجة تاني نكبه

.

جاء الرفض من الجميع .

- لا يا مؤمن كفاية بقى , احنا حصلنا كثير ومش

ناقصين .

- الحل دلوقتي يا نور في الشيخ صابر .

أجبتة غاضباً .

- لا , قولنا لا يا مؤمن يعني لا !

لم يرد وتركنا وذهب لغرفته , بدأ الخوف يخيم على أفكارنا

ويسيطر على طريقة تفكيرنا , بدءاً من هذه الأيام لم

نستطع أن نتجاهل ، ما حدث وما يحدث ، وما سوف يحدث بالتأكيد ، حاولت أن أتذكر خالد الحقيقي ، خالد الآخر الذي يعيش بداخلي ، لن استسلم أبداً ، مرت هذه الليلة ، دون أحداث مرة أخرى.

أدركت الصباح الباهت أو هكذا كنت أراه ، تأرحت روحي بين اليأس والمقاومة ، لكنني في هذا الصباح كنت أتعامل مع كل الأمور بياس ، تحولت شخصيتي إلى شخصية أخرى بعيدة عني ، فقط أقاوم رغبتني في ترك كل شيء والعودة لقنا ، إنها أيام فارقة في السنة الدراسية وربما في عمري كله ، قررت أن أتخلص من كل هذه المشاعر السلبية وأستعين بالله على قضاء أموري.

قهوة باردة في الغرفة , القهوة التي تصنعها بالماء والبن
والسكر ليست قهوة , ليس إلا شراباً يساعد أجفانك على
عدم الانزلاق إلى الأسفل فقط , القهوة الحقيقية لها
طقوس خاصة , أحب تلك اللحظات التي أتأملها في
انتظار على نار هادئة إلى أن تقترب من الفوران فأرفعها
في عشق , إحساس حُرمت منه , والآن لا بد من
احتساء هذا الشراب السخيف بدلاً من ذلك المشروب
الرائع بينما أستعد للذهاب للجامعة في هذا الوقت المبكر ,
لا بد أن أذاكر وأحاول تحصيل ما فاتني , ذهبت إلى
الجامعة شاردًا كالعادة , غير مبالي بتعليقات زملائي , لا
أتحدث إلى أحد , فقط إجابات قصيرة غير شافية , لم
يعتد زملائي على هذه الشخصية العجيبة , انتهت
المحاضرة وخرجت أول طالب من القاعة دون أن أنطق

بكلمة ، أسرع للهنزل وجدت عمر يذاكر ، لم أهتم ،
ذهبت لغرفتي كأني صنم متحرك ، بعد قليل جاء عمر
يطرق باب غرفتي .

- في ناس عاوزينك برة يا خالد.

خرجت لأرى زملائي بالجامعة ، مصطفى .. أرميا
وآخرين ، مصطفى شاب نعرفه بحسن خلقه وهدوئه
وخفة دمه ، أرميا من أقرب الزملاء وأكثرهم ودًا لي ،
جلسوا بغرفة الاستقبال ، فذهبت لأستضيفهم ، جلست
على إحدى الكراسي البلاستيك الموجودة بالقرب من
التليفزيون .

- ازيكم يا شباب ، عاملين ايه ؟

تحدث أرميا باهتمام وطيبة .

- إحنا جاينين مخصوص وراك عشان نعرف مالك

؟

- أبداً ولا حاجة , بس بقالي فترة بذاكر ومش بنام

.

جاء صوت مصطفى معترضاً .

- لا يا خالد , شكك باين , عينك طالعة لبرة

ووشك شكله متغير وصعب , وخاسس جداً ,

وبصراحة إحنا قلقانين عليك لينا فترة .

نظر إليه أرميا في تأنيب دون ان ينطق بكلمة , فأردت

طمأنتهم .

- متقلقوش , بصراحة عندي مشاكل في البيت

• بس

- طب قول يا خالد , احنا اخوات , فضفض •

قالها أرميا بصدق لمس قلبي •

- انشاءالله كل حاجة هتكون كويسة •

ظل أرميا ينظر إلى جدران الشقة وكأنه يتفحصها ,
يترسم على وجهه علامات غير مريحة , باقي الشباب
ينظرون إلى متشككين فيما أقول , أجبت أسئلتهم بجمل
قصيرة تفي بالغرض , فأنا لا أريد التحدث أكثر من
هذا • أردف أرميا في عفوية •

- انت بس خليك جدع وامشي من الشقة دي •

جاءت جملة أرميا في غير محلها , إنها المرة الأولى التي يزورني بها , ما باله يتفحص الجدران هكذا ؟

- ليه بتقول كدة ؟

تلعم أرميا وقال .

- يعني , بعيدة ومش حلوة .

- هروح فين يا أرميا ؟ دلوقتي صعب ألاقي شقق

تاني نتأجر والامتحانات على الأبواب خلاص .

وقف فجأة وقال في عجلة .

- طيب خد بالك من نفسك يا خالد , يلا يا

شباب عشان متأخرش .

سلمت وذهب الشباب كل إلى وجهته , كُنت على
يقين بأن جلسة نميمة بريئة سوف تتعقد فور خروجهم ,
وقد كان , فور وصول مصطفى إلى منزله هاتفي .

- ألو

- أيوة يا خالد , إيه يا بني مالك ؟

- مفيش يا مصطفى , مرهق بس شوية .

- بقولك إيه , الواد أرميا أول ما خرجنا من عندك

قال : يا ساتر إيه الشقة اللي قاعد فيها خالد دي !

شقة كدة تقبض القلب , أنا مش عارف هو

قاعد فيها إزاي , طول ما احنا قاعدين خيالات

رايحة و جاية .

- يا سلام , وبعدين ؟

- بس ده اللي حصل ! .

انتهت المكالمة بيننا بدون تفسير او تعليق مني او منه ,
فقط بعض الاسئلة والكثير من (خلي بالك من
نفسك) .. حينها قررت للمرة الألف أن أسيطر على
خوفي وامحي كلمة (خوف) من قاموسي , على الأقل
حتى تنتهي فترة الامتحانات بسلام , لجأت لصنع نفس
المشروب الكريه شبيه القهوة في غرفتي كي أذاكر ,
وبدأت رحلتي مع الملخصات والمراجع والكتب في
هذه الليلة .

في هذا المرحلة تحديداً كانت الصلاة في حد ذاتها عملاً
من أصعب ما يكون , ليس على قلبي ولكن ما يسبق
الصلاة , الوضوء , كان الوضوء من أصعب الأشياء ,

بعد ما أقرر تبدأ رحلة الشد والجذب , وكأنني أشعر بأن
يادي سُلت , وفي بعض الأحيان أقف أمام الحوض
وكان أحداً يشد يدي لمنعها من أن تدخل تحت الماء ,
لا يستطيع إكمال وضوئه , رأيته وهو يعافر لكي يرفع
رجله أثناء الوضوء , ذهبت إليه لأنني على علم بما يمر به
فساعدته , إلى أن قرر أن يتوضأ في البانيو , فيترك المياه
تنساب على يديه وأرجله من شدة الألم .

ذهب كل منا إلى غرفته يصلي , كنت أصلي وكان
شيئاً يمسك برقبتي أثناء الركوع والسجود , فلا أتففس ,
أرجلي ثقيلة كأنها مثبتة بحديد , لم أهتم وظللت أركع
وأسجد في إصرار وتعب شديد , ثم جاء وقت الاستذكار
الذي أتمناه حقاً .

كانت لنا عادة كُلُّها احتاج أحدها شيئاً من الآخر أن يتصل به ، فيعرف الأخير أن المتصل ربما يريد شيئاً ، فيذهب لغرفته ، بدأت أذاكر فرن هاتفي ، وكان عمر المتصل ، ذهبت إلى غرفته فوجدته يتحدث في هاتفه المحمول ! سألته .

- ايه يا عمر عايز ايه ؟

قطع مكالمته لثوان .

- ايه يا خالد في ايه ؟

- رنيت عليا !

- لا أنا مرنيتش !

- لأ , انت رنيت عليا حالاً .
- يا خالد أنا بتكلم في الموبايل قدامك , ازاي رنيت عليك ؟

نظرت إلى هاتفي لأتحقق من قواي العقلية , برغم تأكدي من اتصاله بي , فلم أجد إسمه في سجل المكالمات التي لم يرد عليها ! بدأت التثكك في نفسي , لكنني استعدت ثقتي بنفسي في لحظات وأردفت .

- علي فكرة الموبايلات كان فيها حاجة .

ضحك عمر قائلاً .

- وايه بقي علاقة العفاريت بالتكنولوجيا ؟

ذهبت إلى غرفتي من جديد , يصاحبني إحساس
الرعب الذي اعتدته منذ فترة ليست بعيدة , لكنها تمر
مرور السنين , أعتقد غرفتي الأكثر أماناً من باقي الشقة
الملعونة , أو ربما كان عقلي الباطن يطمئني , وجود
شباك بالغرفة يطل على الشارع وسماع أصوات المارة
يعطيني احساس مؤقت بالأمان , فتح عمر باب غرفتي
بعصبية .

- ها يا زفت عاوزايه ؟

- في إيه ؟

- رنيت عليا !

- لأ ما رنيتش عليك ! مفيش مكالمات صادرة

أهو .

- ذهب عمر ليتحقق من هاتفه , لم يجد إسمي في المكالمات الفائتة , جاء مرة أخرى مذهولاً.
- معقول يكون في حاجة في الموبايلات كان ؟
- ها ؟ ايه الأخبار دلوقتي ؟ صدقتني ؟
- طب تعالى نشوف الباقيين واخدين جنب مننا ليه ؟

ذهبنا إلى غرفة نور ومؤمن وقصصنا عليهم ما حدث ,
صاح نور بعفوية .

- ايه ده واحنا كان !

نظر إليه مؤمن في تهديد .

- واحنا إيه ؟

تغير وجه نور وهو يقول .

- لا ولا حاجة , بقولكم ايه , انا مش طايق أقعد
في الشقة دي , أنا هرجع البلد .

لم أعيرهم أي انتباه وتركتم متجهاً لغرفتي بينما طوال
الليل أستقبل المكالمات الوهمية من عمر , كنت أعلم أنه
ليس المتصل وكنت أرى أن اسمها غير موجود في سجل
المكالمات الفائتة وكنت أبكي وأناجي الله أن ينقذنا مما
نحن فيه .

جاء صوت أذان الفجر وهدأت جميع المخلوقات ,
توضأت في الغرفة بزجاجات المياه المعدنية , لم أجرؤ على
مغادرة الغرفة , عندما تذهب حيث تشاء وقتما تشاء
دون تفكير او خوف , عليك أن تحمد الله على ذلك ,

صليت وجلست أقرأ القرآن , ونسيت معنى كلمة
مذاكرة من الأصل , قرأت سورة البقرة كاملة ,
أوشكت المياه المعدنية على النفاذ ففتحت الباب
لأذهب إلى الحمام لأجدد وضوئي , ويبدو أن الباقيين
يريدون أن يجددوا وضوئهم كذلك , الجميع يلجأ للخالق ,
ملاحظهم تُعلن أن النوم لم يكن زائراً , توجد علامات
استفهام وأسئلة في عيني , توضأ مؤمن ونور سويًا ثم
جاء دوري انا وعمر , تملكني روح الشجاعة والمقاومة ,
فطلبت منه أن يبدأ وسأنتظره بالخارج , كنت أشعر
بالامان المؤقت عندما نكون على مقربة ببعض , توضأ
عمر ثم جاء دوري لينتظرنى هو بالخارج فلم نكن نغلق
باب الحمام بأي حال من الأحوال !

فتحت الصنبور فوجدت المياه شديدة السخونة حتى انها
أحرقت يدي و فجأة تحولت جليد من شدة برودتها ! لم
يكن سخان المياه هكذا يوماً , كلما أدخلت يدي تحت
المياه الجارية أشعر بيدٍ قوية تشدها بعيد , كنت أصرخ
من الألم.

انتبه عمر بالخارج وكأنه شعر بنفس الشيء ثم قال
بصوتٍ عالٍ .

- معلى يا خالد , استحمل شوية , وانا كان حد

بيشد رجلي وإيدي جامد !

فجأة انتظمت المياه على درجة حرارة معتدلة وخفت
حركة الأيدي والأرجل فتوضأت بنخفة , كل شيء
طبيعي ! غسلت وجهي بيدي ونظرت للمرأة , من هذا

الذي أراه ؟ ما هذا الإرهاق ؟ ما هذه الهالات
السوداء المحيطة بعيني ؟ مرات ومرات أغسل وجهي
لعل هذه الهالات ترحل عن وجهي , مرة أخيرة أغسل
وجهي بيدي الاثنتين ناشداً إسترخاء لا أجده , أنظر في
المرآة مرة أخرى لأجد خلفي فتاة مرعبة وشعرها
ينسال على وجهها ثم رفعت وجهها لأراها , نعم هذه
هي الفتاة التي رأيتها في الغرفة منذ فترة ! لم أصدق ما
أرى , اتسعت عيني عن أخرهما حتى أوشكت على
الانفجار , أغمضت عيني وغسلت وجهي ثم نظرت
للمرآة , فلم أجد شيئاً , غسلت وجهي مرة أخيرة فوجمت

الفتاة تقترب مني بهدوء وعلى وجهها علامات الغضب ,
ومع اقترابها الشديد مني بدأت تتحول ملامحها إلى رجل
, مفتول العضلات , مصاب بقوة في مقدمة رأسه ,
يرتدي ملابس فرعونية , ويقترب أكثر حتى أمسك
برأسي من الخلف ودفعتني ناحية المرأة التي تهشمت
وكسرت لقطع صغيرة نتيجة ارتطامي بها وسقطت فاقدًا
للوعي غارقاً في دمي .

- خالد ؟ يا خالد قوم !

عدت لوعي مرة أخرى فوجدت عمري يوقظني وأنا ساقط
على أرضية الحمام بدأت أنظر يميني ويساري ولا أثار
للدماء التي رأيتها منذ قليل , قلت في رعب وخوف .

- فرعون يا عمر ! فرعون خبطني في المرآة
واتكسرت .

- فوق يا خالد المرآة سليمة قدامك أهو , قوم
واستعيز بالله من اللي عمل فيك كدة وخلاك
نتوهم .

نظرت للمرآة فوجدتها بالفعل سليمة بلا أي خدش ,
أستعدت بالله من الشيطان الرجيم وخرت من الحمام
متجهاً لغرفتي وقررت أنني ساكمل وضوئي بعد ذلك
بزجاجات المياه المعدنية , ولا وضوء مرة أخرى في
الحمام .

كُنت قد عودت نفسي قبل أن أدخل البيت أن أقرأ
آية الكرسي والمعوذتين وبعض الأذكار , يساورني الشك
والهموم في كل مرة أدخل فيها الشقة لما لاقيته فيها ,
وما سوف ألاقه , ام ستنتهي هذه الخزعبلات قريباً ؟
أدركت أن الشعور بالأمان نعمة كبيرة لا تقدر بثمن ,
كان مؤمن متعباً يعاني من هبوط شديد وقد استنزفته
في غرفتي , سندت رأسه على وسادة وأخذت أسقيه
من عصائر , خرجت لغرفة الاستقبال وفتحت
التليفزيون , رقم قناة القرآن الكريم أحفظه عن ظهر
قلب , استمعت لأول آيتين من سورة (ياسين)
واتجهت مرة أخرى لغرفتي , أتوضأ فيها كالعادة , أنهيت
صلاتي بصعوبة بعد الشد وانلخق الذي كنت أشعر به

كلما سجدت وركعت وذهبت لأنام , تأكدت أن مؤمن
غلبه النوم فبدأت أغمض عيني استعداداً لنوم غير
مُحتمل , هنا دق عمر على الباب .

- مش فاتح قرآن ليه في الصلاة ؟

قمت من مكاني بفزع , فعرف عمر جوابي على الفور .

- انا كنت فاتحه ! هو قفل ؟ قفل يا عمر ؟

- خلاص خلاص وطي صوتك عشان مؤمن

ميصحاش .

وكالعادة أخفق النوم في العثور على جفون يلاقيها , اخذ
التوتر يزيد من حدته معي , أخذت أردد الاستغفار
ويبدو أن صوتي كان عالياً فأيقظ مؤمن .

- مالك يا خالد ؟

- القرآن اللي برة طفى لوحده .

قام وسند ظهره على الوسادة وارتسمت على وجهه
ملاح القلق .

- يا شيخه انت مش عارف التليفزيون بتاعنا يعني
؟ ده صيني متخافش كده .

لم أعلق على ما قاله وأراد عقلي أن يصدق ما يقوله
مؤمن , كما أحسست بالذنب تجاهه وهو المريض الذي
لا يقوى على الكلام , أعطيته ملاح الموافقة فرجع مرة
أخرى إلى وضعية النوم .

وضعت خاتمي الذي أرتديه دائماً بجانبني على الكومود
ورحت في سباتٍ عميقٍ ، ليلتها لم يفارقني وجه صابر
الذجال أبداً ولكني تغلبت على مخاوفي ونمت .

وجدت عمر نائماً عند أرجل مؤمن ، يبدو أن الخوف
كان يمتلكه هو الآخر نفاق أن ينام وحيداً ، قُت
لأتفقد الصندوق ، نظرت له وتحسسته كأنني أراه للمرة
الأولى ، جلبت ملاءة من دولابي وغطيته حرصاً على
قيمته ، او خوفاً من بطشه ، لا أعلم .

دق جرس الباب فأسرعت إليه ، فتحته فوجدت نور
أمامي ، دخل محملاً بنظرة برود غير مُحتملة ، يحمل في
يديه شنطة بلاستيكية تفوح منها رائحة طعام شهية .

- إزيكم يا جماعة , عاملين ايه ؟ والله ماعرفتش

أنام من القلق امبارح .

أجبتة في استهزاء .

- لا ما هو واضح .

- والله كنت قلقان جداً , بس انت عارف اني

مقدرش أقعد وحدي في الشقة .

- واكتشفت دلوقتي انك متقدرش تقعد فيها

لوحدك ؟

نظر إلى دون أن يجيب على سؤالي , ثم دخل ليرى

مؤمن وعمر وصاح بصوت عالٍ .

- يلا يا رجالة , جيبتلکم فول وطعمية .

استيقظ مؤمن وعمر على صوته , كان جسد مؤمن المريض يحتاج أن يتغذى بشدة , قام مؤمن من مكانه وأسندة عمر على وسادة , أفسح نور مساحة على السرير ليضع الإفطار لنا كل جمعياً , اخذ مؤمن يأكل ويعاتب نور بنظراته , لم يهتم عمر بما يحدث واخذ يأكل بنهم , بينما أفرغتشدة غيظي في الأكل , امضغ الطعام وأنظر لنور في غيظ غير مستتر , بينما أنني طعامي ومع آخر قزمة , تنبته أنني أرى شيئاً في يدي , تسمرت يدي للحظة وقررت أن أنظر ما هذا فوجدته خاتمي ! انلتام الذي وضعته على الكومود ليلة أمس قبل أن أنام أرتديه في يدي الآن دون أن ألمسه أو أتظر إليه مرة واحدة ! نظرت للشباب في صمت وترقب , لاحظني عمر فسأل .

- في ايه يا خالد ؟
- لا لا لا , أنا مش قادر أعيش هنا , مش هقدر
 كدة , الخاتم انا قالعه امبارح وحاطه على
 الكومود , ايه اللي جابه في ايدي ؟ ايه ده حد
 يفهمني ؟

فقدت أعصابي وأمسكت بالخاتم وألقيته بغضب بعيداً ,
 أمسكت هاتفي وبدأت أبحث عن رقم صاحب وصلة
 الدش .

- ألو , حضرتك بتاع الوصلات والدش , إحنا من
 فترة قولناللك تركبنا وصلة و
- فاركك يا أستاذ , خير ؟
- ممكن تيجي هنا عشان تظبطلنا وصلة الدش ؟

- بس انا مغيرتش قنوات ولا أي حاجة !
- لا ما هي كل القنوات شغالة ما عدا قنوات
القرآن .

- حاضر يا أستاذ , مسافة اللسكة وأكون عندك .
ثم أغلق المكالمة ونهضت لانتظره بشدة في الخارج , لم
يتأخر كثيراً فسمعنا صوت جرس الباب فنهضت لأفتحه
.

- اتفضل .

أمسك بالريموت وبدأ يُقلب في القنوات وبدأ على وجهه
نظرة غريبة .

- قنوات القرآن شغالة أهي يا أستاذ !

- طيب خلاص لو حصلت حاجة تاني هنكلمك .

نظر لي نظرة غضب ونهض ورحل وأغلقت الباب وراه , بينما جلست في غرفة الاستقبال في عصبية وترقب شديد , رأيت نور يستند إلى مؤمن متجهين لغرفتهما , دخل عمر إلى غرفته .

لم أبالي بأى منهم , ما يشغلني هو تعاملي مع المرئيين , أترى خوفنا وعجزنا مع الجن يأتي من التخفي ؟ إنه التخفي بلا أدني شك الذي يعطيهم القوة والرغبة , لكن ماذا لو رأيناهم , هل تزول الرغبة وينحى الخوف ؟

- انت مش رايح الجامعة يا خالد ؟

كان هذا صوت عمر وهو يقف على عتبة غرفته .

أجبتّه وأنا أنظر للتلفاز .

- هروح , مش قادر أقعد في البيت أكثر من كدة
ولما هرجع هلم شنطتي وهرجع البلد , عاوز تيجي
معايا تعالى .

نهضت غير مبالياً بما سيحيب وذهبت إلى غرفتي
لأرتدي ملابسي .

مر اليوم ببطءٍ شديد , لم أرى ليلي اليوم وهو ما جعل
اليوم يُصبح مملاً أكثر فأكثر , قابلت صديقي معاذ وهو
أحد أصدقائي في الدفعة وكان قريباً مني مثل مصطفى
وأرميا , ألقى السلام وبدأ يتحدث معي .

- ليا كثير مشوفتكش يا خالد ! خير ؟ انت

كويس ؟

- الحمد لله .

- مال عينك ليه تعبانة كدة ؟ وشكلك مرهق

وتعبان جداً !

- شوية مشاكل كدة وهتخلص يا معاذ صدقني .

لم يصدق أي كلمة أقولها فأكل .

- بيني وبينك , الشباب كانوا بيتكلموا عليك الفترة

اللي فاتت , انت متأكد ان مش الشقة اللي قاعد

فيها السبب ؟

نظرت له بغضب .

- لا مش الشقة ومعلش عن إذتك يا معاذ عشان
مسافر وورايا قطر لازم ألحقه .

تركته ورحلت , كنت غاضباً للغاية , لا أنكر أنني قد
توقعت بعض النيمة الخفيفة ولكن ما هذا ! بعد ذلك
سأصبح حديث الجامعة بأكلها ! استقلت سيارة أجرة
ورحلت للمنزل .

بالتأكيد الحظ الآن يعاندي ويقف في وجهي , زحام
شديد , موعد القطار قد فات ولا أعلم ماذا سأفعل الآن
, هاتفني عمر ليسألني عن سبب تأخيري فأجبتة بعصبية
شديدة عن الزحام فطلب مني تأجيل السفر حتى الغد ,
استسلمت للأمر الواقع , سأسافر غداً , انتهت الزحام

أخيراً بعد مدة لم أحسبها , وصلت المنزل وكان نور
يشاهد التلفاز بينما يجلس مؤمن مرهقاً ولازال سقيماً ,
ألقيت السلام فسألني نور .

- انت ماشي بكرة ؟

- اه , مش قادر أستحمل أقعد في الشقة دي
أكثر من كدة .

تركتهم ودخلت لغرفتي , كانت الساعة قد وصلت
الحادية عشر مساء , تركت باب الغرفة مُوارباً وأغلقت
نورها , بينما كان نور غرفة الاستقبال ضارباً أشعة في
غرفتي , سمعت قبلها نور ومؤمن يدخلون غرفتهم وفتحوا
التلفاز على القرآن , بعدها بدقائق كنت أسمع القرآن
يُفتح ويُغلق في التلفزيون من تلقاء نفسه , وكأن أحداً

يستفزني أو يفتعل مشاجرة ، أو يُعلن عن وجوده ،
فأريني ماذا انت بفاعل ، افتعلت البرود حتى يمل ،
لكنه لم يمل .

فتحت نور الغرفة من جديد وأحضرت شنطة صغيرة
وضعت فيها فيها بعض الملابس الثقيلة فغداً سوف أسافر
قنا لا محالة ، أغلقت نور غرفتي مرة ثانية وفتحت شباك
غرفتي كي أشعر بونس الشارع رغم هدوئه إلا من عابر
أو اثنين كل دقائق معدودة .

وفجأة توقف صوت القرآن تماماً وسمعت صوت المطبخ
المُعتاد ، أحد ما يبحث عن أدوات المطبخ في صوتٍ
عالٍ ، صوت التلاجة يُفتح ، صوت أحد الأيكاس ،
واخيراً صوت الخلاط المزيج معلناً وصوله لأذان الجميع ،

هذا الفيلم السخيف لن ينتهي , لكن سوف أنهيه غداً
مع عودتي لقنا .

تمددت على سريري على الضوء الخافت القادم من
الخارج , فرأيت خيالاً أسود يقوم ويتشكل من الأرض
إلى أن أصبح رجلاً نحيف وطويل جداً يقف عند ركن
الغرفة , أخذت أفرك عيني فرأيتته محمداً بقوة , رأسه
تنظر باتجاه الغرفة ثم إلتفت نحوي لثوانٍ واتجه خارجاً
من باب الغرفة الموارب دون فتحه ونفذ منه للخارج ,
أحسست قلبي قد عجز عن الخفقان وأني أمر بحالة لا
وعي , أو هذيان فهذا الذي أراه مستحيلًا , ثم أقنعت
نفسي أنه شيئاً من الهذيان .

بعد دقائق قليلة جاءني صوت شيء مثل العصا يضرب الأرض وصوت خطوات بالخارج منتظمة , بالتأكيد ليس مؤمن , أم ماذا ؟ استجمعت ما تبقي من قوة وخرجت لأرى من من الشباب يمشي هكذا ! نور ومؤمن في غرفتهم وعمر بغرفته لازال يتشاجر مع أحد أصدقائه في الهاتف .

دخلت غرفتي وأغلقت بابي , ونظرت من مكان المفتاح , انضم صوت آخر , يبدو أنه كان يطارد الآخر , اقترب , ظل نحو غرفتي , صوت ضحكة لامرأة ! ضحكة عالية , وبقأة سكتت الأصوات كلها وأظلم مكان المفتاح , إنهم بالخارج , أمام باب غرفتي مباشرة!

كتمت أنفاسي من شدة الخوف ولم أستطع الوقوف
أكثر من هذا ولكن جسدي التصق بالباب , كنت من
شدة الرعب من أن أتركه فيدخل أو تدخل وكأن
الباب هو المانع وقد رأيت بعيني من نفذ منه منذ قليل ؟
كان حقيقياً ولم يكن هدياناً !

تذكرت حديث مؤمن الأخير فرددت بصوت يريد أن
يعلو (الله وأكبر .. الله وأكبر) فبدأ صوت المرأة
يذهب بعيداً وبدأ النور يأتي تدريجياً من مكان مفتاح
باب الغرفة , ثم سمعت صوت المرأة تتجول بكل حرية
في غرفة الاستقبال والمطبخ , تبيء وتذهب كيفما
تشاء , ظلت أنظر من مكان المفتاح فلم أستطيع تحديد
شكله أو شكلها , فقط خيالات تمر , وصوت الأرجل ,

رجل وامرأة , تارة تقف وتارة يلاحقها الرجل , صوت ضحكات عالٍ وخافت , مرت الدقائق كالسنوات ثم اقترب الصوت مرة ثانية , واختفى النور تدريجياً إلى ان وقف أمام باب الغرفة مرة أخرى , فتذكرت مؤمن وكيف أن آية الكرسي تحرقهم , بدأت أقرأها بصوت عالٍ .

(بسم الله الرحمن الرحيم .. الله .. الله .. الله) ماذا حدث لي ؟ لقد نسيتها ! كيف أنساها ؟ (بسم الله الرحمن الرحيم .. الله لا إله .. الله .. الله) لا أستطيع أن أتذكرها ! يعلو صوت الضحكات , ماذا أفعل الآن (الله أكبر .. الله أكبر) تجري المرأة مسرعةً للخارج ويأتيني النور وتسكت الضحكات , أصمت فيأتييني

الصوت والظل تدريجياً مقترباً . (الله أكبر .. الله أكبر)
(, فيجري الصوت مرة أخرى مبتعداً , ثم اقترب مرة
أخرى الصوت وهب هواء بارد فجأة نحو الباب كأنه
يدفعه ! عندها عرفت اني هالك لا محالة .

تذكرت حديث مؤمن للمرة الثالثة (لو حد طلعك
ناديني) كان الهاتف قريب مني لحسن حظي فأخذته ,
بينما أقلب في الأرقام اتاني الصوت مسرعاً هذه المرة
فرددت الشهادة في تلعم وهكذا كلما أفكر في الاتصال
بمؤمن يأتي الصوت سريعاً .

اتصلت بعمر أخيراً .

- ألو .. عمر .. تعالى بسرعة بسرعة .

لم أعطه فرصة للرد , أغلقت النخط وأنا أردد الشهادة في
تلعلم , جاء إلى عمر وقد غطى وجهه الغضب , أتى عمر
في أقل من دقيقتين وكان من الواضح أنه لم يمر بما أمر به
الآن .

- عمر .. شكلهم جاين عندي الأوضة .

- إيه ؟ ايين عندك الأوضة ؟ انت عامل كدة ليه
؟

- مش هحكك , اسمع انت بنفسك .

مرت ربع ساعة دون أن يأتي أحداً , لكن صوت
خطوت المرأة والضحكات بدأت تعلق مرة أخرى
من جديد , بدأ عمر بتريد (يا ساتر يارب .. يا ساتر
يارب) , كان وجهي يغطيه عرقاً يكفي لملأ غرفة

بأكملها , حاولت جاهداً أن أقرأ آية الكرسي لكن
حالي كانت في تدهور مستمر .

- اسمها إيه يا عمر الآية اللي كنت بقراها ؟ اسمها
إيه بسرعة ؟

لم يجيبني فقد كان منشغلاً بترديد (يا ساتر يارب ..
الله وأكبر) وجفاة وأنا أحدثه رأيتني أرتمي الخاتم
الذي ألقيته بعيداً ولم أجده بعدها , شعرت اني إعتدت
بعض الأمور التي كنت أخافها سابقاً , ربما فقدت شيئاً
من الخوف , فقدت جزء من إحساسي وربما عقلي ,
نظرت للخاتم وقلت في هيستيريا .

- أهلاً أهلاً , شرفت , كنت هشيل همك لو
مشيت ونسيتك .

علق عمر في تعجب .

- بس يا ظريف مش وقتك خالص .

كان عمر يقف ملتصقاً بالباب مثلي تماماً ينصت تارة
وينظر من مكان مفتاح الباب مرة أخرى , لكن
وجوده بجاني أعطاني شيئاً من الطمأنينة , ينصت مرة
أخرى ثم زفر نفساً عميق .

- بقولك إيه .

- إيه ؟

- الصوت راح .

(7)

عودة الحياة

لا أعرف كم من الوقت مضى ليلتها ليأتي الصباح ,
فقط استمرت بالدعاء (يارب طلع نورك .. يارب طلع
الصبح) إلى أن جائي صوت أذان الفجر عذباً شافياً ,
لكن ما زلت لا أجرؤ على الخروج في هذه العتمة لا أن
أنتظر النور , عندما وجدت نور يحمل حقيقته , وعمر
يحضر باقي الأشياء المهمة التي سوف يأخذها هو الآخر ,
سبقت كلمات نور .

- أنا هروح عند قرايبي

عقب مؤمن بملاح تكسوها الهزال والإرهاق .

- أنا كمان هروح عشان محتاج راحة وغذا .

ارتديت ملابسي في عجلة بعد أن رتبت الصندوق الخشبي
بما فيه وما استطعت أن أحمله من حاجياتي بجانب باب
الشقة , وذهبت أخيراً إلى موقف تجتمع فيه أصناف
السيارات الأجرة فلن أحتمل أن أنتظر ميعاد القطار ,
لا أحبذ ركوب الميكروباص العادي لما أراه من
حوادث يومية على الطريق , سوف أبحث عن سيارة
أجرة مخصوص تقلني انا وعمر للقاهرة لكثرة ما نحملة من
أمتعة لكنني لم أجد بعد عدة محاولات .

قررنا قرار أخير , الذهاب للمحطة , كانت وصلت
للساعة الحادية عشر صباحاً , وصلنا وانتظرنا بضعة
ساعات حتى وصل القطار .

ركبنا القطار أخيراً وتعاهدنا أننا لن نخبر أهلنا بما حدث
، وسوف نذهب سوياً لشيخ نعرفه من قنا موثوق به .

وصلت البيت في المساء ، كانت جدتي تلازم أمي في
فترة الحداد على أبي في هذه الأثناء ، فتحت جدتي
الباب ، دققت النظر لتعرف من الطارق ، استبينت
حفيدها ففزعت ، من نظرتها أدركت أنني قد تبذلت ،
فلم أعد أذكر على أي شكل كنت قبل ذلك ، فقدت
عشر كيلو جرامات في عشر أيام فقط ! وجهي مصبوع
باللون الأصفر والأسود معاً ، لم أستحم منذ أن إحتدت
الأحداث بالشقة ، لم أكن أجرؤ أن أفعلها ، عيناى

زائعتان شاردتان طوال الوقت , لم أكن أعير أي شيء
أي انتباه .

نظرت جدتي في لهفة وقالت بلهجة صعيدية أصيلة .

- إيه يا واد يا خالد مالك ؟ وإيه اللي جابك دلوقتي
؟ وإيه الصندوق اللي شايله ده ؟

لم أجيب تساؤلاتها , كنت في شدة الإرهاق وما
أحتاجه حقاً الآن هو النوم , استيقظت أمي وفارس
على صوتها , ألقيت سلاماً بارداً ونظر إلى فارس
وكانه يتفحص شخصاً غريباً عنه ثم أردف .

- شكك ...

- خاسس مش كدة ؟

- بصراحة شكلك زي ...

وصلت بيتي أخيراً ووصل القلق إليهم , لم ينامو ليلتها ,
يأتيني صةت جدتي وهي تحث أُمي على معرفة ما لحق
بي من ضرر , انها على يقين أنني أصابني مكروه ما ,
ظلت تردد ما تقوله لأُمي .

- قومي شوفي ولدك , الواد مش عاجبني .

بعد أن تأملت غرفتي التي اشتقت لها كثيراً , دخلت
أُمي فجأة وأنا أبدل ملابسي فشهقت وصرخت .

- إيه يا واد انخرايش والكدمات اللي مالية

جسمك دي ؟ كأنك مضروب علقة ! وإيه

جانبك دلوقتي ؟ وشكلك عامل ليه كدة ؟

نظرت إليها في برود من شدة الإرهاق .

- مفيش !

استفد برود أعصابي أُمي فصنعتني على وجهي ودفعتني
للخلف في غيظ .

- انطق ! انت هتفضل طول عمرك كدة مجني !

كان فارس يعض على أصابعه في خوف وينظر لي ,
ولأول أحسست أن خوفه مني أنا , تركتني أُمي
وذهبت لجدتي , فعاد صوتها يُكرر الكلمات على أُمي .

- شوفتي ولدك ؟ إيه ياربي اللي يحصلنا ده ؟

رغم صعوبة الأيام وما مررت به , إلا أنني كنت في
سعادة غامرة هذه الليلة , أحسست بالأمان يغمرنني

وسط أهلي وبين أحضان جدران بيتي , ها أنا أدخل
الحمام لأستحم أخيراً , لكن ما هذه الكدمات التي رأتها
أمي ؟ نظرت في المرآة وتأملت جسدي , أرى الكثير
من الجروح والكدمات الحديثة وأثار جرح الخنجر في
صدري , وكأنني ضربت بسوط لأيام متتالية , متي
حدث لي هذا ؟ لم أرى هذه الكدمات والجروح على
جسدي بما أنني لم أستحم منذ أيام , لك كل العذريا
أمي , ولها كل الحق في قلقها فقد تفاجأت أنا مثلها تماماً
, انتهيت من الاستحمام في ساعة , وقفت تحت المياه
وأغمضت عيني في سلام .

لا أصدق يقيناً أنني الآن في بيتي , لعلني أحلم ؟ سوف
نرى , فقط ليتم يكفوا عن الأسئلة الليلة , أريد أن أنام

, أريد أن أغلق عيني دون قلق , هل هذا الأمر
بالعسير؟ أخذتني نفسي بعيداً متسائلة : (ياه .. أخيراً
أنا في بيتنا ؟ لا هيجي صوت الست ولا الصور
هتقلب ولا صور هترسم , وناس نتقلب ناس تانية ,
ولا الخاتم هيجي في إيدي ولا صوت الخلاط يشتغل ,
الحمد لله , دي أول خطوات التخلص من الأذى لئلا كان
العيب فيا , أو حتى لو كنت اتلبست او ممسوس , البيت
آمن وأنا جنب أهلي اللي ميعرفوش حاجة غير ربنا .)

خرجت من الغرفة فوجدت أمي تحاصر فارس بأسئلتها
في حين تردد الأخير (والله يا ماما ماعرفش !)
أمسكت أمي بهاتفها المحمول بعدها .

- ألو أيوة يا عمر؟ هو أنا مش هعرف ابني؟

صرخت غاضباً .

- إيه يا ماما بتكلمي الناس ليه ؟ عايزة تفضحيني ؟

في إيه ؟ مالي يعني ؟ لو سمحتوا إطلعوا برة عشان

عاوز أنام وتعبان مش فاضي للحوارات دي .

- مفيش نوم إلا لما تقولي مالك خاسس كدة ليه

وايه اللي في جسمك ده ؟

- مفيش يا ماما .

لم تقتنع أمي , نظرت في غضب وقلق وخرجت , كان

فارس ثابت على نظرة الخوف المتفجرة منه , كان ما

يشغلني وقتها هو شعوري بالأمان فقط , أريد أن أنام ,

نظرت إلى غرفتي وبيتي وكأنني في حلم , أخيراً تكلم

فارس ولكن بصوت ضعيف خافت .

- هوانت شكلك عامل كدة ليه ؟

نظرت إلى لإحدى المرايا المعلقة في الدولاب ، فوجدت وجهه يشبه الوجه الآدمي لونه أصفر ، يغطي عيني الجاحظتان من جميع الاتجاهات هالات سوداء ، عينين فيهم من الغموض المرعب ما يكفي لإثارة شكوك فارس وأمي وجدتي وأي انسان يراني ، أضف إلى ذلك آثار الضرب والخرايش المتناثرة بقوة وكثرة على جسدي ، جزعت من شكلي ، لكنني تجاوزت الامر من أجل ساعات نوم أتمناها بقوة .

استجديت النوم بعض أن أطفأ فارس نور الأباجورة لكنني لم أستطيع ، استمر عقلي يسألني (هو ممكن أكون

أنا السبب غني أجيالهم الحاجات دي البيت ؟)
جفلت عيني لدقائق فأتاني صوت جدتي عالياً .

- قومي يا بنتي شوفي إبنك , إنتِ هتامي وتسيبيه
كدة , إنتِ مسمعتيش كلامي من الاول , ليه
يتغرب ؟ حد يسبب التعليم الخاص ويروح تعليم
الحكومة ؟

كان حديث جدتي وأمي التي كان صوتها منخفضاً بحق
يدور حول شكهم أن ما حدث لي بسبب شيء كبير !
أردت أن أسرد لهم قصتي , آلام لا تتوقعونها ولا
تحسبون لها حسابات , وأخيراً علا صوت أمي باجياً .

- يعني أعمل إيه بس يا ماما ؟

- قومي جيبي ولدك هنا ويحكينا ماله , تلاقيه
إتخاقت خناقة كبيرة ومش عاوز يقولنا ولا عمل
مصيبة , خايفة يكون يبشرب مخدرات .
- استرها يارب .. استرها يارب

(استرها يارب) كانت آخر ما سمعته في هذه الليلة ,
وقدر لي أن أنام من الوقت عددًا من الساعات , قليلة
كانت أو كثيرة , لا أبالي , المهم أنني أستعيد إحساسي
بالأمان مرة أخرى الآن , أحمد الله اللطيف بعباده .

الساعة الثامنة صباح يوم جديد , قام فارس يصلي قبل
أن يذهب لعمله , جاءت أمي وجدتي وقاموا بفتح النور

وشباك الغرفة سوياً وأخذوا في إفاقتي بالقوة , تظاهرت
بالنوم ولكن باءت محاولاتي بالفشل .

استيقظت فوجدت جدتي تجلس مستندة على عصاها في
آخر السرير وأمي بجانبني صائحة .

- قوم إصحى قول مالك ؟

- ماليش .

- انطق قول يا خالد .

- ماليش .

نغزتي جدتي بالعصا بغيظ وصاحت هي الأخرى .

- إنطق يا خالد قول قامت قيامتك .

فاض بفارس فأتي إلينا .

- ما تقول يا خالد بقي .. ساكت ليه ؟

كنت أحترم وعدي لعمر ونحن في طريق عودتنا بعد التحدث بأي شيء ، لكنني استسلمت لإلحاح أمي وجدتي ، وتحفيز شقيقي للإفصاح ، فبدأت أقص عليهم ما حدث ، أحداث ليست متتابعة ، إنما شيئاً و شيئاً من هنا من الذاكرة المتاحة ، لم أكن أجروء على ذكر ذهابي إلى (صابر الدجال) لكنني ذكرت إنقطاعي عن الصلاة والذكر وقراءة القرآن ، تبدلت ملامح أمي تماماً ، ما تعرفه الآن أخطر مما تظن ، تجمد وجه أمي على ملامح اللا شيء وعيناها مفتوحتان على آخرها ، تنهمر اموعها في صمت كأنها شلال لا ينقطع ، بينما خلعت جدتي نظارتها من فوق أعينها وتركت عصاها جانباً وأخذت

تنظر لي في ذهول , ما إن انتهيت من حديثي حتى
جذبتني جدتي من ذراعي بقوة تجاه الحمام .

- اتوضى يا خالد , اتوضى .

دخلنا الحمام سوياً , فتحت جدتي النور , ثم فتحت
صنبور المياه وأخذت تمسح يديها في كل مكان في
جسدي بالماء في كل ركن من أركان الوضوء وهي
تسمي , إلى أن حان آخر أركان الوضوء الخاص
بالأرجل , فأحسست أن جسدي يستقر فوق جبلين لا
يطيعان إرادتي , راودتني ذكرياتي مع الوضوء في المنزل
فبكيت بصوت عالٍ , أجزم أنه أفزع أمي التي لازالت
تبكي في الخارج .

- مش قادر , رجلي مربوطين بحديد يا تيتة .

- استعِذ بالله وارفع رجلك يا بني , دول ماسكينك

قاومت لأرفع رجلي الثانية , نظرت إلى أمي التي كانت واقفة تبكي في صمت وذ هول , كأنها تحضر فيلم كئيب , جلست جدتي وأمي على لسير مهمومين , أقت الصلاة , انتهيت من الصلاة وسلمت , التفت إليهم فوجدت الرعب والدهشة فد ملأت وجوههم رعب و فزع !

ظلوا هكذا ذاهلين محذقين في وجهي , بحركة تلقائية لطمت على وجهها وهي تتفحص وجهي , بينما شعرت بأن جدتي خائفة من شيء في وجهي , استدرت ونظرت للمرأة , وجدت دماء تغطي وجهي كله!

دماء ذات رائحة نتنة , لم أصدق ما أرى , أخذت مناديل ورقية وأخذت أمسحه حتى أتمكن من رؤية

وجهي , وأحدد الاتجاه الذي يأتي منه ؟ بقيت أزيله في جنون حتى أعرف مصدره , ربما نزيف من أنفي , لكن اذا كان كذلك كيف وصلت إلى جهتي وجميع وجهي ؟ كيف سالت هذه الكمية الغزيرة , وما هذه الرائحة الكريهة , نظرت لسجادة الصلاة فلم أجد بقعة واحدة من الدماء , اذن فقد جاء في لحظات التسليم من الصلاة , هل هذا معقول ! صرخت أمي .

- قوم بسرعة اغسل النجاسة دي , ريحته وحشة .

أمسكت جدتي بهاتفها حينها .

- ألو , أيوة يا شيخ , تعالى الحقني , تعالى إلحق ابن

بت أختك , راكبه الجماعة , أيوة لابسينه , لا لا

مش بليل , تعالى دلوقتي , ده بينزل دم وتقبل
على الصلاة .

أنهت المكالمة مع الشيخ ثم نظرت لنا تطمئننا .

- خلاص الشيخ جاي دلوقتي .

حاولت أمي الاتصال بعمر فلم يجيبها , فاتصلت بأخواتها
الأكبر (منى) و (سارة) وقصت عليهم كل شيء .

تأخر الشيخ كثيراً على مواعده , فاتصلت به جدتي كثيراً
تحثه على أن يُعجل , ثم أدارت جهاز الكاسيت لنستمع
إلى سورة البقرة , أحسست بكهرباء تسري في أذني
وجسدي عند بدأ التلاوة , تؤلني بشدة , سددت أذني
في ظل مراقبة جدتي , صرخت فيهم .

- وطوا الصوت ده شوية !

- أهو اللي راكبك ده هو اللي مش عاوزك تسمعه

ولا تصلي , قاومه يا خالد .. قاومه .

كنت ممدد على فراشي , تجلس جدتي بجانب مسكة
بيدي طوال الوقت , تقرأ القرآن , للمرة الأولى في حياتي
لا أريد سماع القرآن , من شدة ألم الكهرباء التي
أحسستها في أذني وفي رأسي ! أبداً لم أصدق هذه
القصص من قبل , لم أفهم معنى لها , والآن أختبرها
بنفسي , تولت جدتي مهمة وضوئي عند كل صلاة , بعد
أن انتهت من صلاة المغرب مباشرة رن جرس الباب ,
فتحت أمي الباب ورحبت بالشيخ , ثم اتصلت بمنى

وسارة لهجيء مصطحبين عمر معهم , بعد دقائق حضر
الجميع , جلسوا جميعاً في صالة الاستقبال .

جلس الشيخ في المنتصف نحوه نحن من كل الجوانب
, جلست أمي أمامه بنفس حالة الصباح ذاهلة دامعة
صامتة , كنت أنظر إلى الجميع وأتجاوزها كي لا أزيد
إحساسي بالذنب , مني وجدتي وأنا نجلس في صف
واحد , وسارة على كرسي منفصل , بينما كان عمر
يجلس على يسار الشيخ , فكرت أن أبعث برسالة له كي
لا يبوح بقصة صابر ولا أي شيء يتعلق به , نظرت إلى
يديه فوجدته لا يحمل الهاتف فوجمت , لم يتحرك فارس
من غرفته , قطع صوت أمي الصمت .

- أهلاً يا شيخ .. دول بقي ...

قاطعها الشيخ .

- ثواني .

بدأ في قراءة سورة البقرة حتى انتمى من الجزء الأول
منها ثم نظر إلينا في عطف صادق .

- مالكم يا بابا ؟

أرادت أمي أن تتحدث نيابة عنا فقاطعها بركة وأشار لي .

- خليم هما يتكلموا .

بدأت أقص عليه القصة بإيجاز شديد , فإذا بوجه صابر
يطل من كل صورة فوق الشيخ , وبدأ لي أنني سرحت
وهو ما أزعج الشيخ , سألني في حزم .

- هو ده بس اللي حصل ؟

- آه ..

قد ملأني احساس بالذنب يحثني على الاعتراف بما فعلته
، حتى أشفى تماماً واحساس آخر خائف لا يريد أن يزيد
من حزن أمي ، أخذنا يتصارعان وأنا أنظر للنتيجة .

- متأكد ، مفيش حاجة تاني عملتها ؟

نظرت إليه متوقفاً عواقب انتصار إحساسي بالذنب ، لقد
أغضبت رب العالمين بلجوي لساحر مشعوذ ، وسفري
دون علم أهلي ، نعم لقد أخطأت ولا بد أن أتطهر الآن
وأصلح ما أفسدته ، فاعترفت باكياً .

- لأ مش هو ده اللي حصل بالظبط .

كان بكاء الخلاص كما أحسسته , بكاء غير متقطع ,
والجميع يرمقونني في تعجب وذهول , أكملت حديثي .

- بصراحة .. إحنا بعد اللي حصل ده , واحد معانا
قال نروح لواحد اسمه صابر .

ثم قصصت جميع الأحداث التي حاولت إخفائها , في
ظل هدوء ما قبل العاصفة , انتابت أمي الغضب
والدهشة .

- كده يا خالد ! تروح لدجالين ؟

هنا هاجت كل من منى وسارة يؤنباننا أنا وعمر , الذي
لازمه الصمت من أول الجلسة إلى آخرها .

- لو سمحتم مش كدة , اتفضلوا جوة الأوضة لو
سمحتم .

نهض الجميع إلى الغرفة باستثنائي أنا وعمر والشيخ , نظر
لنا في رأفة وأكل .

- قولولي يا شباب , لما الراجل صابر ده بدأ يقرا
حاجات في المطبخ وهو على الموبايل , كان
بيقول ايه ؟

- عمر .. فكري كدة .. أنا مش فاكر بجد !

رفض عمر الحديث تماماً ولم يجيب , فأردت مساعدته .

- يا عمر .. قولي إيه كان يحصلك !

نظر إلى عمر في حزن وأصر على صمته , حاول الشيخ
حثه على الكلام .

- وانت يا عمر , ايه اللي يحصلك ؟
- مفيش .
- قصة الساعة من امتي يا خالد ؟
- من شهر وكام يوم كدة , أنا ممكن أجيلك ثمرة
صاير ده لو عايز تسأل على حاجة .
- أعود بالله مالي أنا وماله !
- تسلت أمي وتسائلت في ترقب .
- هما كدة لبسهم الجن ؟
- أجاها الشيخ في أسى .

- من اللي يحكيه خالد , الولاد متبهدين خالص .

بدأت عيني تدمع ولم أرى أحداً من دموعي مع أذان
العشاء , قام الشيخ ليصلي ثم يُكَلِّم ما بدأناه , ذهبنا إلى
الغرفة بالداخل , يحدنا الصمت , بعد أن انتهى نادى
علينا وأكل معنا أو بمعنى أصح معي انا .

- انت عارف يا خالد عملت إيه ؟ انت عارف
وانت قاعد كدة منجس المكان حواليك ؟
عارف صلواتك مش محسوبة لقد إيه ؟ عارف
كدة ولا مش عارف ؟ استغفر ربنا يا بابا
استغفر .

بكي قلبي بكاء توبة من كل ما فعلته , نخرج عمر عن
صمته المدهش وشاركني البكاء , استطرد الشيخ .

- إحنا بنستعيز بالله من الشيطان الرجيم وإنت بتروح له برجلك ؟ هو صابر ده إيه غير شيطان من شياطين الانس والعياذ بالله ؟ تعالى أقعد جنبي هنا يا خالد .

كان شيخاً صادقاً وعطوفاً ورئيفاً لأبعد الحدود , سمح الوجه والأخلاق , أزهرياً يسمع ولا يحكم , إنما يرشد بتعاليم الإسلام ولا يقبل نقوداً أو هدايا .

جلست على يمينه وعمر على يساره , قرأ علينا الكثير من الآيات القرآنية , ثم قرأ آيات معينة على رأس كل واحد منا , تلاها بالرقية الشرعية ثم بعض الأدعية , كنت خلالها مغمض العينين أستغفر الله , مر كثير من

الوقت لتصبح الن الحادية عشر مساء , كانت أمي

تعامله كطبيب تنتظر منه تشخيص لحالة المريض .

- إيه الكلام يا شيخ ؟

- أنا هجيلكم بكرة تاني .

كان الشيخ مرهقاً بعد أن أنهى جلسته معنا , لكن امي

حاصرته بالأسئلة .

- هو عشان كدة خاسس ؟

- أنا قرئت عليه مفيش حاجة انشاء الله .

أوضحت سبب نقصان وزني .

- أنا خاسس عشان مكنتش باكل في المطبخ ,
والأصوات اللي فيه , ولا كنت بقدر أنام من
اللي يحصلي في الشقة .

نظر إلى الشيخ مشفقاً .

- كتر خيرك يا بني انا مش عارف كنت قاعد
كدة إزاي ؟

- مش عارف يا شيخ , كنت حاسس اني متقيد
في المكان !

- أعوذ بالله من الشيطان الرجيم .

نظر الشيخ إلى أمي متوجساً .

- أنا تعبت .. هجيلهم بكرة , مفيش نوم يا شباب
انهاردة الا لما تصلو الصلوات كلها وتناموا على
وضوء وتستغفروا وتقرأوا سورة (ياسين) (الأ
بذكر الله تطمئن القلوب) ومع كل أذان فجر
تقرأوا أواخر سورة (البقرة) لما تحصل حاجة
نلجأ لمن ؟ الله سبحانه وتعالى .

- بس أنا تعبت منهم يا شيخ .

- بعد اللي عملناه انهاردة ومجهودك في الاستغفار
والذكر وارد حمد يطلعك منهم , خليك دائماً في
ذكر الله وكليني لو حاجة جديدة حصلت .

كان الشيخ يوجه كلامه إلى فقط دون عمر وكأنه
غير موجود , ربما لأنه لم يتحدث منذ البداية , ثم

لمحت نظرات حزن وبأس عميق في عيني أمي وهي
تتحدث مع الشيخ وتوصله إلى الباب , بعدها خرجت
منى وسارة وجدتي من الغرفة لينضموا إلينا في قلق ,
سألت سارة .

- إيه الأخبار يا جماعة ؟

رددت أمي ما قاله الشيخ .

هنا خرجت سارة عن اتزانها وعلى صوتها .

- فين التربية والأدب يا بهوات ؟ أخص عليكم ,

دي آخرة الأمانة ؟ ولمين ؟ لدجال ؟

لقد أبت نفسي وعنفها بما يكفي ولم أكن أستطيع تحمل
المزيد فتركهم جميعاً دون استئذان ودخلت غرفتي
لفارس , فوجدته خائفاً .

- قالك ايه ؟

- مفيش حاجة بس لو حصل حاجة أكله .

نظر لي ولازال على وجهه الخوف بينما مددت على
سريري منتظراً القادم .

جلست على سريري وامسكت بالمصحف وبدأت في
قراءة سورة ياسين , كانت قرائتي تسم بالخشوع , كانت
جدتي تجئ وتذهب متكأة على عصاها تتحدث لنفسها

وإلى في غضب , ما أجمل هذه السيدة , تعيش من
أجل اولادها وأحفادها فقط , تهتم بأدق تفاصيل
حياتهم , تخاف عليهم وتحميهم بقدر استطاعتها ,
أحضرت كرسي ووضعته بجانب سريري وجلست متكأة
على عصاها .

- واحد في سنك ماسك ليه موبايلين ؟ وايه لازمة
التاب توب ده (تقصد اللاب توب) ؟ نايم
طول النهار وصاحي تجمع الصلوات وليك كله
على التاب توب , ربنا قال كدة ؟

كنت أحاول الرجوع إلى القراءة لأني أعرفها جيداً
ستظل تؤنبي طوال الوقت , رجعت إلى القراءة
فأخطأت وزدت ألف ولام على الآية , كانت جدتي

تحفظ الكثير من السور عن ظهر قلب ، فنغزرتني في
كتفي بعصاها .

- غلط ، غلط ، جبت الألف دي منين يواد ؟

طبعاً ما شياطينك هي اللي بتقولك !

أردت وقتها أن أضحك بشدة ، لكن إذا فعلتها قد
يرجموني حتى الموت من فرط الغيظ ، فتغلبت على هذا
الشعور وأظهرت العكس .

- يوووو يا تيتة ، سيبيني بقى شوية ؟

- لأ مش هسيبك ، أسيبك ياخدوك مني ؟ والله

أبدأ .

نظرت لها في حب وشفقة لما سبته لها هي وأمي ولجميع
من في البيت , جاءت أُمي مشفقة على أمها فأرادت أن
تستريح .

- قومي يا ماما نامي .

- أنا هنا هنا جنبه , أنا مش هخليهم ياخدوه ,

روحي انتي نامي , كفاية قطعة وسطك عليهم .

أبت جدتي بعد محاولات أُمي أن تتركني خوفاً أن
يخطفني الجن على حد قولها , كانت الحادية عشر صباحاً
, وكانت هذه المرة الأولى حقاً التي أنام فيها مطمئناً ,
أشعر بسلام عميق يغمرني رغم كل ما مررت به .

فتحت عيني ورأيت ساعة الحائط تشير عقاربها إلى
التاسعة صباحاً ! هل غفوت كل هذه الساعات حقاً !

مرت في سلام كأنها دقائق , نظرت جانبي فوجدت
جدتي مازالت على هيئتها , تنظر لي بحب متكأة على
عصاها ! هل زار النوم هذه السيدة ؟ سألتني بحب .

- حاجة حصلتك ؟

- لا يا تيتة الحمد لله , أول مرة أنام متظمن .

- طب تعالى معايا .

ذهبت بي للحمام للوضوء , ولأول مرة تخف حركة
الأرجل في الوضوء وتعود إلى نسبة كبيرة من طبيعتها ,
أحسست بفرحة داخلية ولكني تذكرت الدم الذي نزفته
من أنفي والذي انتقل لجميع وجهي , تمنيت من الله ألا
أراه مرة أخرى , افترشت السجادة متأهباً استعداداً
للصلاة في حين جلست جدتي تنتظر هل سأنزف دمًا

مرة أخرى ، أنهيت الصلاة والتفت إلى جدي في خوف وكأني أسألها هل بي شيئاً ؟ فرأيت وجهها البشوش يضحك فعرفت الجواب ، أحضرت لي جدي إفطاراً شهيماً كان كافياً لفتح شهية أي إنسان ، سمعت صوت أمي تتصل بوالدة نور ومؤمن وتقص عليهم ما حدث ، توقعت ردة فعلهم لكن لم أعرفها .

احمد الله على وجود جدي في هذه اللحظات والظروف ، دخلت أمي غرفتي وأصدرت تعليمات صارمة .

- أنت سامع طبعاً ؟ أنا قلت لكل الأمهات عشان يبقوا عارفين المصيبة اللي إنتوا فيها ، بعد كدة لما تروح تجيب باقي حاجاتك من اسكندرية مش

هتروح وحدك , هيكون معاك أخوات عمر
الولاد وأمهاات الباقيين .

هنا تذكرت الاسكندرية من جديد والامتحانات التي
سأرسب بها بلا شك , سمعت أمي تتكلم في الهاتف
مع إحدي أقاربي الموجودين في الاسكندرية , ثم
أنهت مكالمتها وجاءت لي مرة أخرى .

- انت هتسافر بكرة , فاضل على امتحاناتك أسبوع
بس و (مريم) هتشرحك المنهج ليل نهار
عشان تعوض , هتقعد في فندق فترة الامتحانات
ومش هتروح البيت ده غير لما تروح تاخذ باقي
حاجاتك من هناك , سامع ؟

جاء الشيخ مرة ثانية في المساء لتكملة جلسته بحضور
نفس المجموعة باستثناء فارس ، هذه الجلسة أهدأ بكثير
من الأولى ، فلم يظهر وجه الشيخ صابر ولم أبكي أنا وعمر
، كانت مقتصرة على قراءة القرآن وبعض الأدعية ، ثم
أعطانا ماء زمزم لنقرأ عليه قرآن ونشربه وتتوضأ به
شرط ألا تقع منه قطرات على الأرض ، وجود جدتي
بجانبني في حد ذاته قمة الأمان كما أنها تدفعني للإلتزام
دينياً أكثر من ذي قبل وأحافظ على صلواتي وأذكاري
وقراءتي للقرآن .

(8)

المحطة الأخيرة

عدنا للاسكندرية , أقمنا في إحدى الفنادق الكبيرة في الاسكندرية التي تطل على البحر , كما قد اتفقنا مُسبقاً أننا سنستريح ثم سنذهب للشقة لحزم باقي أمتعتنا .

وصلنا الشارع فوجدت سيارته تقف أمام المنزل , وجدنا أناساً كثيرة يطولون من الشبابيك وبنات من الجامعة يقفن بالخارج , ناظرين إلينا يحدثن بعضهن بريبة , باب العمارة مفتوح وباب الشقة أيضاً ! لم أعرف إلى الآن ما الذي حدث ومن الذي أخبر العم كمال ! قبل أن ادخل هذه الشقة الملعونة تذكرت أن أقرأ آية الكرسي فقرأتها واستعدت بالله من الشيطان الرجيم ودخلنا , رأيت شيخ يرتدي الزي الأزهري ذو العمامة البيضاء والطاقيّة الحمراء الشهيرة يجلس في منتصف الحضور ,

كانت له هيبة واجلال تستشعرهما عند رؤيته , بمجرد
دخولنا الشقة التفت إلينا العم كمال ونظر إلى في غضب
شديد .

- أهلاً يا باشا .. مين قالك تفتح الأوضة ؟ أنا
قتلك تفتح الأوضة دي ؟ أنا مش منبه مية
ألف مرة بلاش تفتحوا الأوضة دي ؟ ثلاث
أوض مش مكفينكم ؟
- أوضة ؟ أوضة إيه ؟

كنت بالفعل قد نسيت تماماً فتح الغرفة الرابعة , حدثني
نفسي أن ما نحن به أسوأ , وهذا الرجل المخبول ترك
كل شيء وتحدث فقط عن مخالفتي لأوامره !

كان الشيخ الذي رأيناه يقف معنا , نور ووالدته ومؤمن
ووالدته والعم كمال جالسين , لم نلق السلام ولم يكلم
أحدنا الآخر , كما تبادلت الأمهات والأخوات نظرات
الازدراء والالتهام لبعض , كل ولد في نظر أهله بريء ,
نحن جميعاً أخطئنا ولا نريد تحمل المسؤولية أو رؤية
عواقب خطئنا , الحمد لله أنني أدرك ذلك , استطرد العم
كمال .

- الأوضة اللي انت فتحتها ؟ فتحتها ليه ؟

ألقي نور التهمة بعيداً عنه .

- هو اللي قال نفتح الأوضة .

صاح العم كمال مكرراً .

- ليه فتحها ؟ أموت وأفهم فتحوها ليه وانتوا

أربعة بس والشقة ثلاث أوض !

نظرت إلى نور وسردت إيجازاً .

- الباشا نور بيتكلم كل يوم بليل في التليفون وده

عامل ازعاج لمؤمن ومخليه مش عارف ينام ,

فاقترحت نفتح الأوضة دي ونعملها سنترال

عشان نور يتكلم براحته , دي كانت خدمة ليهم

أصلاً , أنا كدة كدة في اوضة لوحدي , ثم إنهم

كلهم وافقوا وعلى فكرة هما اللي فتحوها مش أنا!

كنت أنظر كل بضعة لحظات لمؤمن , كان سارحاً

بشدة وينظر أمامه , بالتحديد ناحية الغرف , لم أعطي

وشعوذة , بعد ما يخلص الشيخ قدامكم ساعتين
تلها حاجتكم وتسلموا المفتاح .

نزل العم كمال وجلس مكانه بجانب الباب , بينما جلس
الشيخ يقرأ بعض الآيات القرآنية ثم انتهى ونظر إلينا .

- كدة كدة لازم تمشوا من الشقة دي .

نظر إليه عم كمال واقتضب حاجبيه , فبادله نفس
النظرة بغضب , ينهره صوته مُستخفاً به في استجواب .

- الأوضة اللي جوة دي فيها حاجات كبيرة جداً

صح ؟

لم يرتبك عم كمال واستجمع قواه وتجاهله ، واصل
الشيخ كلامه ناظراً إلينا جميعاً وأشار إلى عم كمال .

- الرجل ده كان يحضر فيها أرواح ، وفي مشكلة
كبيرة حصلت معاه زمان ، صح يا حاج ؟

لم ينطق ، فتح عينيه في ذهول وكأنه يسترجع ذكريات
قديمة ، مال الشيخ بجسده إلى الأمام تجاهه ثم رمى هذه
القنبلة في وجهنا جميعاً ليسمع ردها ، تحاصره نظراته في
تحد واستنكار .

- صح كلامي ؟

لم يجيبه بالنفي أو الايجاب ، أكمل الشيخ .

- الأوضة دي كان مجوس فيها جن كتير بتعويزة
، فلما فتحتوا الاوضة طلغوا في الشقة كلها ، يبدو
إن الحاج كان يحاول يحضر روح أحد الصالحين
. أستغفر الله العظيم ، لما جاتلك المجموعة دي
معرفتش تصرفهم ، وبالكاد جبت تعويزة قديمة
من صابر الساهر تحبسهم كلهم في الأوضة دي .

عندما ذكر امامي الاسم لم أستطع أن أتذكر إلا صابر
الذجال ، فأنا لا أعرف صابر غيره ، سألت في دهشة
واندفاع .

- الشيخ صابر اللي برة البلد ؟

نظرت إلى مؤمن غير مصداقاً , ورأيت الباقي وقد اتابهم
نفس حالتي ناظرين إلى لا شيء , نظر الشيخ إلى في
غضب واسترسل .

- شيخ ؟ شيخ إيه يابني , ده مشعوذ , أعوذ بالله
من الكفر .

نظر إلى عم كمال في حق .

- عاجبك كدة , منك لله .

تذكرت ما قالته لي ليلي إبنته قفلت كأني نسيت برهان
براءتي .

- أنا مش فاهم إيه اللي مضايقتك أوي كدة ! إلا

لو كان كلام الشيخ صح ؟ وعلى فكرة ليلي بنتك

هي اللي قالت لي افتح الاوضة لو عايز , يعني

متصرفتش لوحدي .

التفت إلى عم كمال كأنه قادم من عالم آخر .

- ليلي مين ؟

- ليلي بنتك .

نظر لي نظرة كلها شك وعدم تصديق ووقف وساد

الصمت لثواني , مرت كأنها ساعات , ثم بلع ريقه

ونطق .

- فوتها فين وامتي ؟

- اتقابلنا صدفة كذا مرة في الجامعة , ومرة هنا في
العمارة , وهي اللي قالت عادي لو فتحت
الأوضة الرابعة .

ظل ينظر لي في بلاهة لكن اكتشفت الجمع الغفير أيضاً
يعيرني نفس النظرة , نظري إلى العم كمال في دهشة .

- ليلي بنتي ماتت !

نظرت له في استخفاف .

- لا حول ولا قوة إلا بالله , يعني عشان متخاتق

معاها تقولي عليه مات !

- انا بنتي ميتة من 10 سنين !

لم أصدق ما يقول .

- بتقول إيه ؟ أنا قصدي ليلي !

- معنديش غيرها , ماتت من 10 سنين !

أحاطت يداي بأذني , لا أريد ان أسمع .

- بس .. بس متقوليش كدة ! أومال مين اللي

كانت بتكلمني وتقابلني حرام عليك !

قام عم كمال ومسكني من ذراعي بقوة وهزني في
عنف .

- هي جاتلك ؟ انطق .. جاتلك امتي وفين ؟

ومجاتليش انا ليه ؟ أنا أبوها ! أنا اللي ريبتها وبتمني

أشوفها , تجيلك انت ليه ؟

ثم تذكرت موقفاً سيساعدني , نظرت إلى عمر .

- عمر؟ فاكر عم فايز؟
- لأ؟ مين ده؟
- يا عمر البباع اللي وصلني لحد ليلى!
- آاه صاحب الدكان اللي على اول الشارع خالص.
- قولهم , هو اللي وصلني ليها الأول والأثنين
وصلوني لعندك .

سكت فجأة ثم أكل في إنكار .

- انت كداب , ومقولتليش ليه ساعتها؟
- ليلى قالتلي إنها على خلاف معاك , وإنه أحسن
أقولك أنا شوفت اليافطة على أول الشارع , اسأل
عم فايز!

صاح أحد أقارب عم كمال في دهشة .

- عم فايز مين يا أستاذ؟
- صاحب المحل الصغير اللي على الشارع برة!
- قال عم كمال .
- المحل على طول قافل؟
- أكد عمر .
- فعلاً من ساعة ما جينا والراجل مش ببيان!
- تكلم الرجل مرة ثانية في استنكار .
- بيان إزاي وهو ميت يبجي من 15 سنة!
- أردت أن أتأكد .

- يا جماعة الراجل حجمه قليل كدة , قصير ورفيع
كدة ؟

نظر الشيخ إلى في رأفة ,

- الله يرحمه يابني كنت أعرفه وحضرت جنازته
وكانت ليلى بتجبه جداً الله يرحمهم جميعاً .

نظر الشيخ لعم كمال .

- عملت إيه في ليلى يا عم كمال ؟

- أنا معملتش حاجة , هي انتحرت عشان مكنتش
عاوز أجوزها الولد اللي بتجبه , كان مستواه أقل
من مستوانا بكتير .

نظر العم كمال في اللا شيء وأردف في هوس واضح .

- المفروض تتجاوز واحد من اختياري , واحد
مياخودهاش مني .

- وليلى بنتك ماتت إزاي .

اعتدل في جلسته حتى واجهه في غضب .

- ولو أنه مش من حقك تسأل أصلاً , لكن
حاضر هقولكم كلكم , هرضى فضولكم اللي
هيقتلكم .

في ايقاع سريع انقطع نور الشقة للحظات وسمعنا
صوت سكون , ثم عاد النور من جديد , وسط
همهمات واستعاذات بالله , اكتشفت أن نور النهار
غير قادر على منحك الأمان في تلك اللحظات , بات
ليلاً قصيراً في لحظات .

نظر الشيخ إلى مصادر النور ثم أكل في صوت يملؤه
إيمان .

- كل أنا سامع .
- في مرة وعدتها إن الجوازة دي مش هتم ,
كنت دايمًا بقولها كدة , في يوم سمعت صوتها في
الشقة بتصرخ وبتعيط , على بال ما طلعت شوفتها
مرمية على الأرض سايحة في دمها , قاطعة
شرايينها وقاطعة النفس .

عقب الشيخ ليتأكد .

- انتحرت هنا ؟
- أيوة , بس انا واثق إنها عايشة .

سمعنا صوت مؤمن يستأذن للذهاب للحمام وأخذ نور
معه لخوفه الشديد من الذهاب وحيداً .

بدأ أحدهم يتكلم كذلك .

- سلاماً قولاً من رب رحيم , بصراحة يا استاذ
كنت فاكرك في الاول تعبان شوية , لأني أول
مرة شوفتك هنا كنت واقف بتكلم نفسك ,
وبعدين لمحتك في مدخل العمارة بتكلم نفسك
تاني ! افكرتك بتكلم المحجة بس مفيش حد كان
واقف معاك , قولت اكيد لا مؤاخذة بعافية
شوية , مع إنك لسة صغير .

نظر الشيخ لعم كمال وهو يسأله بغضب .

- والصندوق الأثري جيته منين يا عم كمال ؟ لو

متكلمتش هتصل بالبوليس يجي هنا !

- الصندوق أثري بس مش أنا اللي سرقتة , انا

اشتريته من واحد معرفهوش ومش من نواحيننا ,

ده كان لزوم تكلمة الطقوس .

نظرت له وقولت .

- انت عارف يا عم كمال إن صابر النصاب كان

عاوز ياخده مني وأنا مرضيتش ؟

- صابر واخذ نسبة لكنه كان وسيط بيني وبين

البايع , الحاجة الوحيدة اللي عملتها صح في حياتك

, قوم يلا هاته .

أمسكت بالصندوق واحتضنته .

- لا انسى , الصندوق ده هيروح شرطة الآثار
خلاص .

- أنا هوديك في داهية لو مرجعش !

- وريني هتعمل إيه ؟

نظر الشيخ إلى .

- الصندوق لازم يرجع يا خالد يابني كامل .

- بس القفل بتاعه مش قاعد ومش عارفين !

عادت النور مرة أخرى ولكن بدأت جميع الصور
المعلقة على الحائط تقع مرة واحدة , وبدأ كم هائل من
البخار يخرج من طرقة المنزل وغير معلوم مصدرها , ثم

رأيت رجل طويل ، مفتول العضلات يقف وفي يده
صولجان وينظر لي بغضب وأمامه فتاة مألوفة لي ! ليلى !
كان يمسك بها ثم طعنها بشيئا ما من الخلف وإختفى
وبدأت أصوات الموجودين في الصراخ عالياً وبدأوا في
الخروج من المنزل هارين ، هل رأوه بالفعل ؟ فرعون ؟
لقد طعن ليلى ! ولكن في لحظة تبدل المشهد ، نور مرمياً
على الأرض غارقاً في دمائه مقتولاً ! مؤمن يقف وينظر
لي بغضب أنا وعمر ويمسك بخنجر ! نعم إنه الخنجر
الموجود في الصندوق ! كيف أخذه ؟ كيف خرج
الخنجر من الصندوق ! نظر لشخص آخر كان يتواجد
معنا ، نعم والد ليلى كان يقف متجمداً ، خرج صوت
ليس بصوت مؤمن أبداً .

- يوم الحساب جيه ، وانت حسابك كان تقيل جداً .

ثم في لحظة جري بمؤمن بسرعة خارقة وطعن والد ليلي
بالخنجر أكثر من خمس طعنات متتالية حتى سقط
أرضاً مفارقاً الحياة ، تجمدت في مكاني بينما بدأ عمر
يجري ويهرب تجاه الباب ولكن شيئاً ما أغلقه ، أراد
عمر أن يفتحه ولكنه لا يفتح ، بدأت أصوات الصراخ
تعود مرة اخرى بصوتٍ عالٍ ، جرى مؤمن بسرعة
شديدة على عمر وطعنه عدة طعنات في الصدر والرئة
أرداه قتيلاً هو الآخر ! أخيراً وجدت نفسي اجري تجاه
غرفتي وأغلقتها ورأى ! سمعت صوت خطوات مؤمن
تقترب من الغرفة ، كنت مرتعباً بشدة ، لا أصدق !
لقد قُتل نور وعمر ! من مؤمن ! أخذت بترديد (يارب

ساعدني .. يارب ساعدني) وجدت مؤمن يقاطع
كلامي .

- مش قولتك يا خالد إن فرصتك خلصت ؟ قولتك
مش أنا اللي هقتك , أهو صاحبك هو اللي هيقنتك .

ثم بدأ يضحك ضحكة عالية ! ثم فتح الباب ودفعه بشدة
ومن شدة فتح الباب دفعني للخلف بقوة مصطدماً
بالحائط , بدأ يقترب مني بشدة وهو يوجه الخنجر نحوي
, حاولت الاستبسال وأعطيته بعض اللكمات التي
أسقطته مؤقتاً , نهضت بسرعة للخارج محاولاً فتح الباب
لأجد مؤمن يتحرك بسرعة للغاية ويوجه عدة طعنات
كثيرة في ظهري ! رفضت السقوط , لكنه وجه
طعنات أكثر لي وبدأت في نزيف الكثير من الدم

والتقاط آخر أنفاسي في هذا العالم ! سقطت وأنا أرى
عمر بجاني يمد يده لي وهو يقول بصوت خافض .

- خالد .. خالد .

كنت ألتقط انفاسي الأخيرة وبدأ صوتاً مزججاً في
الظهور وأخذ يعلو وיעلو .

توووت توووت توووت تووووووت تووووووت

- خالد ؟ .. خالد ؟

إستيقظت لأجد نفسي بداخل قطار وبجاني خالد !
يوقظني !

- قوم يا خالد وصلنا اسكندرية , حمدلله على
السلامة .

بدأت أستعيد وعيي وأنظر يميني ويساري ، كان كابوس! ما هذه الشقة التي حلقت بها ؟ ومن هو فرعون؟ أحمد الله أنه كان كابوساً ، كابوس لا أريد أن يحدث في العالم الواقعي هذا ! نهضت وأمسكت بحقائبي استعداداً للنزول من القطر ، أنا وعمر نستعد أخيراً لقضاء عامنا الأخير في الجامعة وجئنا من قنا لنبحث عن سكن مناسب لهذه السنة فقط ، نزلنا متجهين خارج المحطة ، كنت أنظر يميني ويساري حتى أتبين بوابة الخروج من المحطة واذا بي يصطدم رجل عجوز وهو يمسك بعربة نقل الحقائب وهو يعتذر لي .

- لا مؤاخذة يا بيه ، حمدلله ع السلامة ،

نورتوا اسكندرية بلد العجايب .

ابتسمت له ووضعنا أنا وعمر حقائقنا على العربة
واتجهنا لبوابة الخروج . نحو مستقبل مشرق مجهول
ينتظرنا بكل تأكيد .

تمت ...

إلى اللقاء في روايات أخرى ..

مكاريس عطيتو ..